

## Naqqiut

Siunnersuut 21. agusti 2018-imeersoq taarserpaa

*(Inatsisiliaatsimut tunngasunik naqqiisoqarpoq. Imm. 1-im, 2-mi, 3-mi, 4-mi, aamma imm. 8-mi, kiisalu §§ 1, 2, 3, 14, 15, 22 aamma 32-mi siunnersummi aalajangersakkanut ataasiakkaanut nassuaatinut naqqiisoqarpoq. Tamakku saniatigut torersuunissamut tunngasunik ilusilinnik naqqiisoqarpoq)*

Siunnersummut nassuaatit

### Siunnersummut nassuaatit nalinginnaasut

#### **1. Aallaqqasiut**

Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaannut siunnersuut (neqerooruteqartitsisarnermut inatsit) UPA2015/118-im Iatsisartut aalajangiiffigisaat tunngavigalugu suliarineqarpoq, tassani pisortat pisiortortarnerannut toqqammavinnik qularnaarisussamik Inatsisartut inatsissaannut siunnersummik Naalakkersuisut peqquneqqarmata. Siunnersuut 2018-im iupermaakkut ataatsimiinnermi oqaluuserisassanngortinnissaa taamanikkut Naalakkersuisuusunit akuerineqarpoq, tamatumali kingornatigut qinersisussanngortoqarluni. Qinersinissaq tunngavigalugu Inatsisartut aalajangiiffigisaat atorunnaarsinneqarpoq. Taamaattorli Inatsisartut aalajangiiffigisaanni sianigisat suli tunngavigineqarmata saqqummiuteqqinneqarpoq. Pisiortornerit pitsangorsarlugillu ataqtigissaarnerisigut pisortat aningaasanik sipaaruteqarsinnaanerat, aamma pisiniartoqarnermi inuiaqtigijiinni aningaasaqarnikkut kingunerisinnaasat nalilertariaqartut Inatsisartut aalajangiiffigisaata nassuiarpai, taamaallilluni sianigisassat assigiinngitsut naleqquttumik ilusilimmik oqimaaqatigiissaagaasinnaallutik.

Inuussutissarsiornermut Nukissiuteqarnermullu Naalakkersuisoqarfik Aningaasaqarnermut Sulisoqarnermullu Aqutsisoqarfimmik suleqateqarluni kiisalu kommuninik peqataatitsilluni neqerooruteqartitsisarneq pillugu inatsisissatut siunnersummik suliaqarpoq.

Siunnersuut manna siunnersuut siusinnerusukkut saqqummiunneqartoq tunngavigalugu suliaavoq. Taamaammat tusarniaanermi akissutaasimasut immikkoortumi tusarniaanermut tunngasumi uteqqinneqaannarput. Siunnersuulli siusinnerusukkut siunnersuutaasumit allaassuteqarpoq makkunuunatigut. § 1 nutaaq ilanngunneqarpoq, taanna tunngavinnik tamanut atuuttunik imaqarpoq, unammilleqatigiinnerup suliarisarnissaanik naliliillunilu

nalunaarusiortarnissamik aalajangersagaq peerneqarluni, kiisalu isumaqatigiissutit aggulunneqassanersut pisiniartumiit naliliiffigineqartarnissaannik pisussaaffiup ilanngunnera, takuuk § 30.

Siunnersummi nioqqutissanik kiffartuussinernillu pisortat neqerooruteqartitsisarnerannut malittarisassat aalajangersarneqarput. Siunnersuutip atuuffissaa eqqarsaatigalugu illulianik sanaartukkanillu suliassat Siunnersummi ilanngunneqanngillat, taakku illuliornermik sanaartornermillu immikkoortortami neqerooruteqartitsisarneq pillugu Inatsisartut inatsisaanni immikkut ittumik killilersorneqarmata (neqeroortitsisarneq pillugu inatsit).

Nioqqutissanik kiffartuussinernillu pisortat pisiniartarnerat siornatigut inatsisilersugaasimanngilaq, kisiannili kommunini aamma Namminersorlutik Oqartussani namminneq iluminni pisiniarnissamut aalajangersagaasigut killilersorneqartarsimalluni. Taamaalilluni Siunnersuut aqqutigalugu Kalaallit Nunaanni pisortatut oqartussat suliffeqarfiiillu pisortat pigisaat tamarmik ataatsimoorussaminnik malittarisassaqalerput, taamaalillutillu pisortat ingerlatsineranni assigiaarnerusumik tunngavissiisoqarluni, soorunalumi unammillernikkut atugassarititaasut ilisarineqarsinnaanerulerlutik paasiuminarnerulerluttillu oqartussanut suliffeqarfinnullu iluaquutasunik.

Siunnersuut tamakkiinerusumik sunniuteqassappat unioqqutitsinerit naammagittaalliuutigineqarsinnaassapput kinguneqartitsisoqarsinnaalissallunilu. Siunertaq taanna pillugu siunnersuutigineqarpoq arlaannaannulluunniit attuumassuteqanngitsumik maalaaruteqartarfimmik pilersitsisoqassasoq. Nioqqutissanik kiffartuussinerillu iluani arlaannaannulluunniit attuumassuteqanngitsumik maalaaruteqartarfimmik pilersitsisoqarnerani tamatuma saniatigut pisussaaffinnik akuersinerussaaq.

Tamanna tunngavigalugu immikkut siunnersummik Pisortat Pisiortortarneranni Neqerooruteqartitsinermi Maalaaruteqartarfimmik siunnersuut saqqummiunneqassaaq Maalaarutinik suliaqartartussamik tassungalu atatillugu pisortat nioqqutissani kiffartuussinernillu pisiortortarneri ilaatilerlugit.

Tamanna tunngavigalugu maalaaruteqartarnermut inatsisissatut siunnersummut tamanna pillugu aalajangersakkanik naapertuuttumik maalaarut Pisortat Pisiortortarneranni Neqerooruteqartitsineq pillugu Maalaaruteqartarfimmut tunniunneqassaneranut innersuussinermut atatillugu neqeroortitsinermut inatsisissatut siunnersuut maalaaruteqartarnissaq pillugu aalajangersakkanik allanik imaqanngilaq.

## **2. Siunnersummi immikkoortut pingaarcerit**

Illulianut sanaartukkanullu tunngasunut akerlianik nioqqutissat sullissinerillu pisortanit pisiarineqartarnerat oqaatigineqareersutut inatsisitigut siusinnerusukkut

killilorsorneqartannigillat, kisiannili killilersuineq najukkani pisortat akunnerminni aalajangersagaanik peqartarsimalluni.

Siunnersuut suliarineqarpoq namminermi aalajangersakkat taakku isumassarsiffagalugit, Neqeroortitsisarneq pillugu inatsimmit aamma neqeroortitsisarneq pillugu danskit inatsisaannit, susassaqarfimmi EU-p inatsiseqartitsinerani atuuttuni ilanngunneqarsimasunik.

Siunnersuut malittarisassat atorneqarnissaannut toqqammavissanik erseqqissunik § 1-imi malittarisassiortoqarpoq. Inatsisartut inatsisaatigut siunertaasoq tassaavoq pisortat pisiniartarneranni periaatsit aalajangersaassallugit taamaaliornikkullu pisortat aningasaataasa atorluarneqarnerpaanisssaat anguniarlugu unammilleqatigiinneq pitsaanerusoq anguniassallugu.

Pisortat pisiniartarneranni unammilleqatigiinnermik pitsaanerpamik siunnersuut pilersitseqataassaaq, taamaalillutik pisiniartarnerit pitsaanerpamik ingerlalerniassapput, soorlu pisiniartut neqerooruteqartullu neqerooruteqartitsinermut atatillugu annikinnerpaamik aningaasartuuteqalissallutik.

Tassalu siunnersuut ammasumik suleriaaseqarnissamik, assigiisitsinissamik naleqqutumillu annertussusiliisarnissamik tunngaveqarpoq. Aalajangersakkalli aalajangersimasut oqaasertalorsorneqarneranni Kalaallit Nunaanni pissutsit immikkut ittut isiginiarneqarput. Danskit neqerooruteqartitsisarnermut inatsisaannut sanilliullugu siunnersuut sunnguanik tamanik aalajangersaaviunngilaq qeratavallaaranilu, aamma isumaqatigiissusiortarnerni najukkami pissutsit aallaavagineqarnissaat periarfissinneqaroq, tassa sullissinerit imaluunniit ilinniartoqartarnerillu aammalu inuiaqatigiit allatigut isiginiarneqarnissaat eqqarsaatigalugit.

## *2.1. Atuuffia*

Siunnersummi nioqqutissanik kiffartuussinernillu pisinerit suulluunniit 500.000 kr.-t sinnerlugu nalillit pineqarput. Nalip taassuma killiffia assersuutigalugu 250.000 kr.-nut apparinneqarnissaa oqaluuserineqarsimavoq, kisiannili nalilerneqarpoq kalaallit niuertuinut killeqarajuttumik pilersuisoqartarnerup kingunerisaanik taamaallaat periarfissaqartarmat pisiassat annertussusissaat killeqartinneqartarluni naammattumik unammillersinnaanissap pilersinnissaa periarfissaalertinnagu aaqqissuussaasumik neqerooruteqarnissami aningaasartuutaasusanut naapertuunnissaq eqqarsaatigalugu.

Iermik, innaallagissamik, kiassarnermillu pisortat pilersuineranni, assartuinermi kiisalu allakkerinermi nalunaarasuarternermilu inatsit naapertorlugu kisermaassinissamik pisinnaatitaaffeqarfiusuni suliassanut Inatsisartut inatsisaat atuutinngilaq.

Pisiat nalinginut killigititat qaangerneqarsimanerannik naatsorsuisarnerit siunnersuutikkuttaaq malittarisassiorneqarput. Sullissinerit taakkorpiaat pissarsiareqqinneqartarsimappata taava nalingi naatsorsuinermi katinneqartassapput.

Pisiat annikinnerusut pillugit neqerooruteqartitsisarnermi periaatsit nammineq kajumissutsimik atorneqarnisaannut pisiat nalinginut killiliussaq aporfiusanngilaq.

Illuliassanut sanaartugassanullu suliassat siunnersuummi ilanngunneqannngillat, taakkumi neqeroortitsisarneq pillugu imatsimmi malittarisassaqareermata kiisalu inatsisitigut aamma kukkunersiuisarnikkut siunnersuisarneq ikorsiisarnerlu immikkut ittumik isertugassaqartoqartillugu imaluunniit immikkut ittumik paasisimasaqarnissaq inatsisitigut piumasaqaataasinnaammat, pisortani oqartussanit imaluunniit suliffeqarfinnit allanit pisiniarnerit, EU-mi inatsisilerinermi neqeroortitsinermut malittarisassiat najoqqutaralugit nunami EU-mi ilaasortaasumi pisortat peqatigalugit ataatsimoorullugit pisiniarnerit, pisiniarnerit taakku unammillerfiusimaneri pissutigalugit, kiisalu tapiissutitigut pisinnaatitaalluni suliassamik kiap isumaginnituussaneranik aningaasanut inatsimmi aalajangersagaasutut suliassat.

Kiffartuussinerit assigiinngitsut arlallit ilanngunnissaat isumaliutigineqarsimapput, kisiannili nalilerneqarpoq immikkut ittumik mianerisassaqartoqartillugu neqeroorutit atorneqassappata isumaqatiginninniarnissaq tunngavigneqarsinnaasoq imaluunniit tamanut ammasumik tusarliussinnginnissaq tunngavigneqarsinnaalluni, taamaalluni mianereqqusaq naammassineqarsinnaammat Siunnersuut tamakkiisumik saneqqustinngikkaluarlugu. Neqeroortitseriaatsit taakku marluk allaffissornikkut oqinnerupput, aammalu siusinnerusukkut atorsimasatut pilersuisartumit ilassutitut pilersuutit pisiarineqarneri pineqartillugit pisuni atorneqarsinnaallutik, siuliani tamanut ammasumik imaluunniit killilimmik neqerooruteqartitsiffimi taamaallaat neqeroorutit akuerineqarsinnaanngitsut tiguneqarsimallutik. Pinngitsuugassaanngitsutut patsisaasunik pisisussap siulittutigisinnaanngisaanik pisoqarfii, aammalu neqeroortitseriaatsini allani taakkunani killissaliussanik naapertuutsitsinissamik pisinnaatitsinngitsut imaluunniit pisiariniakkatut isumaliutigisap nalinga kr. 1 mio.-inik annikinnerunerata nassatarisaannik taamaallaat pilersuisartoq kiffartuussisummik kissaatigisamik pilersuisinnaavoq.

## 2.2. *Neqerooruteqartitseriaatsit*

Neqerooruteqartitseriaatsit assigiinngitsut 4-t siunnersuummi aalajangersarneqarput: tamanut ammasumik neqerooruteqarneq, killeqartumik neqerooruteqarneq aamma isumaqatiginninniarmetalimmik neqerooruteqarneq tamanut ammasumik siumoortumik nalunaarutiginninnissaq ilanngullugu ilanngunnaguluunniit.

Neqeroortitseriaatsit taaneqartut siullit 2-t tamatigut atorneqarsinnaapput, taaneqartulli kingullit 2-t immikkut pisoqarnissaannik piumasaqaateqarfiullutik, assersuutigalugu

pinngortitap piliaanik ajunaarnersuaqartillugu, pilersuisut nikisinneranni periaatsitigut ataatsimoortoqarsinnaatinngu, ineriaartorneq, sullissinissap immikkualuttortalersornissaa ajornakusoortillugu.

Isumaqtiginninniarnikkut neqeroortitseraatsit taakku 2-t aammattaaq nammineerluni toqqarneqarsinnaapput, kiffaartuussinissatut kissaatigisap nalingata 1 mio. kr.-t qaangersimanngippagit. Taamaalilluni pisiniat 0,5-1 mio. kr.-t akornanni pisinissaminnut annertuumik kiffaanngissuseqarlutilu iliuuseqarsinnaatitaapput, periaatsit taakku 2-t allaffissornikkut oqinnerummata.

#### *2.3. Assigiimmik pinninneq, naapertuuttumik annertussusilersuisarneq, isertuussaqarneq il.il.*

Ammasumik suleriaaseqarnerup, assigiimmik pinninnerup naapertuuttumillu angissusilersuisarnerup pisiniamit malinnejarnissaat siunnersuutikkut aalajangersarneqarpoq. Taakku neqerooruteqartitsisarnermut EU-p tunngaviisigut aalajangersagaapput, kisiannili pisortat ingerlatsineranni tunngaviit nalinginnaasut aallaavigalugit aamma atorneqartarlutik.

Nuerneq pillugu siumortumik oqaloqatigiinnermi imaluunniit neqerooruteqartup siunnersuinerani kiisalu teknikikkut piumasaqaatit aalajangersarneqarneranni tunngaviit tamakku malinnejarnissaat pillugu aamma malittarisassanik aalajangersaasoqarpoq.

#### *2.4. Toqqaaneq tunniussinerlu*

Suliffeqarfitt neqerooruteqarnissamut imaluunniit pisortat neqerooruteqartitsinerannut neqeroorutiminnik nalilertinnissaanut periarfissinnissaannut sunik piumasaqaateqartoqarnissaa pillugu sinaakkutissat erseqqinnerusut Siunnersummi aalajangersarneqarput.

Uani peqataatinneqannginnissamut pinngitsoorani tunngavissat arlallit pineqarput, tassunga ilanngullugit aningaasanik akiliilluni peqquserluuteqarneq, unammilleqatigiinnermik annikillisitsiniarluni ingerlatsineq aamma peqquserlunnikkut aningaasarsianik malunnarunnaarsaasarneq peqataatinneqannginnermik tamatigut kinguneqartassaaq. Tamatuma saniatigut peqataatisinnginnissamut nammineq piumassutsimik patsisissat arlallit pisiniap atussallugit atussannginnerlugilluunniit toqqarsinnaasai. Taakkununnga ilanngullugit akiitsoqarsinnaatitaannginneq pillugu misissuiffigineqarneq, pisortanut akiitsut, sumiginnaanerit aamma siusinnerusukkut neqerooruteqartitsinermi paassisutissanik eqortuunngitsunik tunniussaqarneq.

Aamma isumaqtigiisummik tunineqarnissamut periaasissat Siunnersummi aalajangersarneqarput. Tamatuma kingorna akit aningaasartuutilu kisiisa misissornissaannut pisisoq toqqaasinnaavoq imaluunniit naliliinermi aamma pitsaaqutit atorunnaarsissinnaallugit.

Pitsaaqutinut najoqqutassat atornerisigut isumaqatigiissummi namminermi  
pineqartunngarnit mianerisassat allat arlallit nalilersornissaannut periarfissiisoqarpoq,  
tassunga ilanngullugit inuiaqatigiinnut tunngasut mianerineqarnissaat soorlu pisinnaasassat  
annertusaavagineqarnerat, avatangiisut sunniutit, inuussutissarsiutit nukitorsarnissaat  
susassaqarfiillu allat taamaanneratuut nunamut iluaqutaasussat. Taamaattorli piumasaqaatitut  
aalajangersakkat sullissinissatut neqeroorutigineqartumut tamatigut attuumassuteqartassapput  
tamatumanngalu sanilliullugu annertussutsimikkut naapertuuttassallutik.

## *2.5. Paasissutissiisarneq paasiuminassuserlu*

Paasiuminartuunissaq pillugu tunngaviusumik periaassisap isumagineqarnissaanut  
aalajangersakkat arlallit Siunnersuummi aalajangersarneqarput. Suliamik ingerlatseriaatsit  
aalajangiinerillu tamarmik erseqqissuunissaat qulakkiissallugu pingaaruteqarpoq,  
taamaalilluni inuussutissarsiortut ingerlatsisoqarfimmut tatiginissinnaaqquullugit,  
taakkununnga ilanngullugit aalajangiinerit suliatigut paasisimasaqarneq tunngavigalugu  
pisarnissaat.

Namminersorlutik Oqartussat neqerooruteqartitsisarnermut nittartagaat tassaassaaq pisortat  
ataatsimoorussamik nittartagaat, neqeroorutit aamma tunniussinissamik aalajangiinerit il. il.  
tamaasa tamanut ammasumik tusarliunneqartalissallutik.

Paasissutissat, aalajangiinerit apeqqutinullu akissuteqaatit tamarmik ataatsikkut pisarnissaat  
pillugu malittarisassiorqassaaq – assigiimmillu imaqaqtassallutik – qinnuteqartunut  
neqerooruteqartunullu tamanut.

Pisinermi tamarmi suleriaatsit aalajangiinerillu pingaaruteqartut neqerooruteqartut  
uppernarsaasiisarnissaat pillugit aammattaaq piumasaqaatigineqarpoq. Taamaalilluni niuerneq  
pillugu aallarnersaataasumik oqaloqatigiissinnaanerit imaluunniit siunnersuisarnerit imaat  
uppernarsarneqartassallutik. Apeqqutit tamakkununngalu akissutit tamarmik  
kikkunninngaanneernersut paasineqarsinnaajunnaarsinneqassapput allaganngorlugillu  
nassiunneqartassallutik. Isumaqatiginniniarnerit nassuaasersorneqarsinnaassapput.  
Tunniussinissamut, itigartitsinissamut aamma atorunnaarsitsinissamut aalajangiinerit  
tunngavilersugaassapput uppernarsaasigaassallutillu.

## *2.6 Isumaqatigiissutit immikkoortukkuutaanut agguluttarneri*

Isumaqatigiissutit aggulunneqarpata naleqqunnerussanersoq nalilersussallugu pisiniamut  
aamma pisussaaffiliunneqassasoq siunnersuummi aalajangersarneqarpoq. Tassunga  
tunngatillugu isumaqatigiissutit mikinerusunut immikkoortitererisigut (isumaqatigiissutip  
aggornerinut) niuffaffimmi unammilleqatigiinnerut naleqqutissanersoq pisiniartup  
isumaliutigissavaa, ilaatigut unammillersinnaasut amerlanerusinnaanissaasa  
isumannaarneratigut. Unammillersinnaasut amerlaneruppata neqeroortitsinerup sunniutai  
pitsaasut sivikitsumik atasussat ingammillu siunissaq ungasinnerusoq eqqarsaatigalugu

atasussat qularnaarsinnaavai akip pinngitsaalillugulusooq appartinneragut neqerooruteqartut amerlanerusuuppata, ungasinnerusorlu eqqarsaatigalugu niuffaffimmi nioqqutissat imaluunniit kiffartuussinerit ilaannik kisermaassisoqalinnginnissa imaluunniit pilersuisut killilimmik amerlassuseqalinnginnissaat qularnaarlugu.

Assersuutigalugu amerlassutsit naapertorlugit agguataarisoqarsinnaavoq isumaqatigiissutit ataasiakkaat suliffeqarfinnut mikisunut akunnattunullu naapertuunnerusussanngorlugit, imaluunniit inuussutissarsuitit immikkullu piginnaanngorsarsimasut aallaavigalugit piginnaasat naapertorlugit agguataarneqarsinnaapput, taamalu isumaqatigiissutit imarisaa suliffeqarfinnut mikisunut akunnattunullu naleqqunerusussanngorlugit, imaluuniit suliniutit ingerlanerinut assiginngitsunut naapertuuttussanngorlugu. Isumaqatigiissutit agguataarneqarnerat akit appasinnerusut pissarsiarineqarneratigut piffissami qanittumi isumaqatigiissutinut ataasiakkaanut iluaqutaasinjaavoq ungasinnerusorlu eqqarsaatigalugu unammilleqatigiinnermik annerusumik pilersitsisinjaalluni.

### **3. Aningaasaqarnikkut allaffissornikkullu pisortanut kingunerisassat**

Siunnersuut pisortanut aningaasaqarnikkut allaffissornikkullu annertunerusumik kinguneqassanngitsoq nalilerneqarpoq.

Malittarisassat nutaat qaammarsaatigineqarnissaat atuartitsinikkullu suliniutigineqarnissaat pilersaarutaavoq, kisianni nalilerneqarpoq aningaasartuutissat ullumikkut missingersorneqartut iluanni akilerneqarsinnaassasut. Malittarisassat taakku nutaat ilisimalernissaannut aamma suleriaasisssat nutaat atuutilersinneqarnissaannut atatillugu pisortat suliffeqarfiisa immikkoortortaasa ataasiakkaat immikkut ittumik suliniuteqarnissartik piareersimaffigissavaat.

Neqerooruteqartitsisarnermut malittarisassat nutaat, matumani ilanngullugit periaasissat assigiaakkat aamma neqeroortitsisarnermi najoqqutassat tamatumunnga attuumassuteqartut aappaatigut aamma imatut paasineqassapput suliffeqarfiit naligisumik pisortat isumaqatigiissutaannut peqataasinnaalerterat ajornannginnerulissasoq aamma tamakku neqeroorutiginissaannut suliffeqarfiit ajornannginnerusumik periarfissaqalissasut. Tamatuma kingunerisaanik naatsorsuutigineqarpoq suliassat suli anginerusumik unammissutaasalissasut taamaalillutillu suliffeqarfinni pisiassat akii piumasaqaatillu pitsaanerulersinneqassasut. Pisinissamut akit atugassaritaasullu pitsaanerulersinnerisigut allaffissornikkut aningaasartuutaanerulertussat pilertortumik imminnut akilerumaartut naliliissutigineqarpoq.

Tamatumunnga peqatigitillugu unammilleqatigiinnerulernikkut Kalaallit Nunaanni siuariartorneq, nutaaliorneq suliffissallu pilersinneqassapput.

#### **4. Inuussutissarsiortunut aningaasaqarnikkut allaffissornikkullu kingunerisassat**

Siunnersuut akuersissutigineqassappat, tassunga ilaallutik suleriaatsit assigiaat neqeroortitsinermullu skabelonit taakkununnga atasut, suliffeqarfiiit pisortat isumaqatigiissusiaannut naligiissumik periarfissaqalernissaat ajornannginersusumik qularnaarneqarsinnaalissaq. Aamma suliaq neqeroorfigissallugu suliffeqarfinnut ajornannginnerulissaq pisortaninngaanniit piumasat naammassisassallu ilisarnartoqarnerat pissutigalugu.

Annertunerusumik unammillernerusinnaanermut inuutissarsiortfiit annertunerusumik suliaqarsinnaassutsimik takutitsinnginnikkut naleqqussassanngippata tamanna suliffeqarfinnut iluanaarutit ikiliartornerinik nassataqassaaq.

#### **5. Avatangiisinut, pinngortitamut innuttaasullu peqqissuunissaannut kingunerisassat**

Siunnersuut avatangiisinut, pinngortitamut innuttaasullu peqqissuunissaannut kingunissaqartitsinngilaq.

#### **6. Innuttaasunut kingunerisassat**

Siunnersuut innuttaasunut kingunissaqartitsinngilaq.

#### **7. Kingunerisassat pingaarutilillit allat**

Siunnersuut pingaarutilinnik allanik kingunissaqartitsinngilaq.

#### **8. Oqartussat kattuffiillu il. il. tusarniaaffiginissaat**

Pisortat oqartussaaffiini sullissiviinilu nioqqutissanik kiffartuussissutinillu tunisinermut atatillugu neqerooruteqartitsineq pillugu Inatsisartut inatsisissaattut Naalakkersuisut siunnersuutaat UPA 2018-mi oqaluuserisassanngorlugu saqqummiunneqarpoq. Inatsisartunut qinersisoqartussanngornera pissutigalugu siunnersuut UPA 2018-imi oqaluuserineqanngilaq. Siunnerusukkut siunnersuutaasumut sanilliullugu siunnersuut manna allaassuteqarpallaarmat nutaamik 21. juni – 2018 – 18. juli 2018 tusarniaasoqarnissaa Naalakkersuisut pitsaanerutissimavaat.

##### **8.1. Piffissami 18. december 2017-22. januar 2018-imi tusarniaaneq**

Neqerooruteqartitsinermut siunnersuutaasimavoq piffissami 18. december 2017-22. januar 2018-imi tusarniaaffigisanut ataaniittunut tusarniaassutaasimavoq:

Kalaallit Nunaanni, Sulisitsisut, NUSUKA, CSR Greenland, Transparency International Greenland, Nunatsinni Advokatit, KANUKOKA, Kommuneqarfik Sermersooq, Qeqqata Kommunia, Kommune Kujalleq, Qaasuitsup Kommunia, Nunatsinni Nakorsaaneqarfik, KNII aamma Namminersorlutik Oqartussani naalakkersuisoqarfiiit tamarmik.

Piffissami tassani Naalakkersuisut tusarniaatitsinermut nittartagaanni siunnersuut tamanut saqqummiunneqarpoq.

Matuma ataani piffissami 18. december 2017-22. januar 2018-imi tusarniaanermiit akissutit sammineqassapput. Malugeqquneqassaaq tusarniaanermiit akissutit uingasumik allanneqartassammata aamma akissutaasut pingaarutaasa tulluassusiat najoqqutaralugu taasassartai pingaarnerit allanneqartassammata. Siunnersuummi allannguutit nassatarisaannik tusarniaanermut akissutit attuumassuteqarunnaarneri malillugit ataani taakku suliarineqanngillat.

Tusarniaanermiit akissutit makkunannaq tiguneqarsimapput: Naalakkersuisut Siulittaasuata Naalakkersuisoqarfia, Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisoqarfik, Aatsitassanut Ikummatisanullu Naalakkersuisoqarfik, Digitalimik Sullissinermut Aqutsisoqarfik, Aningaasaqarnermut Akileraartarnermullu Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Peqqissutsimut Pitsaaliuinermullu Aqutsisoqarfik, Kommuninut, Nunaqarfinnut, Isorliunerusunut, Attaveqaqtigiainnermut Ineqarnermullu Naalakkersuisoqarfimmit, Qeqqata Kommunia, Kommuneqarfik Sermersooq, KANUKOKA, Kalaallit Nunaanni Sulisitsisut, KNII, Nunatsinni Advokatit aamma Transparency International Greenland.

*Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmit; Kommuninut, Nunaqarfinnut, Isorliunerusunut, Attaveqaqtigiainnermut Ineqarnermullu Naalakkersuisoqarfimmit, Peqqissutsimut Pitsaaliuinermullu Aqutsisoqarfimmit, Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisoqarfimmit aamma Aatsitassanut Ikummatisanullu Naalakkersuisoqarfimmit, Kalaallit Nunaanni Sulisitsisunit, Nunatsinni Advokatinit tusarniaanermiit akissutini siunnersuummi tukimut sanimullu innersuussinerit kukkuneqartut oqaatigineqarpoq.*

Tukimut sanimullu innersuussinerit tamakku tusarniaanermiit akissutit najoqqutaralugu maanna aaqqinneqarput.

*§ 2, nr. 3 siunnersuutip atuutsinneqarfiani atuutsinneqanngitsunut ilaanngitsoq Naalakkersuisut Siulittaasuata Naalakkersuisoqarfia oqaatigaa.*

Tusarniaanermiit akissutit najoqqutaralugu aalajangersagaq peersinneqarpoq, isumaqatigiaissutip immersugassap atuuttup ataani isumaqatigiaissutini neqeroortitsinermut pisussaaffik neqeroortitsinerup suleriaasiani pineqareeremat. Tamanna § 2, imm. 1-imut oqaaseqaatini immikkut ittuni erseqqissarneqarpoq.

*Aningaasatigut kingunerisinnaasaani nassuiarneqanngilaq siunnersuutip pisortanut aningaasatigut qanoq kinguneqartitsisinnaanersoq soorlu assersuutigalugu neqerooruteqartitsinermut inatsimmi malittarisassat unioqqutinnejqarsimagaangamik*

*saqittaannernut aamma taarseeqqusissuteqarnernut AAN-ip nalunaarpaa, assersuutigalugu neqerooruteqartitsinermi assigiimmik pineqarnissamik piumasaqaat paasiuminartuunerlu unioqqutinneqarsimappata.*

Pisortat sinnerlugit pisiariniakkanik nalunaartoq pisortallu ingerlatsiviannut ilaasoq neqeroortitsinernut aamma isumaqatigiissusiornernut atatillugu piviusorsiortuunissamik piumasaqaatit nalinginnaasut aamma illersorneqarsinnaasumik aningaasatigut ingerlatsineq eqortillugit pisussaavoq. Nalinginnaasumik naatsorsuutigineqartapoq pisortat inatsisinik eqortitsisassasut, taamaattumillu pisortanut aningaasatigut qanoq kinguneqartitsisinnaanersoq soorlu assersuutigalugu saqittaannernut aamma taarseeqqusissuteqarnernut siunnersummut oqaaseqaatini naatsorsorneqarsimannngillat.

Taamaakkaluaq taama pisoqassagaluarpat, neqeroortitsinerup ingerlannera kukkunertaqarluni imaluunniit neqeroortitsinermut malittarisassat unioqqutinneqarlutik, taava suliaq Pisortat Pisiortortarneranni Neqerooruteqartitsinermi Naammagittaalliuuteqartarfiannut suliassanngortinneqarsinnaavoq.

Naammagittaalliuuteqartarfiup pisiariniakkanik nalunaartoq peqqusinnaavaa naammagittaalliuuteqartoq taarsiiffigeqquullugu pisiariniakkanik nalunaartoq akisussaaffiligassatut pissusilersorsimappat naammagittaalliuuteqartorlu eqqunngitsumik tunulliunneqarsimappat imaluunniit assigiinngisitsinermik pineqarsimappat il.il., taamalu aningaasatigut annaasaqarsimalluni. Naammagittaalliuuteqartup taarsiiffigineqarnissaanut peqqutissaqarnersoq Kalaallit Nunaanni inatsisini taarsiiffigineqartarnermut malittarisassat nalinginnaasut naapertorlugit aalajangerneqassaaq. Taamatuttaaq aamma taarsiiffigitinnissamut naatsorsuineq. Neqeroortitsinermut malittarisassat unioqqutinneqarsimanerat pinngitsoorneqarsinnaanngilaq kisianni immini akisussaaffeqarnermk aalajangersaanissamut piumasaqaataanani naammattoq. Kalaallit Nunaanni inatsisini iliortaatsit najoqqutaralugit naliliinermut ilaassaaq isumap periaatsimut tunngaviusup unioqqutinneqarsimanera pineqarnersoq imaluunniit unioqqutitsineq pingaannginnerusoq pineqarnersoq. Soqutigalugu ajunngitsumik eqquutitsiniarluni tunngaveqartumik taarsiissuteqartitsissagaanni taava naammagittaalliuuteqartup uppernarsassavaa ilimanarluinnaqqissaartumik isumaqatigiissut pisimassagaluaraa pisiariniakkanik nalunaartut neqeroortitsinermut malittarisassat eqqortissimasuugaluarunikkit.

Isumaqatigiissut sunniuteqanngitsutut nalunaarutigineqarsimappat taava pisiariniakkanik nalunaartup aamma neqeroorummik tunniussaqartup, isumaqatigiissummi peqataasoq, akornanni inatsisitigut taarsiissuteqarnissamik aaqqiagiinngissuteqarneq, taamaattoqarpat, eqqartuussivinni aalajangiiffigineqartussaassaaq Naammagittaalliuuteqartarfimmit pinnani. Taarsiiffigineqarnissamut piumasaqaatit nalinginnaasut nassatarissavaa pilersuisoq, isumaqatigiissumvik arsaarneqartoq isumalluarlunilu pisiariniakkanik nalunaartoq neqeroortitsinermut malittarisassat eqqortillugit pisimasoq, naliliineq piviusoq tunngavigalugu, taarsiiffigineqarsinnaassaaq. Piumasaqaataavorli pilersuisoq aningaasatigut annaasaqarsimassasoq aammalu pisiariniakkanik nalunaartup unioqqutitsinera

annaasaqarnermut peqqutaasoq. Ajoqusernerlu unioqqutitsinerup malitsigissavaa tamatigoortoq naatsorsuutigisinnaasarlu.

Taamaammat ima pisoqassagaluarpat neqeroortitsinerup naammassiniarnera kukkusumik ingerlanneqartoq imaluunniit neqeroortitsisarnermut malittarisassat unioqqutinnejarsimasut, taava aningaasatigut kingunerisinnaasai suliani ataasiakkaani tamani piviusumik aalajangiiffiqeqartussaasassapput, taamaammallu taarsiiffigeqqusissutit pisortanut aningaasatigut kingunerisinnaasai isumaqarluartumik oqaaseqaatini naatsorsorneqarsinnaanngillat.

*§ 2, nr. 2-mi siunnersorneqarneq kukkunersiuinermut tunngasoq ilaatinneqanngitsoq AAN-ip nalunaarpaa. AAN isumaqarpoq – pisinnaasut ilaanni – kukkunersiuinermut tunngasutigut siunnersorneqarsinnaaneq siunnersuummut ilaasariaqartoq. Naak kiffartuussissutit ima ittut pineqaraluartut immikkoortortap / pisiariniakkanik nalunaartup pissusiinik ilisimasaqarneq iluaqutaassalluni amerlasuutigut kiffartuussissutit assigiissaakkat pineqartarput, soorlu ukiumut naatsorsuutit kukkunersiorneri. Taamaattumik suliat ima ittut pineqarput iluanaarutaasumik neqeroortitsisarnermut siunnersuutip toqqammaviinut atatillugu unammilliutigineqarsinnaasut.*

§ 2, nr. 2-mi (maannakkut § 3, nr. 2) aalajangersakkami neqeroortitsinermut suleriaatsimit siunnersuummi nalunaarsorneqartunit saneqqutsinissanut periarfissat nalunaarsorneqarput. Kisianni piumasaqaataanngilaq taamaattumillu ajornanngilaq pisiariniakkanik nalunaartup kukkunersiuinermik siunnersuinermik ikiuinermillu neqeroortitsissalluni. Tusarniaanermit akissut tunngavigalugu oqaaseqaatit immikkut ittut aaqqinnejarpuit pisiariniakkanik nalunaartup suliaqarnerit taamaattut pillugit ajornanngikkaangat neqeroortitsineq toqqarsinnaagaa takutinniarlugu.

*Siunnersuutip atuutsinneqalernera sioqquillugu siunnersuut neqeroortitsinernut atuutsinneqassasoq, isumaqatigiissulli aatsaat siunnersuutip atuutilernerata kingorna isumaqatigiissutigineqarluni § 32-mut aalajangersagassatut siunnersuutip nassatarissagaa AAN-ip nalunaarpaa.*

*Assersuutigalugu isumaqatigiissutit 2019-imi januarip aallartinnerani isumaqatigiissutigineqartut qaammatini siuliini neqeroortitsissutigineqarsimallutillu isumaqatiginninniutigineqarsimassapput. Tamanna aalajangersakkap oqaaseqaataani nassuaatigisariaqarpoq.*

Siunnersuutip qaqugukkut atuutilernissaa, aammalu siunnersuummi neqerooruteqartitsinerup qaqugu ilaassanera pillugit pisariaqanngitsumik nalornisoqassannginnej qularnaarniarlugu § 32, imm 2-mi inatsisip atuutilernerata kingornatigut neqerooruteqartitsinernut siunnersuutip atugaalernissaanut aalajangersagaq ilanngunneqarpoq. Tassannga itisiliineq aalajangersakkamut oqaasertaliussani ilanngunneqarpoq.

*Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfimmit, Digitalimik Sullissinermut Aqutsisoqarfimmit; Peqqissutsimut*

*Pitsaliuinermullu Aqutsisoqarfik, Qeqqata Kommunianit, Kommuneqarfik Sermersuumit, KANUKOKA-mit, Kalaallit Nunaanni Sulisitsisunit aamma Nunatsinni Advokatinit tusarniaanermut akissutini § 11-mi ikittuinnarnut tunngatitat inerteqquqtingeqarnera isorivaat siunnersuutigalugulu peersinneqassasoq imaluunniit aaqqinnejqassasoq.*

*Aalajangersakkatut siunnersuutigisap eqqortuunnginnera ANN-ip nalunaarpaa, tamatuminnga pinaveersitsinissamut tulluartutut iluseqartumik tulluartuunani.*

§ 11-mi ilaannaannut isumaqatigiissuti inerteqquqtinginissaat pillugit aalajangersagaq siunnersummit peerneqarpoq.

*IKIIN-ip oqaatigaa pinngitsuugassaangitsumik mattussinissamut peqqutit pillugit unneqqarissutsip takussutissaqarnissaanut aalajangersagaq amigaatigineqarmat (“self-cleaning”), innersuussutigineqarporlu mattussineq ukiunut 4-nngortinneqassasoq ukiunut 5-nut taarsiullugu.*

Tusarniaanermit akissut tunngavigalugu piffissaq mattussiffiusussaq ukiunut 4-nut apparinnejqarpoq. Pinngitsuugassaangitsumik mattussinissamut peqqutaasut ima ingasatsigipput suliffeqarfait taamaattut neqeroortitsinermit mattunneqarnissaat siunertamut naleqqulluni. Taamaattorli oqaaseqaatit immikkut ittut immikkoortitaarneqarput qulakkeerniarlugu pisariiniakkanik nalunaartup naammattumik misissussagaa mattussinissamut peqquteqarnersoq, ilaatigut taamaattoqarnersoq kinguneqarluartumik nakkutillinikkut, assersuutigalugu qinnuteqartumit imaluunniit neqeroorummik tunniussisumit takussutissanik amerlanerusunik piumasaqarnikkut.

*Qeqqata Kommuniata (QK) oqaatigaa 500.000 kr. ataallugit nioqqutinik kiffartuussinernillu pisinermi pissutsit erseqqissarnejqassasut.*

500.000 kr. ataallugit nioqqutinik kiffartuussinernillu pisinermi pissutsit ilaatinnejqanngillat kisianni siunnersuutip atornissaa suli ajornanngilaq, takuuk § 2, imm. 4.

*QK-p aamma neqeroortitsisarnissatik Namminersorlutik Oqartussat ataanni isertarfik ataatsimoorussaq aqqutigalugu kikkunnut tamanut saqqummiuttartussaaneri pillugu isumaqatigiinnginnini oqaatigaa, tusagassiuutillu suut atorlugit saqqummiussisarnissartik namminneq aalajangertarusullugu oqaatigalugu.*

Neqeroortitsisarnerit saqqummersittarnissaannut isertarfiup ataatsimoorussap pilersinneqarnissaanut siunertaq tassaavoq qularnaarniarlugu neqeroorummik tunniussaqarsinnaasut nalussanngikkaat pisortat neqeroortitsisarnerat sukkut saqqummiunneqartarnersut. Taamaalinikkut unammillerneq qularnaarneqassaaq aamma neqeroorsinnaasut tamarmik neqerooruteqarnissaminnut assigiimmik periarfissaqarnerat qularnaarniarlugu. Taamaattorli tusagassiorfinni allani, imaluunniit tigussaasunik invertiterinikkut il.il. neqeroortitsinermut atortussanik neqerooruteqartitsisup tamanut saqqummiussaqarnissaanut arlaannaannilluunniit akornutissaqartoqanngilaq.

*Kommuneqarfik Sermersuumit (KS) oqaatigineqarpoq § 1-imi aningaasat 500.000 kr.-nut killiligaanerat qqffasippallaartoq, ajornannngippallu 200.000 kr.-nut appartinneqarnissaa siunnersuutigalugu.*

Aningaasanut killiliussaq aalaakkaavoq nukissatigut missiliuussineq tunngavigalugu, tassa qanoq ilinikkut nioqquatinik kiffartuussinernillu pisiniarniarneq neqeroortitsissutigissallugit naleqqutissanersoq. Neqeroortitsinermi suleriaaseq allaffissornikkut oqimaassinaammatt aningaasat taakkununnga 500.000 kr.-nut aalajangerneqarput, sulili siunnersummik atugaqarnissamut periarfissaqarpoq, takuuk § 2, imm. 4, aningaasani 500.000 kr.-nik ikinnerusuni.

*KS-ip aamma oqaatigaa neqerooruteqartarnermut inatsimmut naleqqiullugu tunniussinermut tunngavigisat allat atorneqarmata, aamma “neqeroorut iluatinnarnerpaamik akilik”-iup isumasiорнераник ersittoqanngimmat eqqartuussivitsigut tunngasutigut neqeroortitsinermi taaguusersuutinut aalajangersimasunut napertuuttumik.*

Neqeroorut akilersinnaanerpaaq suliassaqarfimmi EU-mi eqqartuussivitsigut tunngasutigut, aamma Danmarkimi inatsisaasut najoqqutaralugit neqeroortitsinermi taaguusersuisarnermi tunniussinermut najoqqutarisat pingasut aallaavigalugit atorneqarpoq. Taakku isumasiорнери allassimapput § 17, imm. 2-4-mi.

*KS-ip aamma oqaatigaa “akiitsut akilerneqartussat” qanoq isumaqarnersoq amigaatigineqartoq aamma akiitsut akilerneqartussaappata kommunip naliligassarinngikkaa naafferartumik taarsersuinissamik aaqqiissuteqartoqarsimappat.*

§ 19, imm. 2, nr. 3-mi imatut allanngortinneqarpoq akiitsut akilerneqartussat mattussinissamut peqqutaangitsoq suliffeqarfik akiitsut isumannaarnissaannut isumaqatigiissusiorsimappat taannalu eqqortissimallugu.

*KANUKOKA-p apeqqutigaa siunnersuummi § 8-mi [maanna § 9] aalajangersagaq suliassat suliarineqartarnerat pillugu inatsimmi § 27-mut aamma inatsimmi tassani § 27, imm. 3-mut nipangiussisussaanermik peqqusissummi taaguummut pissuseqataanut piviusumik qanoq ililluni naleqqiunneqarsimanersoq.*

Tusarniaanermi akissut tunngavigalugu aalajangersakkamut oqaaseqaatini immikkut ittuni ilanngunneqarpoq suliassat suliarineqartarnerat pillugu inatsimmi § 27-mut innersuussutaasoq.

*Suliffeqarfifit pisortanit pigineqartut kiffartuussinermut isumaqatigiissutaat siunnersuutip atuuffianut ilaatinneqarnerat aporfissartaqarsinnaasoq Nunatsinni Advokatinit oqaatigineqarpoq.*

Tusarniaanermi akissut tunngavigalugu § 2, imm. 4-mut aalajangersagaq ikkunneqarpoq. Taamaammat imermik, innaallagissamik, kiassarnermillu pisortat pilersuineranni, assartuinermi kiisalu allakkerinermi nalunaarasuarternermilu inatsit naapertorlugu kisermaassinissamik pisinnaatitaaffeqarfiusuni suliassanut Inatsisartut inatsisaat atuutinngilaq.

*Inatsisilerinermik aamma kukkunersiuinermik siunnersuineq ikuinerlu ilaatinneqannginnerat aporfissartaqarsinnaasoq Transparency International Greenlandimit (TIG) oqaatigineqarpoq, isumaqatigiissutit taamaattut annertuunik naleqarmata aamma neqeroortitsissutigineqartarnissaat TIG-ip pingaartutut isumaqarfingimma. Taamaakkaluartorli TIG-ip miserratiginngilaa paasissutissat mianerisassat ilaasinnaammata, taamaattoqassappalli pisiariniakkanik nalunaartup pissutsinik immikkoortiterisariaqarpoq “ussiitsunillu taluusaqarnissaa” qularnaarlugu.*

Immikkoortiterineq taamaattoq piviusumi assut ajornakusoorsinnaavoq amerlanertigullu ajornaruinnassalluni. Suliaqarfiup ilaatinneqannginnissaanut periarfissaqarneq pisariaqarpoq allaffissornikkut ingerlatsineq naammassisqaqruartoq qularnaarmagu aamma nalunaajaatit pisariaqartut il.il. naammaginartumik suliarineqarsinnaaniassammata.

*Siunnersuutip aaqqissugaanera imarisalaq ataatsimut isigalugit naleqquttutut Sulisitsisunit isigineqarput, § 11-mi aalajangersaqq immikkut kisermaassinissamik isumaqatigiissuteqarnissamik inerteqquiteqarfiusoq pitsaanngitsutut isigaat. Sulisitsisut naggasiullugu kaammattuutigaat siunnersuummi § 11 peerneqassasoq.*

Qulaani oqaaseqaataasoq naapertorlugu ilaannaannut isumaqatigiissuteqarnermut inerteqquiteqarneq pillugu § 11 siunnersuummit peerneqarpoq.

*Pisiniartarnermi tunngaviusumillu isumaqatigiissusiortarnermi kisermaassinissamik isumaqatigiissusiorterup inerteqquaanissaanik siunnersuutip imaqlarnera Kalaallit Nunaanni Ilinniarfinniit (KNII) pitsasutut oqaatigineqarpoq, ilinniarfuummi misilittagaat naapertorlugit assersuutigalugu printerinik kopimaskiinanillu pisiniarnermi kisermaassinissamik isumaqatigiissutit pingaartumik ilinniarfinnut Nuup avataaniittunut kingunerluttarsimapput, tassa siusinnerusukkut pisiniarnissamik tunngaviusumillu isumaqatigiissutit mianerisariaqanngikkallarmata najukkami pisiniarnissamut periarfissaqarsimaluarneranut sanilliullugu utaqqisarneq sivitsorsimavoq sullissinerlu pitsaannginnerulersimalluni.*

Kisermaassinissamik isumaqatigiissusiorterup kingunerluutigisinnaasai pillugit KNII-ip oqaatigisai Naalakkersuisunit paasilluarneqarput. Neqeroorutit neqeroorutitsinerullu kingunerluutaasa sapinggisamik pinngitsoorniarnissaat neqerooruteqartitsisup suli pisussaaffigaa.

## ***8.2. Piffissami 21. juni 2018-18. juli 2018-imi tusarniaaneq***

Unga siunnersuut: Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat ataani tusarniaaffigisatigut piffissami 21. juni 2018-18. juli 2018-imi tusarniaassutaavoq.

Kalaallit Nunaanni Sulisitsisut Peqatigiiffiat, NUSUKA, CSR Greenland, Transparency International Greenland, Nunatsinni Advokatit, Kommuneqarfik Sermersooq, Kommune Qeqertalik, Avannaata Kommunia, Kommune Kujalleq, Qeqqata Kommunia, Nakorsaaneqarfik, KNII aamma Namminersorlutik Oqartussani naalakkersuisoqarfiiit tamarmik.

Siunnersuut piffissami tassani Naalakkersuisut tusarniaassutitut nittartagaanni tamanut saqqummiunneqarpoq.

Tusarniaanermut akissutit makkunanit tiguneqarput: Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Peqqissutsimut Ilisimatusarnermullu Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik, Pinngortitamut Avatangiisinullu Naalakkersuisoqarfik, Digitalimik Sullissinermut Aqutsisoqarfik, Qeqqata Kommunia, Kommuneqarfik Sermersooq, Kommune Kujalleq, Kalaallit Nunaanni Sulisitsisut Peqatigiiffiat, Transparency International Greenland. Tusarniaanermut akissutit uingasumik allanneqartassammata aamma akissutaasut pingaarutaasa tulluassusiat najoqqutaralugu taasassartai pingarnerit allanneqartassammata.

Siunnersuummut Naalakkersuisut Siulittaasuata Naalakkersuisoqarfia aamma Pinngortitamut Avatangiisinullu Naalakkersuisoqarfik oqaaseqaateqanngillat.

Transparency International Greenlandip siusinnerusukkut nassiussimasamik assinga nassiussimavaat, taamaattumillu taanna qulaani suliarineqarpoq.

*Inisisimaffimi tassani Qeqqata Kommunia amerlanerusunik suliarinnittussarsisarnera pissutigalugu killissarisatut naliusup 250.000 kr.-nut appartittariaqarnera Qeqqata Kommuniata nalunaarpaa.*

Nioqquissanik kiffartuussissutinillu pisiniarnerit neqeroortitsissutiginissaannut qaqugukkut tulluartuussaneranik isumalluutinut tunngatillugu oqimaaqatigiissitsinermik tunngaveqartumik aningaasanut killiliussaq aalajangerneqarpoq. Neqeroortitsinermik ingerlassaq allaffissornikkut ilungersornartuusinnaammat aningaasanut killiliussaq taakkununnga 500.000 kr.-nut aalajangerneqarpoq, sulili siunnersuut atorneqarsinnaavoq, takuuk § 2, imm. 4, isumaqatigiissutinut killissatut naleqassutsimut naleqqiullugu appasinnerusumik naleqartortalinnut.

*Ataatsimoorussatut pisortat nittartagaanik Qeqqata Kommuniata pinngitsaalisaasutut atugarisarnissaanik kissaateqannginnera Qeqqata Kommuniata ilanngullugu nalunaarpaa, paarlattuanik nammineq iliuuseqartarfigalugit suliarinnittussarsiuussinerit tamanut saqqummiussisarnissaq kissaatigineqarmat. Ilaliullugu kommunimit suliassat*

*suliarinnittussarsiorneqartut najukkami suliffeqarfiit sapinngisamik isumagisassaneraat  
Qeqqata Kommuniata soqutigisarivaa.*

Nunatsinni suliffeqarfiit tamarmik naligiimmik pineqarnissaat aammalu pisortat  
aninkaasaataat atorluarnerpaaniarlugit pitsaasumik unammilleqatigiinnerup  
pilersinneqarnissaa ataatsimut nittartagaqarnikkut siunertaavoq, takuuk § , imm. 1. Aamma  
pisortat suliassaataasa pisiniartarnerisalu suliffeqarfimmit piginnaaneqarnerpaamit  
isumagineqartarnissaat qularnaarneqassaaq kiisalu suliffeqarfiit tamarmik assigiimmik  
pineqarnissdaat neqerooruteqarnissamullu periarfissaqarnissaat qularnaarneqassaaq, takuuk §  
6. Suliffeqarfiit mikisut akunnattullu neqerooruteqarnissamut periarfissaqarnissaat  
qularnaarniarlugu isumaqatigiissutit aggulullugit neqeroorutigineqarnissaat nalilersussallugu  
neqerooruteqartitsisoq pisusssaaffiligaavoq. Isumaqatigiissutit pisariaqanngitsumik  
angisuujunngippata pisariunngippatalu suliffeqarfiit minnerusut neqerooruteqarnissamut  
periarfissaqarnerulissapput. Tamatuma saniatigut pisariaqassusia naapertorlugu sullissinerup  
amma / imauunniit tunniussisarnerup pitsasuunissaanik neqerooruteqartitsinermi  
paasissutissatigut piumasaqaasiortoqarsinnaavoq.

*Sulisitsisut oqaatigaat suliassani minnerusuni, soorlu eqqiaanerni assigisaanniluunniit,  
unammilleqatigiinnissaq qularnaarniarlugu suliassat 200.000 kr. aamma 500.000 kr.  
akornanni nalillit suliffeqarfinnut nammineq toqqakkanut  
neqeroorutitsissutigineqarnisaannik piumasaqaasiortoqassanersoq  
isumaliutigineqartariaqartoq.*

Pisortat ingerlatsineranni tunngavissatigut neqerooruteqartitsisoq ingerlatsinermi  
illuinnaasiunnginnissaminik pisussaaffiligaavoq, soorlu inummut namminermut tunngasut  
isumaginissaannut inerteqqutip, naligiisitsisussaanerup, aningaasatigut isumannaatsumik  
ingerlatsinissap aammalu naleqquttumik annertussusilersuinissap isigniarnissaannik  
pisussaaffeqarpoq. Piumasaqaatit taakku pisortat oqartussaqarfiinit tamanit  
malinneqartussaapput apeqquatainnagu isumaqatigiissut 500.000 kr-t inorlugit  
sinnerlugilluunniit naleqarnersoq. Tamatuma saniatigut oqaatigineqareersutut pisortat  
oqartussaqarfiit sullissiveqarfiutaallu periarfissaqarput Inatsisartut inatsisaat atussallugu,  
takuuk § 2, imm. 4, killiliussatut naleqassutsit ataanni neqeroortitsinerni.

*Sulisitsisut oqaatigaat § 3, imm. 2-mi immikkoortoq aammalu imm. 1-mut innersuussineq  
oqaatsitigut ataqtigiiungitsut. Atorfissaanut tunngasoq tassaavoq “inatsisip sumi  
atorneqarsinnaaneranut” tunngasoq. Tassa inatsisip killilernissaanut Naalakkersuisut  
tunngavissaqanngillat naak tamanna nassuaatini oqaatigineqaraluartoq.*

Tusarniaanermut akissummik tassannga, aamma Aningaasaqarnermut  
Naalakkersuisoqarfimmit tusarniaanermut akissummik tunngaveqartumik aalajangersagaq  
peerneqarpoq.

*Ilanngullugu pilersuisuminnit akigititanik pissarsiniarnissamut neqerooruteqartut angusaqarsinnaanissaannut neqeroortitsinermut piffissaliussat akuttunngitsumik sivikippallaartartut GE-p nalunaarpaa. Taamaattumik neqerooruteqartitsinerup tamanut saqqummiunnerata kingornatigut qaqgu neqerooruteqarnermut piffissaliussamut sivikinnerpaamik piffissaliussaasumik inissiisoqartariaqarpoq. Taamaattumik § 26-p naanerani „, taamaattorli neqeroortitsinerup tamanut saqqummiunneranit minnerpaamik ullut 14-t kingornatigut.” ilanngunneqassasoq GE-p siunnersuutigaa.*

Neqeroortitsinermut piffissaliussamut neqeroortitsinerup tamanut saqqummiunneranit minnerpaamik ullorsutini ullut 14-it ingerlassanerat oqaaseqaatit tunngavigalugit §§ 25-mi aamma 26-mi ilanngunneqarpoq.

*Siunnersuummi § 3, imm. 3-mut tunngatillugu teknikkikut siunnersuisoqarneq ikiorneqarnerlu peerneqassasoq Nunatsinni Advokatit nalunaarpaat, inatsisilerikkut aamma kukkunersiuisarnikkut ittumik tutsegueqatigiilluni ingerlassaqarnissamik tamatuma pisariaqartitsinnginera pissutigalugu.*

Tusarniaanermut akissut tunngavigalugu teknikkikut siunnersuisoqarneq ikiorneqarnerlu peerneqarpoq.

*Siunnersuummi § 4, imm. 6, nr. 5-imi neqeroorutit akuerineqarsinnaanngitsut ilaatigut neqeroorutip “akimikkut pisiniartup naatsorsuutigisaanit qaffasinnerusut” Nunatsinni Advokatit ilanngullugu nalunaarpaat. Siunnersuutip imaluunniit oqaaseqaatit taamatut pisoqarnera qaqugukkut pisarnersoq erseqqinnerusumik nassuiangilaat, taamatullu takunnissinnaasoqanngitsoq neqeroortitsinermut inatsimmi ilaasariaqanngitsoq Nunatsinni Advokatit isumaqarput.*

Tusarniaanermut akissummik tunngaveqarluni aalajangersakkamut oqaaseqaatit itisilerneqarput. Maannakkut oqaaseqaatit erseqqissarpaat pisisup tungaanit akigititamik siammaasoqarneq pillugu erseqqissumik naatsorsuuteqartoqassasoq, taamaalillunilu akigititanut takkuttunut taakkununnga naatsorsuutigisanik takusaqarsinnaasoqassasoq. Missingersuutigisat tunngavigalugit, aammalu piviusutut niuffaffimmik aamma piviusutut neqeroorutaasup ilisarnaataanik ilanngussuinikkut aalajangersagaassaaq.

*Siunnersuummi § 8, imm. 1 malillugu neqeroortitsinermi atortussiani annertunerusunik allanngortiterisoqassanngitsoq Nunatsinni Advokatit nalunaarpaat. Tamanna tunngavigalugu tusarniaanermi illuatungerisap siunnersuutigaa neqeroortitsinermi atortussiani annertunerusumik allannguineq taamaallaat imatut sunniuteqassasoq neqerooruteqartitsisoq neqerooruteqartitsinermut piffissaliussamik imaluunniit qinnuteqarnermut piffissaliussamik nutaamik aalajangiinissamut pisussaaffeqassasoq.*

Tusarniaanermut akissut tunngavigalugu allannguiteqarnernut annertuunut killiliussap sivitsornissaanut periarfissaq ilanngunneqarpoq, assut piviusorsiorpalullunilu isumalluutinik sipaaruteqarfiusammat. Taamaattumik §§ 25-mut aamma 26-mut imm. 2-mik ilanngussisoqarpoq, taassuma neqeroortitsinermut atortussani annertuunik allannguiteqartoqassappat piffissaliussamik isivitsuinissaminut neqerooruteqartitsisup pisussaaffeqarneranik aalajangersaasumik.

Taakku saniatigut § 8, imm. 1 imatut allanngortinneqartoq tunngaviusutut ilaasunik neqerooruteqartitsisoq allannguiteqaqqusaassanani. Taamaattumik maannakkut neqeroortitsinermut atortussiani “allannguutit annertunngitsut”, “allannguutit annertuut”, aamma “tunngaviusutut ilaasunik allannguutit” akornanni oqaaseqaatini immikkoortitsisoqalerpoq.

Neqeroortitsinerup ingerlanneqarnerata nalaani neqeroortitsinermut atortussani tunngaviusutut ilaasuni neqerooruteqartitsisoq allannguiteqaqqusaanngilaq. Neqeroortitsinermut atortussani tunngaviusutut ilaasuni allanngortitsinerit, allanngutaasoq neqeroortitsinermut atortussiaqqaartuni takuneqarsinnaasimassappat, tassaapput allanngortitsinerit neqeroortitsinermik ingerlassami pineqartumi qinnuteqarsinnaasut imaluunniit neqerooruteqarsinnaasut peqataanerannik sunniuteqarsinnaasut, imaluunniit qinnuteqartut imaluunniit neqerooruteqartut akornanni unammillernermik killormut saatitsisinnaasut.

*Pisuni neqerooruteqartitsisup pisariaqartitai naammaginartumik erseqqissumik aalajangerneqarsinnaanngippata pisuni tamakkunani atugaagajuttumik neqerooruteqartitsinermut iluserisap “unammillernermut tunngasutut oqaloqatigiinnerup” ilanngunneqarnissaata attuumassuteqarsinnaaneera Nunatsinni Advokatit ilanngullugu nalunaarpaat.*

Siunnersuummi § 15, imm. 4, nr. 3-mi sioqqutsisumik nalunaaruteqarluni isumaqatiginninniarternalimmik neqeroortitsinernut ingerlattakkat aalajangersarneqarput, taamaalilluni neqerooruteqartitsisup pisariaqartitai naammaginartumik erseqqissumik aalajangerneqarsinnaanngikkaangata ingerlatsineq tamanna atorneqarsinnaalluni. Suliffeqarfiiit aalajangersimasumik amerlassusillit piukkunnartorsiugaageernerisa kingorna, takuuk § 21, suliffeqarfinnik taakkuninnga pineqartunik kissaatigisatut ikorsiissutip pilersuutiginissaq pillugu neqerooruteqartitsisoq isumaqatiginninnialersinnaavoq. Ingerlatseriaaseq taanna neqerooruteqartitsinermut ilutsimut “unammillernermut tunngasutut oqaloqatigiinnermut” assut naapertuuppoq, taamaattorli paasiuminarsagaanerulluni.

*Siunnersuummi § 14, imm. 3-mi neqeroortitsinermut atortussianik tamakkiisunik paasissutissanik tamanut saqqummiussaqarnerup amigaatigineqarnerata qinnuteqartut ikinnerit ilaanissaannik nassataqarsinnaanera Nunatsinni Advokatit nalunaarpaat,*

*qinnuteqartullu neqeroortitsinermik ingerlassami ilaanissap akilersinnaaneranik ilisimasaqanngivinnissaq atugarilersinnaavaa. Taamaalilluni neqeroortitsinissamik nalunaarummik tamanut saqqummiussaqarneq aamma neqeroortitsinermut atortussat pissarsiarisinnaalerneri piffissami ataatsimi pisassanera tusarniaanermut illua ’tungiusup inassutigaa.*

Siunnersuummi § 14, imm. 4, nr. 1-im i tassungalu atasutut oqaaseqaatini allassimavoq ikiorssiissummut neqeroortitsissutaasumut neqerooruteqartitsinermut nalunaarut minnerpaamik naatsumik nassuiaammik imaqassasoq. Tamanik takunnissinnaanermut tunngavigisaq § 6- imiittooq najoqqutaralugu neqerooruteqartitsisoq pisiassatut kissaatigisaq naammaginartumik erseqqissumik nassuiassavaa, taamaalillutik suliffeqarfii paasisutissanik taakkuninnga tunngaveqarlutik pisiarisassat suussusaannik annertussusaannillu suussusersisinnassaallutik, taamaalillutillu ingerlassami peqataanissaq pillugu qinnuteqarniarnerminnik aalajangiussaqarsinnaallutik. Taamaalilluni neqeroortitsinermik ingerlassami pineqartup peqataanissaa pillugu isummernissamut qinnuteqartup pisarialimmik tunngavissaqarnissaa pillugu piumasaqaateqartoqarpoq.

*Siunnersuummi § 14, imm. 5-im neqeroortitsinerup nalaani piffissaliussat nikisinneqartarerat qaqtiguunngitsukkut takuneqartartut, taamaattumillu iluaqutaasussamik aalajangersagaq “naatsorsuutigisaq”-mik imaqartinneqarsinnaasoq Nunatsinni Advokatit ilanggullugu nalunaarpaat.*

Siunnersuummi § 14, imm. 5-im piffissaliuussat eqqartorneqanngillat, taamaattorli § 14, imm. 7, nr. 5-imut innersuussisoqassappat, neqeroortitsinerup ingerlannissaanut piffissaliussaq tessani taaneqarluni, tusarniaanermut akissut tunngavigalugu piffissaliussap naasorsuutigineqarnera, aammalu naatsorsuutigisatut piffissaliussamut sanioqqutitsisoqarsinnaanera neqeroortitsinermut atortussani sianigeqquneqassasoq oqaaseqaatinut ilangunneqarpoq. Sanioqqutitsinerit annertunerusut neqerooruteqartunut nalunaarutigineqassapput.

*Pisortat aningaasataasa sapinngisamik tulluarnerpaamik atorneqassanerat, aammalu tamanna tamanik takunnissinnaaneq, naliqimmiq isumaginninneq aamma naleqqatigiissitsineq pillugit tunngavigisat malillugit pisassanerat Inatsisartut inatsisaannut siunertap tassaanera Kommuneqarfik Sermersuup iluarisimaarlugu nalunaarpa. Taamaattumik siunnersuummut oqaaseqaatini tamatuminnga nalunaarneqarsimasutut annertunerusumik unammillersitsilerneq Kalaallit Nunaanni siuarsarnermik, pilersitsisarnernik suliffeqarfinnillu pilersitseqataasinnaanera tusarniaanermut illua ’tungiusup tamakkiisumik tapersorsorsinnaavaa.*

*Niuernermi suliassaqarfittut paassiuminaatsutut tamatigoortutut teknikkikkut siunnersuisarneq ikiorssiisarnerlu, kiisalu kukkunersiisarnikkut siunnersuisarneq ikiorssiisarnerlu*

*isigineqarsinnaannngitsut Kommuneqarfik Sermersuup nangilluni nalunaarpai. Taamaalilluni neqeroortitseriaatsit arlaqarput akimut pitsaassutsimullu eqqortumut pissarsiaqarnissamut eqqortumik siunnersuisarnermik ikorsiisarnermillu isumaginnissinnaasut. Isertuussinissamut allanullu oqaatiginnissannginnermut nalunaarutit tassaapput inatsisilerinermi sakkussat nalinginnarmik ilisimaneqartut. Isertuussinissamik piumasaqaataasoq imminermini unammillertitaanissamut pinngitsoortitaanissamut tunngavissaqanngitsoq, aammalu siunnersuummi § 9-p iluaniitinneqarsinnaasoq tusarniaanermi illua 'tungerisaq nalunaarpooq. Teknikkikkut aamma kukkunersuisarnermut tunngasutut siunnersuisarneq ikorsiisarnerlu pinngitsuugassaasunit peerneqassanerat tusarniaanermut illua 'tungerisap inassutigai.*

Tusarniaanermut akissut manna, aamma Nunatsinni Advokatinit tusarniaanermut akissut tunngavigalugit teknikkikut siunnersuisarneq ikorsiisarnerlu peerneqarpoq.

*Isertuussinissamut allanullu oqaatiginnissannginnermut nalunaarutit nalinginnarmik inaarutaasutut isumaqatigiissutip ilagisarpai, siunnersuummilu tunngaviusutut ilaasut taakku ilaat tassaavoq neqeoorutaasup unammillertsissutaanera. Tamatigut siunnersuummi § 9-p imaluunniit isertuussinissamut piumasaqaatit taamaallaat atornissaat tulluartuuneq ajorput, paasissutissat isertuussaassut suliaqarfiusup aalajangersimasup iluani eqimattat toqqartukkat iluanni suli siammerneqarsinnaammata. Paasissutissat isertuussaanissaannut tunngatillugu paasissutissat taama ittut neqeroortitsinerup nalaani niuffaffimmi suliaqartumut allanut ingerlateqqinneqarsinnaangillat. Immikkut illuinnartunik pisoqarfinnik pinngortoqarsinnaavoq isertuussinissamik pisariaqartitsisoqarfiusunik, aammalu tamanut saqqummiussaqarnissamit neqeroortitsinermut atortussat, nassatarisaatullu neqeroortitsinermik ingerlassamit ilaasumit immikkullu illuinnartumik immikkut ilisimasaqassutsimit pinngitsoortinneqarsinnaallutik.*

*§ 3, imm. 1, nr. 5-imi pinngitsuuvisinnaaneq neqeroortitsisoqarani pissappat pisortat "immikkut ittutut isertuussisunik siunnersuisartunik" atuinerannut tunngatillugu taamaallaat tatiginninnginnermik pilersitisasoq Kommuneqarfik Sermersuup ilanngullugu nalunaarpaa. Aalajangersakkap atorunnaarnissaanik tusarniaanermut illua 'tungerisaq inassuteqarpoq.*

Tusarniaanermut akissut tunngavigalugu qulaani pineqartutut aalajangersagaq peerneqarpoq.

*§ 3, imm. 1, nr. 7-imut [maannakkut § 3, imm. 1, nr. 5] tunngatillugu neqeroortitsiner mik inatsimmik inuussutissarsiorfik iluaquteqassappat upernarsagaanngitsunik immikkut ittunik isumaqatigiissutinik periarfissiisunik pinngitsuuissutinik suliaqartoqartariaqanngitsoq Kommuneqarfik Sermersuup ilanngullugu nalunaarpaa. Aningaasanut inatsisikkut tapiissuitut aningaasaliissutit tamanna pissutigerpiarlugu ilaasariaqarput. Aalajangersakkap atorunnaarnissaas tusarniaanermi illua 'tungerisap inassutigaa.*

Tapiissutitut aningaasaliissunik pissarsisoq, aamma aalajangersimasumik suliassamik isumaginninneq toqqaannartumik aningaasanut inatsimmi aalajangersarneqarsimassappat suliassat taakku neqeroortitsissutiginissaat pisinnaassanngilaq. Pissarsisoq aningaasanut inatsimmi toqqaannartumik taaneqarsimassangippat suliassaq neqeroortitsinermut malittarisassianut ilaavoq. Tamanna aalajangersakkamut oqaaseqaatinut ilanngunneqarpoq.

*§ 3, imm. 1, nr. 8-mut [maannakkut § 3, imm. 1, nr. 6] isertuussinissamut piumasaqaat unammillertitaanermut pinngitsuuisitsinissamut tunngaviunngitsoq, aammalu aalajangersakkamut oqaaseqaatini isertuussinissap saniatigut immikkut ittunik oqaaseqaatini tunngavissiissutinik takussaasoqanngitsoq Kommuneqarfik Sermersuup ilanngullugu nalunaarpaa.*

Isertuussinissaq pillugu apeqqut tusarniaanermi illua'tungerisap akissutaanik qulaani suliarisani isumagineqarpoq.

Tamatuma saniatigut aalajangersakkamut oqaaseqaatini annertuunik inuiaqatigiinni sianigisassanik peqartoqarfiusinnaasunik pisoqarfiiit assigiinngistut itisilersorneqarput. Assersuutigalugit annertuutut inuiaqatigiinnut tunngasutut soqutigisarisat tassaasinnaapput peqqissutsimut, isumannaallisaanermut, pisortat torersuutitsinissaannut avatangiisinillu illersuinermut sianiginninnissat.

*Inatsisisilornermut ataqatigiiffinni oqariaaseq "akuerineqarsinnaanngitsut"-nik atuisarneq ilisimanagu Kommuneqarfik Sermersuup nalunaarpaa, - nunani immitsinnut assersuuttakkatsinni neqeroortitsinermut ataqatigiiffinni nalinginnarmik "pinngitsuugassaanngitsutut tunngasut" atugaasarpoq. Taamaattumik "akuerineqarsinnaanngitsut" "pinngitsuugassaanngitsutut tunngasut"-nik taarserneqassasoq tusarniaanermut illua'tungerisap inassutigaa.*

Inatsisaasuni "pinngitsuugassaanngitsutut tunngasut" nalinginnarmik neqeroortitsinermut ataqatigiiffinni atorneqartarnerannik tusarniaanermut illua'tungerisap innersuussinera akuerineqarsinnaanngilaq. Inatsisini nalinginnarmik atugaasarput "najoqqtassangut tunngasuungkitsunik neqeroorutit", imaluunniit "neqeroorutit akuerineqarsinnaanngitsut", inatsisisilornermulli tunngasuni paasineqartuni "pinngitsuugassaanngitsutut tunngasut" atorneqartaratik.

*Oqaaseqaatini immikkoortoq 3-mi, Aningaasaqarnikkut allaffissornikkullu pisortanut kingunerisassani anguniakkap nalunaarneqartup pisuni tamani anguneqarsinnaanerata qularnarnera Kommune Kujalliup nalunaarpaa. Kommune Kujallermi unammillertitsinermut killilimmik periarfissaqarmat akit annikillisinnerisut iluseqartitamik pisortat neqeroortitsinerisa sunniutissaata killeqassasoq ernummätigineqarpoq. Tamatuma saniatigut*

*suliassaqarfimmik isumaginninnissamut aalajangersimasumik tusarniaanermut illua 'tungerisaq pisiniartarnermut immikkortortaqanngilaq.*

Piffissap ilaani allaffissornikkut tamatuma artorsarfiusinnaanera Naalakkersuisut akueraat. Tusarniaanermut akisummut atatillugu siunnersuummut nalinginnarmik oqaaseqaatit innersuutigineqassapput, taakkunani Naalakkersuisut najoqqutassatut isumaqatigiissutinik, aamma neqeroortitsinermut malittarisassianut nutaanut taakkununnga ilitsersuutinik suliaqarnissamik pilersaaruteqarnerat nalunaarneqarluni. Taakkunatigut atuutsitsilernermut ingerlatsinerpiap annertuumik eqaallisarneqarsinnaanissa naatsorsuutigineqarpoq.

*§ 3, imm. 1, nr. 6-imi [maannakkut § 3, imm. 1, nr. 5] oqaaseqaataasuni eqqartorneqartut Namminersorlutik Oqartussat suliffeqarfiutaasa aamma kiffartuussinissamik isumaqatigiissutit akornanni ataqatigiissoqanngitsoq Ineqarnermut Attaveqaqatigiinnermullu Naalakkersuisoqarfik nalunaarivoq. Suliassaqarfimmik taama annertutigisumik taamaallaat oqaaseqaatigini sammisaqarnissaq tulluarpasinngitsutut isikkoqarpoq. Taamaattumik § 3-mi immikkut immikkoortutut nalunaarsorlugu "ilaasunik angallassinerni kiffartuussinissamik isumaqatigiissutit" ilanngunneqarnissa kissaatigineqarpoq.*

Tusarniaanermut akissut tunngavigalugu kiffartuussinissamik isumaqatigiissutit pinngitsoorneqanngitsut ipput. Taamaattorli pisortat imermik nukissiuuteqarnermillu pilersuineranni, assartuussinermi kiisalu allakkerivimmi telemilu sullisinerni suliassanut taakku inatsit najoqqutaralugu immikkut ittumik pisinnaatitsissummi tunngaveqarlutik suliarineqartillugit Inatsisartut inatsisaat atuutinngilaq, takuuk § 2, imm. 4. Tamatuma saniatigut § 3, imm. 1, nr. 5-imi suliassamik isumaginnittussatut tapiissutinik pissarsisinnaatitaaneranik aningaasanut inatsimmi aalajangersagaasutut suliassat pinngitsoorneqarput.

*§ 20, imm. 6-imut oqaaseqaatini najoqqutarisatut suliassat qanoq isumagineqarneri pinnagit najoqqutassat amerlassusaannik annertussusaannillu neqeroortitsisoq taamaallaat pingarnerutitaqassasoq allassimamat Namminersorlutik Oqartussat neqeroorutitsinik pitsaassusiluttunik akuersinissamut pinngitsaalineqarnissaannut aarleqouteqartuusoq Ineqarnermut Attaveqaqatigiinnermullu Naalakkersuisoqarfip nalunaarpaa.*

Qinnuteqaatit neqeroorutillu nalilersornerini kinaassusersiunngitsunik, sulianut tunngasunik immikkoortitsisuunngitsunillu najoqqutassat pisortat neqerooruteqartitsisut atussavaat. Taamaattumik neqerooruteqartorlu iluarinangitsunik misilitakkaniq pingartuutitsisinnaannginneq erseqqissumik aallaaviuvoq.

Taamaattorli piumassutsiminik pinngitsuuvisitsinissamut tunngavittut qinnuteqartoq imaluunniit neqerooruteqartoq neqeroortitsisup ilaatinngitsoorsinnaavaa taanna ukiut 3-t kingulliit iluanni taassuma innarligassanngissusaanik qulalersitsisumik inuussutissarsiummik

ingerlatarineranut atatillugu taanna ilungersornartunik pinngitsuuinernik ingerlataqarsimassappat. Ilaatitsinnginnermut tunngavigisaq piumassuseq malillugu pissammat neqerooruteqartitsisup neqeroortitsinermik nalunaarummi tamanna nalunaarutigeqqaarsimassavaa.

Pinngitsuuineq qinnuteqartup imaluunniit neqerooruteqartup inuussutissarsiutaanut attuumassuteqarnera, aammal u pinngitsuuineq taassuma innarligassaanngissusaa pillugu qulalersitsisuunera neqerooruteqartitsisup takussutissiivigissavaa. Qinnuteqartup imaluunniit neqerooruteqartup ileqqorisaanut naleqqiullugu pinngitsuuineq ilungersunartoq ataaseq imaluunniit arlallit tunngavigalugit neqerooruteqartitsisoq naleqquttumik apeqqutilliisinnaanera piumasaqaatit taamaalillutik naassataraat.

Tamatuma saniatigut § 19-im i laatitsinnginnissamut piumassuseq malillugu tunngavigisat nalunaarsukkat allat taakku aamma innersuutigineqarput. Tusarniaanermut akissummik tunngaveqartumik § 20, imm. 6-imut oqaaseqaataasut itisilersorneqarput.

*Naalakkersuisoqarfinnit taakkununngalu atasutut aqutsisoqarfinnit pisariaqartitsinernik naapertuutsinissamut § 22, imm. 4-mi pinngitsuisitsinerup nerukippallaarnera Digitalimik Sullissinermut Aqutsisoqarfiup aarleqqutigalugu nalunaarpaa. Hardwaretut imaluunniit softwaretut ilusilinnik IT-mik pisiortornerit teknikkimut tunngasutut suussutsit, § 22-mut kapitalimi qulequattap nalunaagaatut apeqqutaaginnanngillat. Pineqartut aamma tassaapput qarasaasianik atuinermi isumannaallisaanerit paasissutissaatinillu isumannaallisaanerit.*

Torersuunissaa pillugu § 22, imm. 4-mi aalajangersakkap pinngitsuinissamik aalajangersagaannginnera oqaatigineqassaq. Paarlattuanik aalajangersakkami ikorsiissut tunisassiaareersunut imaluunniit iluarsiissutinut peqatigitinneqarsinnaanissaa pillugu neqerooruteqartitsinermi, ilanngullugu hardwaretut imaluunniit softwaretut ilusilinnik IT-mik pisiaqarnermi piumasaqaateqartoqarsinnaanera itisiligaavoq.

Teknikip tungaatigut suussutsit tunisassiami imaluunniit kiffartuussisummi pisariaqartitatut piginnaasarist aalajangersarpaat, taamaalillutik neqeroortitsinermi piumasaqaatinik naapertuutsitsisunik neqeroorutinik neqerooruteqartut tunniussaqarsinnaassallutik. Qarasaasianik atuinermi isumannaallisaanerit paasissutissaatinillu illersuinerit nalinginnarmik assersuutigalugu qaraasiamic atuinermi illersugaanissaanut siulersuiffittut aaqqissuussivik, ilusilersuinerit aamma najoqquattasatut inissiissutit aqqutigalugit paasissutissanik illersuineq, paasisaqarnissamut pisinnaatitaaneq, aamma puigugaanissamut pisinnaatitaaneq, aamma aaqqissuussivimmi paasissutissat pisariaqartut taamaallaat pigineqarnissaat pillugit piumasaqaatitigut qularnaeqarsinnaassapput. Tusarniaanermut akissut tunngavigalugu § 22, imm. 1-imut aamma imm. 3-mut oqaaseqaatit itisilerneqarput, taamaalillutik teknikip tungaatigut suussutsinut nassuaataasoq erseqqinnerusumik nassuaavagineqarluni.

§ 22, imm. 3-mit § 22, imm. 2-mut pingitsuuineq pisumut ikorsiissutip naammaginartumik erseqqissumik nassuiagaaffigineqarsinnaanngiffianut tunngavoq, tamatumalu nassatarisaanik piumasaqaateqarnissamut suliamut tunngasutut tunngavigisanik neqeroortitsisoq nalunaarsuisinnaassappat immikkut ittutut nioqqutit suussusaannut imaluunniit sananeqaataannut neqeroortitsisup piumasaqaatit taamaallaat aalajangersinnaassallugit.

*Hardwarenik aamma softwarenik pisiortorneq “akit pitsaassutsillu akornanni pissutsit pitsaanerpaat” pillugit tunngavigisamik tunngaveqarluni pissanera Digitalimik Sullissinermut Aqutsisoqarfiup nalunaarpaa, takuuk § 17, imm. 4. Taamaattorli nalilersuineq neqeroortitsineq aqutigalugu pineq ajorpoq, neqeroortitsineq qarasaasiämik atuinermik isumannaallisaaneq paasissutissaatinillu illersuinermik annertuumik, malitsigisatut ikorsiisarnermut aningaasartuutinik annikinnerpaanik, imaluunniit qarasaasiat taarsernerini allanik pisariaqartitaasunik aningaasartuutinik annikillisaanernik, ilanggullugit sulisunik ilinniagaqartitsinernik qularnaarinissamut imatorsuaq tulluartuunngimmat. Tamatuma saniatigut suliassanut immikkut ittunut atortussianik immikkut ittunik akuttoqatigiissaartumik naalakkersuisoqarfit aqutsisoqarfiillu piumasaqartarput.*

Digitalimik Sullissinermut Aqutsisoqarfiup “akit pitsaassutsillu akornanni pissutsit pitsaanerpaat” pillugit tunngavigisamik atugaqareernera nersornarpoq. Taamaattorli pisiortornerni qulaani taaneqartutut sianigisassanik qularnaarinissamut neqeroortitsinerit imatorsuaq tulluartuunnginnerat tusarniaanermut illuatungerisap nalunaarpaa. Tamannali tunngavagineqarsinnaanngilaq, assersuutigalugulu § 15-imi “sioqqutsisumik nalunaaruteqarluni isumaqatiginninniarnermik ilalimmik neqeroortitseriaaseq” pisunut taama ittunut immikkut naleqqussagaavoq. Iluarsiissutinik pissarsiarineqarsinnaareersunik iluarsaassinani neqerooruteqartitsisup pisariaqartitai naapinneqarsinnaanngikkaangata neqeroortitsinermut iluseq atorneqarsinnaavoq, tassani ilaallutik ilusilersuinerit imaluunniit pilersitarusatut iluarsiissutit, imaluunniit ikorsiissummut teknikip tungaatigut suussutsit, imaluunniit taassuma pilersuutigineranut tunngasutut piumasarisat atugassarisallu sinneri neqeroortitsinermik atortussianik naammaginartumik erseqqissumik aalajangerneqarsinnaanngikkaangata.

Pilersuisartunik naleqquttunik piukkunnartussarsiuinermik IT-mik neqeroortitsineq isumaqatiginninniarneratalik aallarnerneqartarpoq. Neqeroortitsinermut atortussat tunngavigalugit illua’tungeriit kingornatigut isumaqatiginninniutigisassaannik neqerooruteqartut piukkunnartussarsiuukat aallarniuttit neqeroorusiortarput. Isumaqatiginninniarnerit tunngavigalugit neqeroortitsinermut atortussani annikinnerusunik allanngortiterinissamik neqerooruteqartitsisup toqqarsinnaavaa, neqerooruteqartullu neqeroorutimik pitsanngorsarnissaannut periarfissinneqarlutik. IT-mik neqeroortitsinermut isumaqatiginninniarneratalimmut annertunerpaatut iluaqutaasoq tassaavoq neqerooruteqartitsinerup ingerlannerata nalaani illua’tungeriit ammanerusumik imminnut oqaloqatigiissinnaanerat. Taamatut kiffaanngissuseqartoqaraluartoq siunnersuutip

neqerooruteqartitsinerup qaniq aaqqissuunneqarnissaanut arlalinnik piumasaqaatinik aalajangersaavoq.

Qarasaasiamik atuinermi isumannaallisaanermut paasisuttissanillu illersuinermut tunngatillugu taakkuninnga naapertuutsitsinissamut tunngatillugu neqeroortitsinermi atortussani qanoq piumasaqaatinik aalajangersaasoqarnissaanut tigussaaunik arlalialunnik assersuuteqartoqarpoq.

Naalakkersuisoqarfinnit aqutsisoqarfinnillu atortussat immikkut ittut pillugit kissaatigisani isumaqatigiissut killissarisatut naleqassutsimik qaangiisimassappat aamma tamatumani neqeroortitsisoqassaaq. “Atortussiatut immikkut ittutut” atuuffigisap suussusia ilaatigut atuuffittut piumasaqaataasutut suussusersineqarsinnaassaaq.

*Siunnersuummi kapitali 5-imi tunngavigisat malillugit kingornatigut niuffaffimmi oqaloqatigiinneq aqquqitalugu atortussiap suup pisiarineqarnissaa aalajangeraa, tassalu pisiassaq tigussaasoq, ilutsip normua il.il. Digitalimik Sullissinermut Aqutsisoqarfiup nalunaarpaa.*

Niuernermi oqaloqatigiinnermut ilaanissaq, imaluunniit § 15-imi nassuiardeqartutut eqaassuseqarnerusumik neqeroortitseriaatsimik atuinissaq pillugu atuinissaq suli Digitalimik Sullissinermut Aqutsisoqarfiup kiffaanngissuseqarfigaa.

*Naggasiullugu § 2-mi killissarisatut naleqassutsimik pisiarisamik ilarpassuisa qaangertassagai Digitalimik Sullissinermut Aqutsisoqarfiup nalunaarpaa, pisiarisat nalinginnarmik tulleriaartuni annikinnerni pisarmata, taamaattorli ikorsiisummut tassungaannaq uteqattaartutut pissarsiarisaqarnertut isigineqartussaassallutik. Naggasiullugu IT-mik pisiorngerit pillugit immikkut ittunik malittarisassianik aalajangersaasoqassasoq tusarniaanermut illua ’tungerisap inassutigaa.*

Siunnersuutigisatut malittarisassiat taakku iluanni soqutigisarisamik isumagineqarsinnaannginneri pillugit tusarniaanermi illuatungerisap oqaaseqaatai tunngavigitinneqarsinnaanngillat, takukkit qulaani pineqartutut tunngavilersuutit. IT-mik neqeroortitsinerit naleqquttumik aaqqissuunnissaat periarfissinniarlugit immikkut ittutut aalajangersakkat ilanngunneqarput.

*Naalakkersuisoqarfiup tusarniaanermut akissutaanut ilaasutut siunnersuummut Peqqissutimut Pitsaaliuinermullu Aqutsisoqarfimmit oqaaseqaammik aamma pissarsisimanertik Peqqissutimut Ilisimatusarnermullu Naalakkersuisoqarfiup nalunaarpaa. Nunatsinni peqqinnissaqarfiup imatut annertussuseqarlunilu iluseqartuunerata pingaarnertut toqqammavissat, ilanngullugit ingammik killilersuutit naleqassutsit inatsisisssatut siunnersuummi toqqammavissat aalajangersakkat iluanni isumalimmik ingerlatsinissamik*

*ajornakusoortitsinera tusarniaanermut illua 'tungerisap ilanngullugu nalunaarpaa.  
Aammattaaq Danmarkimi nunap ilaani - regioninik - taakkuninnga niueqatigiinnissamik  
isumaqatigiissutit aqqutigalugit ingerlattagaanni neqeroortitsinerit ilaannut Peqqissutsimut  
Pitsaaliuinermullu Aqutsisoqarfik ilaasarpooq. Tamatuminnga tunngaveqartumik § 2, imm. 1-  
imi killissarisatut naleqassutsip kr. 2.500.000-inut, aammalu § 15, imm. 4, nr. 5-imi, aamma §  
16, imm. 2, nr. 5-imi kr. 5.000.000-inut qaffatsinneqartariaqartoq tusarniaanermut  
illua 'tungerisap nalunaarpaa.*

Tusarniaanermut akissummik tunngaveqartumik nakorsaqarfimmi atortunik taakkununngalu  
attuumassuteqartunik nakorsaqarfimmi atortussanik pisiortorernut immikkut ittunik  
killissarititatut naleqassutsinik inissiisoqarpoq.

*Siunnersuummi § 3-p annertuumik siammartertuullunilu neqeroortitsinissamik  
pisussaaffimmit pisianik naleqqutinngitsumik annertuut ilaannik ilaatisisunngitsuunera  
Aningaasaqarnermut Naalakkersuisoqarfiiup (AN) nalunaarpaa. Ingammik nr. 5, 7,  
ilaatigullu 8 innersuutigineqassapput. Siunnersuisartunit ikorsiissutit sinneri pillugit nr. 5  
annertuumik siammartertuuvooq, aammalu pisut ilaasut nassuiakkat taakku pinngitsuuinernit  
allanit isumaneqarsinnaasut nalunaarneqarput.*

Tusarniaanermut akissummik tunngaveqartumik siunnersuisartunit ikorsiissutit sinneri  
pillugit aalajangersagaq peerneqarpoq.

*Nr. 8-mi isumaqatigiissutinik pinngitsuisarneq pillugu allatut ittumik inuiaqatigiinni  
soqutigisarisat annertuut illersornissaat qularnaarneqarsinnaanngikkaangata oqaaseqaatit  
imatut iluarsisariaqartut, taanna taamaallaat immikkut illuinnartuni pinngitsuuinermullu  
tunngasutigut pisuni atorneqarsinnaanera erseqqissumik takuneqarsinnaalersillugit AN-ip  
nangilluni nalunaarpaa. Allatulluunniit qinikkatut aalajangersagaq peerneqartariaqarpoq.*

Tusarniaanermut akissut tunngavigalugu aalajangersakkamut oqaaseqaatit imatut  
itisilerneqarput taassuma taamaallaat pisunut immikkut ittunut ilaasuunera  
erseqqissarneqarluni. Pisiassat pisariaqartut pisiarinissaannut periarfissaqartariaqarmat, soorlu  
assersuutigalugu avatangiisirut annertuumik iluarsineqarsinnaanngitsunik ajoqusiinissamut  
aarlerinartoqartillugu.

*Nr. 7-imut tunngatillugu, suliassat tapiissutitut aningaasaliissutitut aningaasanut inatsimmi  
immikkoortinneqartunit aningaasaliiffigineqartut tamatigoortumik neqeroortitsinissamut  
pisussaaffimmit ilaatinneqassanatik aalajangersakkap taassuma naleqquttuunnginnera AN-  
ip ilanngullugu nalunaarpaa. Imminermini pisiassap unammillissutaassannginneranut  
taassuma tapiissutitut aningaasaliissutinit aningaasalersugaasimanera  
tunngavissiissutaasinnaanngilaq.*

Taamaallaat suliassamik kina isumaginnissanersoq aningaasanut inatsimmi toqqaannartumik aalajangersimalluni aalajangersagaq taamaallaat tapiissutitut aningaasaliissutinik ilaqartilerlugu tusarniaanermut akissut tunngavigalugu iluarsineqarpoq. Tapiissutinik pissarsisoq inatsisaasuni aalajangersagaasimassappat suliassaq neqeroortitsinissamut pisussaaffimmisssanngilaq.

*Pisortat pisiarisaannut atatillugu sapinngisamik annertunerpaamik tamanik takunnissinnaassuseq unammillertitaanerlu inatsimmut pingaarnertut siunertarisaasoq AN-ip ilanngullugu nalunaarpaa. Tassunga atatillugu ilassutitut pinngitsuuvisitsinissamut aalajangersakkanik Naalakkersuisut nalunaarutitut iluseqartunik aalajangiisinnanaissaat pillugu § 3, imm. 2-mi aalajangersakkap peerneqarnissaa isumaliutigisariaqarpoq.*

Tusarniaanermut akissut tunngavigalugu aalajangersagaq peerneqarpoq.

*§ 4, imm. 6-imi neqeroorutit sorliit “akuerineqarsinnaanngitsutut” isigineqarsinnaanerinik nassuaateqartoqartooq AN-ip ilanngullugu nalunaarpaa. Nr. 4-mi neqeroorutit “nalinginnaanngitsumik nalikitsut” itigartinnissaannut najoqqutassiisoqarpoq. Maannakkut oqaasertaliussami neqeroorummik erseqqissumik itigartitsinissamut aalajangersakkap atorsinnaassanerata pinngitsoortinnejqarsinnaanaviangilaq, taamaattumillu oqaaseqaatit imatut iluarsisariaqarput pissutsit pineqartut allat saniatigut taamaallaat akinik apparsaanerup ilaatitaassanngitsitsiunera erseqqissumik takuneqarsinnaalersillugu.*

Tusarniaanermut akissut tunngavigalugu oqaaseqaatit itisilerneqarput, taamaalilluni erseqqissumik neqeroorummik akuersissuteqarnermut periarfissamik taanna ilaasuunngitsoq, aammalu taanna taamaallaat akinik apparsaanerinnarnut tunngasuunera erseqqissaavagineqarluni.

*§ 16, imm. 2 sioqqutsisumik nalunaaruteqarnani neqeroortitsinerup isumaqatiginninniarnertallup atorsinnaanissaanut piumasaqaatinik tallimanik tulleriaakkankiimeqarnera AN-ip ilanngullugu nalunaarpaa. Tulleriaakkat ‘taakku ilanngulligit’ imaluunniit ‘taanna pinngikkuni alla’-tut ittuunera erseqqissuunngilaq – oqaaseqaatinilu paasisitsissutaanani. Tamanna iluarsisariaqarpoq. Taamaallaat taanna pinngikkuni allamik tulleriaakkat naleqquttuussaaq. Tamanna oqaaseeqqamik “imaluunniit”-mik pineqartut taakku tallimat ataasiakkaat naaneranni iluarsineqarsinnaaoqv, maannakkut taamaallaat pineqartut sisamaata naanerani takuneqarsinnaavoq.*

Imm. 3.3.3.2-mi inatsisilernermi teknikikkut malittarisassiat najoqqutaralugit normut ataasiakkaat oqaasertaat naqinnermik mikisumik aallartinneqassaaq, uniffimmillu akunnequserneqartassalluni. Normup kingulliup tulliata kingorna oqaaseq “amma” imaluunniit oqaaseq “imaluunniit” naggasiutigineqassaaq. Taamaattorli tusarniaanermut

akissut tunngavigalugu oqaaseqaatini neqeroortitseriaatsip atorsinnaanissaanut tulleriaakkatut tunngavigisanit taakkunanit 1-iinnaq saqqummiunneqassasoq itisilerneqarpoq.

*§ 17, imm. 4-mut oqaaseqaatini pitsaassutsikkut najoqquṭassanut tulleriaakkap tamakiisuuunnginneri oqaaneqartoq tusarniaanermut illuatungerisap ilanngullugu nalunaarpaa. Tamanna aalajangersakkami taamaallaat “assersuutigalugit”-mik ilangussinermi tamanna erseqqissaavagineqarsinnaannginnerpa?*

Tusarniaanermut akissut tunngavigalugu maannakkut aalajangersakkami “assersuutigalugit” ilanngunneqarpoq

*§ 19, imm. 2-mi pisoqarfiusinnaasunik 3-nik tulleriaarneq, pisortanut 100.000 kr.-t sinnerlugit akilersugaanngitsunik taarsigassaqassannginneq pillugu peqataasup § 19, imm. 1, nr. 4-mik naapertuutsitsinngikkaluarpal ilaataannginnissaq neqeroortitsinermi peqataasup pinaveersinnaanera tusarniaanermut illua’tungerisap ilanngullugu nalunaarpaa. Peqataasut sinneri aamma akiitsoqarpata peqataasup mattuttariaqannginnera § 19, imm. 2, nr. 1-ip malitsigivaa. Tamanna nangaanartoqarpoq, kiisalu assortuuttutut illuni, taarsigassaqarnermut piumasaqaammik piviusutut siunertaasumut, kiisalu peqataasumut pisortanut pisussaaffimminik uppermarsarneqarsinnaasumik naapertuutsitsinngitsumut isumaqatigiissutinik pisortat tunniussinerantu atasumik tamatigoornerusumik isumaliuneqarnermut assortuulluni. § 19, imm. 2, nr. 1-imi pinngitsuuinerup peerneqarnissaa inassutigineqarpoq.*

Pinngitsuuineq periarfissatut kingullerpaatut paasineqassaaq, tassani pisortat pisiaqartussaassallutik, pisortanullu akiitsoqanngitsunik pilersuisartunik nassaartoqarsinnaanani. Pisut imaassinjaapput tamatuminnga pisiaqarnissaq pisariaqarsinnaalluni, pisortanullu akiitsunik akilersugaanngitsunik suliaqarfimmi tassani suliaqartut amerlasuut akiligassaqarneranni aningaasaqarnikkut pisoqarfiusoq nassataqartitsippat pisut attuumassuteqalissallutik. Taamatut pisoqarsinnaaffimmi pisortat nioqquṭissat imaluunniit kiffartuussissutit pisariaqartut suli pisariisinnaassanerannut periarfissaqassaaq.

*§ 28-mi imm. 4-mik imatut imalimmik ilangussisoqassaneranik siunnersuutigineqassasoq tusarniaanermut illua’tungerisap ilassutitut nalunaarpaa:*

*”Imm. 4. Imm. 1 najoqquṭalaralugu tunniussinermik aalajangiussinerup kingornatigut pisortat neqerooruteqartitsinermik nittartagaanni neqerooruteqartitsisoq tamanut saqqummiussaqassaaq.” Oqaasertaliussap ilanngunnissaa siunnersuutigineqarpoq pisortat neqeroortitsisarneranni tamatigoortutut tamanik takunnissinnaaneq annertusassammagu.*

Tusarniaanermut akissut tunngavigalugu § 28, imm. 4-mi pisortat neqerooruteqartitsinermik nittartagaanni tunniussinermik aalajangiussinermik neqeroortitsisup tamanut saqqummiussaqartarnissaq pillugu aalajangersakagaq ilanngunneqarpoq.

## **Siunnersummi aalajangersakkanut ataasiakkaanut nassuaatit**

### *§ 1-imut*

#### **Imm. 1-imut**

Pisortat pisiortornerinut ingerlatassanut tamatigoortutut tunngavigisassaq anguniagarlu aalajangersakkap aalajangersarpaa, taamaalilluni pisortat aningaasaataannik sapingnisamik pitsaanerpaamik atuineq sunniuteqarluartutut unammillernikkut anguneqassamat.

Taamaalilluni pisortat pisiortornerini unammillernermut sapingnisamik pitsaanerpaanik toqqammavissanik pilersitsinissamik siunnersuut siunertaqarpoq, taamaalillutik taakku sapingnisamik sunniuteqarnerpaamik ingerlanneqarsinnaassammata, aamma pisisusanut pilersuisunullu sapingnisamik appasinnerpaanik neqerooruteqartitsinermut aningaasartuuteqarfiullutik. Aalajangersakkamut namminersuutigisatut pisinnaatitsisummiq tapersiisoqarsinnaanngilaq.

#### **Imm. 2-mut**

Pisortat neqerooruteqartitsinerat Inatsisartut inatsisaata atuuffianit tassannga pinngitsoortinniarlugu siunertaqarluni neqerooruteqartitsineq ilusilersorneqaqqusaanngitsoq imm. 2-kkut aalajangerneqarpoq. Assersuutigalugu neqerooruteqartitsinermik inatsimmi aalajangersarneqartutut killeqarfissatut nalingititanik isumaqatigiissutip nalingata qaangernissaa pinaveerniarlugu isumaqatigiisummiq isumaqatigiissutinut mikinerusunut pisisussaq aggulusseqqusaaangilaq.

Aammattaaq unammillerneq iliuuseqarfigalugu killilerniarlugu siunertaqartumik neqerooruteqartitsinerup ilusileqqusaannginneranik aalajangersagaq aamma aalajangersaavoq. Eqqunngitsumik suliaqartumik ataatsimik, imaluunniit suliaqartunik aalajangersimasunik salliutitsiniarnikkut, imaluunniit taanna imaluunniit taakku iluanaannginnerusussangortinnerinik siunertaqartumik neqerooruteqartitsineq ilusilersorneqarsimassappat unammillerneq iliuuseqarfigalugu killilersugaasutut isigineqassaaq.

### *§ 2-mut*

Siunnersuutip atuuffii aalajangersakkami aalajangersarneqarput. Ilanngunneqanngitsut § 3-mi takuneqarsinnaapput.

#### **Imm. 1-imut**

Pisortani oqartussaaffeqarfiit suliffeqarfiillu taamaallaat siunnersummi pineqarput, assersuutigalugu Namminersorlutik Oqartussat, nunatsinni kommunit, ilinniarfiit pisortanit pigineqartut, meeqqat angerlarsimaffii il. il.

Nioqquissat kiffartuussinerillu 500.000 kr. ataallugit nalillit pisiarineranni siunnersuut atuutinngilaq, taamaattorli takukkit imm. 2 aamma 3. Nalit killingat 500.000 kr.-nut aalajangersarneqarpoq, taamaalilluni annertuunik taamaallaat pisinerni siunnersuummi aalajangersarneqartutut neqerooruteqartitsisarnermi nukinnik pisariaqartitsisut pisussaaffigineqarlutik.

Nioqqussanik kiffartuussinernilluunniit pisinerit pillugit sinaakkutissatut isumaqatigiissuteqarneq siunnersuummi pineqartunik pisinertut isigineqarput. Sinaakkutissatut isumaqatigiissut atorlugu pisineq siunnersuummut ilaangilaq neqeroortitsisussaatitaaneq sinaakkutissatut isumaqatigiissuteqarnikkut neqeroortitsinermut suleriaaseqarnermi eqqortinneqareermat.

#### Imm. 2-mut

Kr. 2.500.000-it imaluunniit sinnerlugit nalilinnik nakorsaqarfimmi atortunik taakkununngalu atasutut atortunik pisiortornermut Inatsisartut inatsisaat atuuppoq. Nakorsaqarfimmi atortunut taakkununngalu atasutut atortunut tunngasunik neqeroortitsinermi atortussialiornerit paasiuminaatsuupput aamma klinikkerinik, teknikerinik, IT-mi sammisalittut sulisunik, ajornanngippat avataanit siunnersuisartunit allanillu aqutsisoqarfimmi isumalluutaasunik ilanngussuinssanik tunngaveqarlutik. Neqeroortitsinermut atortussiornerit isumaqatigiissummilla suliaqarnerit sivisunerusumik neqeroortitsinermik ingerlassamik nassataqartitsisinnaapput, kiisalu peqqinnissaqarfiup pitsaanerpaamik ingerlanneqarneranut naleqqutingitsunik unammillertoqarfinnik pilersitsisinnaallutik.

Nakorsaqarfimmi atortut imatut nassuiardeqarput sakkut, sakkut, atortut, software, atortussiaq, atortuliaq allatulluunniit pigisaq kisimiitillugu imaluunniit akulerullugu atugaq, suliarinnittuusumit nappaateqarnermik paasiniaanermut imaluunniit peqqissaanermut siunertanut immikkut ittunut atorneqartussat, aammalu tamakku eqqortumik atornissaannut pisariallit, aammalu suliarinnittumit inunnut atussallugit naatsorsuussat, makkuninnga siunertaqarluni:

- a) Nappaammik paasiniaaneq, pinaveersaarneq, nakkutilliineq, suliarinninneq imaluunniit nappaatinik nipaallisaaneq,
- b) nappaammik paasiniaaneq, pinaveersaarneq, nakkutilliineq, suliarinninneq aamma nipaallisaaneq, imaluunniit ajoqutasunut imaluunniit innarluutinut taarsiiniutit atorneqartut,
- c) misissuineq, taarsersuineq imaluunniit timimik allanngortitsineq, imaluunniit timimi ingerlassaq, imaluunniit
- d) naartunaveersaartitsineq.

“Tassunga atasutut atortut” ima nassuiardeqarput tunisassiatut sutulluunniit, suliarinnittumit nakorsaqarfimmi atortunut peqatigitillugit atugassiarisat, nakorsaqarfimmi atortut suliarinnittumit pilersaarutaasutut atorneqarsinnaassammata.

“Suliarinnitoq nassuiardeqarpoq inuttut timalittut imaluunniit inatsisitigut inuttut naatsorsuussaq, nakorsaqarfimmi atortunik ilusilersuinerik, sanaartornerik, poortuinerik, ilisarnaasersuinerik aamma siammarterinerik akisussaaffeqartoq, pineqartup suliarisai inummit tassannga, imaluunniit isumaqtigiissutip avataani taanna sinnerlugu suliarineqaraluarpata.

Nakorsaqarfimmi atortut tassungalu atasutut atortussat assersuutigalugit tassaasinnaapput napparsimmavimmi siniffit, aamma naqitsinaveersaatilikkatut madrassit, tassani apeqquaallutik nappaammik paasiniaanerit, scannerit aamma assersuutigalugu røntgenip qinngornerinut illersuutit aqerlortalikkatut atisat, angallanneqarnermi anersaartuutit aamma anersaartuutit aqqutaat, timimut pilallugit ikkussat, uummammik nappaateqartunut nakkutilliinermut atortussiat, kemomik katsorsagaanermut infusionspumpit aamma kuseriarnernik kisitsissutit, kiisalu pilattaanermut allisitsiutit mikroskopit. Matumanit assersuutit tulleriaarneqartut tamakersimasuunngillat.

#### Imm. 3-mut

Illuliornermi sanaartornermilu suliani 2.500.000 kr.-nik imaluunniit sinnerlugu nalilinnik teknikip tungaatigut ikorsiinermut Inatsisartut inatsisaat atuuppoq. Taamaalilluni ikorsiillunilu siunnersuinerpiamut, illuliornermi sanaartornermilu sulianut atatillugu ikorsiissutaasunut isumaqtigiissummi naleqassuseq tunngavigalugu killissaliussatut naleqassuseq naatsorsorneqassaaq. Taamaalilluni illuliornermi sanaartornermilu suliarpiamut isumaqtigiissummi naleqassuserpiamit attuumassuteqanngilaq. Neqeroortitsinermut atortussanik aamma isumaqtigiissutinik suliaqarnerit neqeroortitsinermik ingerlassamik sivisunerusumik nassataqartitsisinaapput, tassanngalu suliaqarneq neqeroortitsisummut 2.500.000 kr.-nik nalikinnerusumut naleqqutingitsumik artukkiisinnaavoq. Tamanna Kalaallit Nunaanni illuliorlunilu sanaartornernut naleqqutingngitsunik unammillernartunik kinguartitsinernillu pilersitsisinaavoq.

#### Imm. 4-mut

Siunnersuut atuutissaaq pisiniartup uppernarsarpagu neqeroortitsineq pisimasoq neqeroortitseriaatsit siunnersuummit killilersugaasut ilaata ataatsip atorneqarneratigut, takuuk § 12, imm. 1. Tamanna atuutissaaq pisiaq 500.000 kr. ataallugu naleqaraluarpalluunniit, takuuk § 2, imm. 1 aamma nakorsaqarfimmi atortunik pisiortornermut aamma illuliornermi sanaartornermilu sulianut atatillugu teknikip tungaatigut ikorsiinermut 2.500.000 kr.-t ataallugit naleqartunik pisiaqarnerni. Tassani siunnersuummut innersuussuteqartoqarnissa naatsorsuutigineqanngilaq.

Tunngaviusumik mianerisassat niuffaffimmi peqataasunut tassaapput paasiuminartuunissaq naatsorsuutigineqarsinnaanerlu. Pisumasoq assersuutigalugu "pisortatigoortumik neqerooruteqartitsineq" imaaliallaannarluni nalunaarutigisinnaappagu peqatigitillugulu inatsisitigut malittarisassat malinnissaannut pisussaaffeqanngikkaluarluni, niuffaffimmi peqataasunut erseqqissuussanngilaq, qanoq pisoqartillugu inatsisitigut aalajangersakkamik neqerooruteqartitsinissamut aaqqissuutissanerlutik.

#### Imm. 5-imut

Inatsisit najoqqutaralugit immikkut ittumik pisinnaatitaanermik tunngaveqarlutik suliarineqartillugit pisortat imermik nukissiuuteqarnermillu pilersuinerinik suliassanut, assartuinernut, kiisalu allakkerivimmi telemilu sullississutinut Inatsisartut inatsisaat atuutinngilaq.

Assersuutigalugu Nukissiornermik pilersuineq pillugu Inatsisartut peqqussutaat nr. 14, 6. november 1997-imeersumi Nukissiorfiit innaallagissamik avataaniillu kiassarnermik atuisartunut pilersuinermik isumaginnituunissaa, aammalu illoqarfinni nunaqarfinnilu atuisartunut sunniuteqarluartumik naammattumillu innaallagissamik avataaniillu kiassarnermik attassinissamut pisussaaffeqartuunerat aalajangersarneqarpoq.

Tamanna aamma pivoq TELE Attaveqaatit aktiaateqarluni ingerlatseqatigiiffingortinnejnarera pillugu Inatsisartut peqqussutaat nr. 11, 28. oktober 1993-meersukkut, Kalaallit Nunaanni pisortat telekkut attaveqaqatigiiffiannik sanaartorlunilu ingerlatsinissamik isumaginnituunissamik ingerlatseqatigiiffiup siunertaanik aalajangiilluni, kiisalu pisortat telekkut kiffartuussissutaat Namminersorlutik Oqartussat akuersissutaat nalunaarutigisaq najoqqutaralugu neqeroorutigissallugit.

#### § 3-mut

Siunnersuutip atuuffii pillugit § 2-mut ilanngutassaanngitsut aalajangersakkatigut aalajangersarneqarput.

#### Nr. 1-imut

Illuliatigut sanaartukkatigullu suliassat siunnersummi malittarisassiani ilanngunneqanngillat, pisiassat taamaattut illuliortarnermut sanaartornermullu immikkoortortami neqerooruteqartitsisarnissaq pillugu Inatsisartut inatsisaannit killilersugaammata.

#### Nr. 2-mut

Inatsisinut aamma kukkunersiusarnikkut tunngasunik siunnersuisarnermi ikiuisarnermilu pisiniap pisiniallu siunnersuisorisartagaata akornanni immikkut tatigeqatigiinnissaq atuukkajuttarpoq. Tassanissaq inatsisilerinkut siunnersuisorisartagaq suliat tunngavigalugit pisiniap paassisutissaataannik isertuussananik tigusaqaraangami amerlanertigut pisiniap

atugarisai pingaaruteqarluinnartut immikkut paasisimasaqarfingissallugit akuusut akornanni suleqatigiinnermut pisariaqartarpuit. Paasissutissat isertuusaanissaannut tunngatillugu taakku niuffaffimmieq peqataasunut allanut neqeroortitsinerup nalaani ingerlateqqusaanngillat.

Inatsisaasunut naleqqiullugu Naalakkersuisut Siulittaasuat aamma Naalakkersuisuni ilaasortat sinneri pineqartup naalakkersuinermi suliassaqarfiani ilaasutut sulianik ingerlatsivinnut tunngasunik ilaasortap aalajangiiffigisaanut akisussaasuupput. Taamaattumik aalajangersakkamut siunertaq aamma tassaavoq Inatsisartut ilaasortat akisussaanerat pillugu Inatsisartut inatsisaat nr. 6, 13. maj 1993-imeersoq malillugu Naalakkersuisuni ilaasortap akisussaaffimmik isumaginnissinnaaneranik qulakteernissamik pisarialittut iliuuseqarsinnaanerit qularnaarnissaannut aalajangersakkamut aamma siunertaavoq.

Assersuutigalugu inuussutissarsiorfimmik suliassaqarfimmik pisortat sulianik isumaginninneq ilaatigut engup nukinganik nukissiornermut aamma aatsitassarsiornermut inatsisaasut malillugit IBA-mik isumaqatiginninniarnerit naammassinerannut aamma akuersissutinut nalunaarutaasnut pissutsinut tunngasunut atatillugu nunat tamalaani atugaasutut ittunik inatsisilereriaatsimi ajornartorsiutit paassiuminaatsut arlallit isummerfiginissaannik ilaqrpoq. Qaqutiguunngitsukkut assut immikkut ittumik ilisimasanik pisariaqartitsineq pineqarajuttarpoq, inatsisilerinermik suliffeqarfinit anginerpaanit pitsaanertut pissarsiarineqarsinnaasut. Qaffasissumik inissisimaffimmik siunnersuisarneq pisariaqartinneqarpoq, aammalu pilersuisartut ikittuaraannaat pilersuutigisinnaasaannik immikkut ilisimasat imarisaat pisariaqartinneqarlutik.

Taamaattoq pisariiniakkanik nalunaartup suliaqarfiiit ilaatinneqartut neqeroortitsissutiginnissaaannut akornusinngilaa pisariiniakkanillu nalunaartup taamaattut neqeroortitsissutigineqarnissaannut kiffaanngissuseqartumik periarfissaraa suliap naammassineqarnissaanut immikkut tatigeqatigiinneq pisariaqanngippat. Nalinginnaanerusumik suliassat suliariuartakkatut ittut assigiissaartullu, soorlu illunik nioqquteqarnerit attartortitsinermillu isumaqatigiissutit.

#### Nr. 3-mut

Kalaallit Nunaanni pisortat oqartussaaffeqarfiiisa imaluunniit suliffeqarfutaasa allat pisariisartagaat siunnersuummi ilaatinneqanngillat, taakkumi pissarsiat namminermi tunisassiatut isigineqartarmata pisinivittut isigineqartaratik. Sullissinernik tunniussinernut taarsiullugu pisortat oqartussaaffiiniit imaluunniit suliffeqarfiiiniit akiliisoqartarnera pingaaruteqarpallaanngilaq. Uanili pingaaruteqartoq tassaavoq pisortat suliffeqarfutaasa 2-t akormanni paarlaassisooqartarnera.

#### Nr. 4-mut

Pisiat Inatsisartut inatsisaanni ilaasussaasimagaluit tassani ilaatinneqassanngillat pisiniarneq EU-mi eqqartuuussisoqarfiiup neqeroortitsinermut malittarisassaasa, imaluunniit tamatumunnga

naapertuuttumik neqeroortitsinermut malittarisassiat ataanni  
neqeroortitsissutaareersimassappat.

Tassani nunatsinni peqqinnissaqarfimmit nioqqtissanik kiffartuussissutinillu pisiortugarisanut tamanna ilaasinnaavoq. Peqqissutsimut Pitsaliuinermullu Aqutsisoqarfik Danmarkimi regioninik (nunap ilaanik) arlalinnik niueqatigiinnissamik isumaqatigiissuteqarmat, isumaqatigiissutit EU-mi eqqartuussisoqarfiup neqeroortitsinermut malittarisassiat najoqqutaralugit aalajangersagaasuni Danmarkimi neqeroortitsinermut inatsisip atorneratigut unammillerfigititaasimallutik. Tamanna nalinginnarmik toqqammavissatut isumaqatigiissutip atsiornissaanut tunngatillugu neqeroortitsisoqarneratigut pisarpoq, nunatsinni peqqinnissaqarfip kingornatigut pisiortornermut atugarilissallugu. Pingarnertutut tamatigut pisiortornerit unammillertsissutaapput, sunniuteqarluartumillu unammillertoqarneratigut pisortat aningasaataannik sapinngisamik pitsaanerpaamik atuineq anguneqarsimavoq.

Tamatuma saniatigut assersuutitut pisoqarfik ima ittoq ilaatinneqarsinnaavoq, tessani Namminersorlutik Oqartussat imaluunniit pisortat oqartussaaffii allat toqqammavissatut isumaqatigiissummik atsiorneqareersimasumik, EU-mi eqqartuussisoqarfip neqeroortitsinermut malittarisassiaanik, imaluunniit tassunga naapertuuttumik neqeroortitsinermut malittarisassianik isumaqatigiissutaasunut ilanngunnissamik kissaateqarlutik.

#### Nr. 5-imut

Aalajangersakkamiippuit aningaasanut inatsimmi immikkoortinneqartutut tapiissutitut aningaasaliissutit, pissarsisoq aqqa taallugu toqqaannartumik aalajangerneqarsimalluni. Taamaalilluni ukiumoortumik aningaasanut inatsimmi pissarsisoq aqqatigut toqqaannartumik aalajangersimaffigisaanut immikkut ittutut suliassaqarfinnut tapiissutit pinngitsoorneqarput. Pineqartut assersuutigalugit tassaapput tunngaviusutut aningaaserivimmi ingerlattakkat pillugit KNI A/S-imut, aammalu Kalaallit Nunaanni tamarmi nunaqarfinnut isorliunerusunullu nioqqtissanik pilersuinerit attanneqarnissaannut tapiliututut aningaasaliissutit. Tamakku saniatigut tapiliutitut aningaasaliissutit assersuutigalugit tassaasinnaapput nunalerinermik inuutissarsiummut aningaasaliissutit tapiissutit, nunatsinnilu nunaqarfinnik isorliunerusunillu Royal Arctic Linep usitigut kiffartuussinermik suliaqarnera.

#### Nr. 6-imut

Aalajangersagaq taanna tassaavoq ilatinneqassanngitsoq pillugu aalajangersagaq, siunertarineqarluni Namminersorlutik Oqartussat inuiaqatigiit soqutigisaat pingaartut tunngavigalugit neqeroortitsinermut ilaatinneqarsinnaanngitsunik isumaqatigiissusiorsinnaanerat qularnaarneqassasoq.

Isumaqtigiiissutip neqeroortitsissutaassannginneranut tunngavissiisinnaasutut inatsisitigut akuerisatut sianigisassatut inuiaqtigiiinnut tunngasutut soqutigisarisat annertuut isigineqarsinnaanissaannut tassaassaaq piviusutut nalilersuineq. Taamaalilluni pisuni immikkut illuinnartuni imaluunniit pinngitsuuvisitsinermut tunngasuni aalajangersagaq taamaallaat atorneqarsinnaavoq.

Inuiaqtigiiinnut tunngasutut soqutigisarisat annertuut assersuutigalugit tassaasinnaapput peqqissutsimut, isumannaallisaanermut, pisortani torersuutitsinermut, avatangiisinillu illersuinermut sianiginninnerit. Peqqissutsimut sianiginninneq assersuutigalugu atugaasinnaavoq taamaallaat qinnuteqartumi imaluunniit neqerooruteqartumi ataatsimi pisiarineqarsinnaasutut Kapoorissutit imaluunniit ajutoornermi atortussanik nukinginnarluinnartumik pisariaqartitsisoqaraangat. Avatangiisit illersornissaannut sianiginninneq atugaasinnaavoq avatangiisint annertuumik iluarseqqinnejqarsinnaanngitsumik ajoqsiinissamut aarleqquteqaraangat.

#### *§ 4-mut*

Aalajangersakkami oqaatsit siunnersuummi atorneqartut nassuaasersorneqarput.

##### Imm. 6-imut

Neqeroorutit sorliit akuerineqarsinnaanngitsutut isigineqartartut pillugit allattugaatigisaq tamakkiisuuvvoq.

##### Nr. 1-imut

Neqerooruteqarnissamik piffissaliussap qaangiutinnginnerani pisisussamit tiguneqarsimaguni neqeroorut kingusinaartumik pissarsiarineqarsimassaaq.

##### Nr. 2-mut

Neqerooruteqarnissamut atortussani aalajangersarneqarsimasunut piumasaqaatinut naapertuitinngikkaangata neqeroorutit akuerineqarsinnaanngitsutut isigineqarsinnaapput.

##### Nr. 3-mut

Neqerooruteqartup piukkunnassusissamik piumasaqaatit naammassisimanngippag, imaappoq piumasaqaatit naammassineqarsimanngippata imaluunniit neqeroortitsinermi erseqqissumik uppernarsaasiinissamik piumasaqaat tunngavigalugu neqerooruteqartoq naammassinnissimasutut uppernarsaasiisimanavianngilaq.

##### Nr. 4-mut

Annikinaarisumik nalinginnaasuunngitsumillu neqerooruteqartarneq imatut paasineqassaaq neqeroorutigineqartumut tunngatillugu akimik annertussusiliineq piviusorsiortuunngitsoq. Pisiniap nammineq missingersortussaavaa akimik inissiineq qanoq ilisukkut

piviusorpalaartuunnginnersoq. Tassani nalornisoortoqartillugu neqerooruteqartup pineqartup tusarniaavigereerneratigut tamanna pisiniap aalajangiiffigisinnaavaa.

Tamannak taasakkatut erseqqissunik neqeroorutinik neqeroortitsisup akuerinissaanut periarfissamik ilaqaanngilaq, taamaalillunilu taamaallaat akinik apparsaanerinnarnut tunngasuuvvoq.

#### Nr. 5-imut

Pisisussap naatsorsuutigisaanut imaluunniit missingersuummit aalajangiuussamit akigititaq qaangiisimappat nr. 5-ip nassatarisaanik neqeroorut akuerineqarsinnaanngitsoq aamma pineqarpoq.

Neqeroorutieqartitsinerup ingerlanneqarnera aallartitsinnagu missingersuutit aalajangiunneqarsimassapput, ajornanngippallu neqerooruteqartitsinermut atortussiani takuneqarsinnaassallutik. Missingersuusiap nalunaallunilu erseqqissuuunissaanik, aamma neqerooruteqartitsinermik nalunaarutip tamanut saqqummiunnera sioqqullugu pisisussaq uppernarsaatissaqarnermut piginnittuuvoq.

Missingersuut aalajangersagaassanngippat neqeroortitsinermut piviusumut akinik siammaanissaq pillugu pisisussamit erseqqissumik naatsorsuutigisassamik pilersitsisoqassaaq, taamaalillunilu akigititanut takkuttussanut naatsorsuutigisanik tamanna takussutissiissaq. Missingersuutit tunngavigalugit aalajangerneqassaaq, aammalu niuffaffiup piviusup aamma neqeroortitsinerup piviusup ilisarnaataanik ilanngussuissalluni.

#### Imm. 7-imut

Piukkunnartorsiuneq pillugu qinnuteqaatit sorliit akuerineqarsinnaanngitsutut isigineqarsinnaasut pillugit allattuinissaq naleqqutinngilaq.

#### Nr. 1-imut

Piukkunnartorsiuneq pillugu qinnuteqaat kingusinaartumik tiguneqarsimassaaq piukkunnartorsiuneq pillugu qinnuteqaammut ulloq kingusinnerpaaffissatut inissitap naannginnerani pisiniamit tiguneqarsimappat.

#### Nr. 2-mut aamma 3-mut

Ilaatinneqannginnissamut patsisissat piukkunnassuserlu pillugit uppernarsaasiinissamik piumasaqaatit piukkunnartorsiunermut piumasaqaatini erseqqissumik allanneqarsimassapput, imaammammi piukkunnartorsiunermut qinnuteqaat akuerineqarsinnaanngitsutut isigineqassammat naammassinngitsuisimanerup kingunerisaanik.

## § 5-imut

Siunnersuummi killiliussassatut naliliussat pisinermi qaangerneqarsimasinnaanerat uppernarsiniarlugu pisiariniakkap nalinga qanoq ilillugu nalinerneqarnissaanik periaasissaq aalajangersakkami aalajangersarneqarpoq. Killiliussassatut naleqartitat siunnersuummi aalajangersakkat qanoq annertutigisumik atorneqarnissaat pillugu aalajangiisuussapput.

### Imm. 1-imut

Pisiariniakkap siunnersuummi killissarititaasunik qaangiisimanera nalilissagaanni piffissap isumaqatigiissuteqarfiusup sivisussusia tunngavigineqassaaq.

Isumaqatigiisummi piffissaliussassatut kissaatigisaq qaammatinit 12-init sivikinneruppat, sullissinissami pineqartumi pisiniap ataatsimut pisiarissamaagaata nalinga tunngavigineqartassaaq qaammatini tulliuttuni 12-ini. Taamaalilluni pisissap nalinga inissinneqassappat tamatigut sivikinnerpaamik qaammatit 12-it tunngavigineqartassapput. Tassani tunuliaquataavoq unammillernermermi pisiniaq pisiariniakkap unammillersinnaatitaanerup kinguarsarnissaa pinaveersaartissanngimmagu pisiffigisartagannaaminit sivikitsukkuutaanik annikitsukkuutaanilluunniit isumaqatigiissuteqartarnerup taamaallaat atorniarneqartarneratigut taamaalillunilu killissarititaasunit avaqqutsiniartarnermigut.

### Imm. 2-mut

Piffissaq isumaqatigiissuteqarfigisassatut kissaatigisaq, piseqqartussaatitaanerit ilanngullugit, qaammatinit 12-init sivisuneruppat, sullissinerup pineqartup, piseqqartussaatitaanerit ilanngullugit piffissami isumaqatigiissuteqarfiusumi tamarmiusumi ataatsimut naliliussaq tunngavigineqartassaaq.

Uani sullissinissap kissaatigineqartup nalingata missingersorneqarnera pineqarpoq. Nalinga imatut paasineqassaaq sullissinerup akissaatut pisiniartup naatsorsuutigisaa.

### Imm. 3-mut

Pisiniat arlariikkuataat ataatsimoorlutik pisiniarpata nalinga imm. 1 malillugu naatsorsorneqassaaq pisiniartut akulerunneqartut tamarmik piumasaasa ataatsimut nalingat tunngavigalugu.

### Imm. 4-mut

Aalajangersakkami pineqarput nioqqutissat kiffartuussinerillu ataatsimoortillugit pisiarineqarnerat.

Pisisarnerit taamaattut tassaagajuttarput nioqqutissanik pisineq aamma sullissineq imminnut qanittuararsuutillugit.

Assersuutigalugu kalerrisaarutit allalluunniit ataavartumik aserfallatsaalineqarsinnaasut, pineqartillugit isumaqatigiissutigineqarlunili kingoraartissat pisitsisup aserfallatsaalineremi atortagai pisiniap aamma akilertassagai isumaqatigiissutaasimasoq. Taama pisoqartillugu kingoraartissanik pisineq tassaasarpoq nioqquqissanik pisineq, sullissinertut tunniussamut attuumassutilerujussuaq.

Nioqquqissat sullissinerillu pisiarineqartussatut naatsorsuutigisat nalingat tunngavigalugu imm. 1 malillugu nalingat naatsorsorneqassaaq. Assersuummi aserfallatsaaliegassatut naatsorsuutigisat peqatigiissillugit nalingat pineqassaaq kiisalu piffissami tassanerpiaq kingoraartissanik pisinissamut naatsorsuutigisamik pisariaqartinneqartut.

#### *§ 6-imut*

Neqerooruteqarsinnaatitaanermi paasiuminartuunissaq naligiissumillu pinninnissaq pillugu tunngaviusumik periaasissat inatsimmi aalajangersarneqartarput. Periaasissat neqerooruteqarnerup ingerlanerani tamarmiusumi atuutissapput sapinngisamillu annertuutigut siunnersuummi aalajangersakkanit atuutsinneqassallutik.

Paasiuminassuseq

Paasiuminassusermik periaaseqarnikkut siullermik nassatarineqartarpoq tamanut ammasuunissaq, niuernermi peqataasut tamarmik periarfissinneqartaramik soqtigisatik saqqummiutissallugit. Taamaaliornikkut pinngitsoortinnejartarpoq pisiniap namminerisamik pisiffimmuit pisisannginnissaa, pisisoq siumoortumik immikkut ittumik sallitissinnaasai.

Aappaatigut paasiuminartuunissamik periaaseqarneq imatut paasineqassaaq, neqeroorummi isumaqatigiissutigineqartumi pineqartoq aamma neqeroorummi periaaserineqartussaq pisiniartup nassuiaasersussammag. Tamatuma kingorna neqeroorummi nassuiaatigineqartut naapertorlugit taakkulu tunngavigalugit pisisoq iliuuseqartassaaq.

Tamatuma kingunerisaanik pisiniartup ilaatigut qulakteertassavaa niuernermi peqataasunut isumaqatigiissutiginiagaq pillugu paassisutissat tamatumunnga attuumassuteqartut tamaasa pissarsiaritissallugit aamma isumaqatigiissumik pilersitsineq pisassammat paasiuminartumik taamaalilluni neqerooruteqartut nalilersinnaaniassammassuk periaatsit, najoqququtassat ileqqullu isumaqatigiissumik pilersitsinermi tulleriaarneqarsimasut pisiniartup malissimassagai.

Assigiimmik pinninnissaq

Assigiimmik pinninnissamik periaaseqarnermi pineqarpoq, pissutsit assigiiartut assigiinngissutalimmik pineqannginnissaat aamma pissutsit assigiinngitsut assigiissumik pineqannginnissaat, tamanna sulianik paasisimasaqarnermik tunngavilerneqarsimappat.

Assigiimmik pinninnissamik periaaseqarnermi neqeroortitsinermi peqataasunut qinnuteqaateqartunut neqerooruteqartunullu pisisoq pisussaaffeqaannangilaq, kisiannili aamma niuernermi peqataaniarsimasunut pisussaaffeqarluni, kisianni ilimanarluinnartumik peqataarusukkaluartumik, assersuutigalugu neqeroorummi atortut allatut ilusilerneqarsimassappata imaluunniit neqeroorummi periaatsit allaanerusumik ilusilersorneqarsimassappata.

Aammattaaq assigiimmik periaaseqarnermi piumasaqaatigineqanngilaq neqeroorummi atugassaritaasut tamarmik ataasiakkaarlutik unammillernissamut attuumassuteqassanngitsut niuernermi peqataasut tamaasa eqqarsaatigalugit. Imaappoq pisisup pisussaaffigingilaa suliassanut piumasaqaasiussani annikillisissallugit, manna piinnarlugu pisiffik ataaseq ikittuonnaalluunniit pisiariniakkamik pisitsisuussasut tassani piumasaqaatit suliamut aamma attuumassuteqaraluarpataluunniit. Neqeroorummi atugassaritaasoq sunaluunniit assigiimmik pinnittarnermut taamaallaat akerliusinnaavoq, atugassaritaasoq taamaallaat siunertaqarpat imaluunniit niuernermi peqataasut assigiinngitsumik pineqarnissaannut malitseqartinneqarpata suliamut tunngatillugu pissutissaqanngitsumik.

Pisiffigisartagaq pisiarisartakkanut siumoortumik ilisimasaqarajuttusoq unammilleqatigiinnermi annertuitigut iluaquqtaaqarpoq. Taamatut pisoqartillugu assigiimmik pinnittarnermi pisiniap taamaallaat pisussaaffigisarpaa taamatut unammilleqatigittarnermi ajunngequit ima annertussusillit naligiissaassallugit, periaatsit eqqarsaatigalugit taamatut nalimmassaanissaq pisariitsuararsuussalluni, tamatuma aningaasartuutitassaa naammaginassappat aamma pisitsisup pisinnaatitaaffiisa atuuttut sanioqqutinnginnissaannik imaqanngippat.

Oqaatigineqareersutut assigiimmik pinnittarnermi periaaseqarneq sulianik paasisimasaqarnissamik piumasaqaatitaqarpoq. Sulianut paasisaqarnissamik periaaseqarnissaq § 6-imi erseqqissumik taaneqanngikkaluartorluunniit, taamaalilluni neqeroorutip pisisussamit suliaqnerani tamanut tunngatillugu suliamut tunngasumik paasisimasaqarnissaq pillugu piumasaqaat atuuppoq. Neqerooruteqarnerup ingerlannerata nalaani pisisussap aalajangigai eqqarsaatigalugit aalajangiinernut tamanut tunngatillugu sulianik paasisimasaqarnissamik piumasaqaat naleqquttuuvvoq.

### *§ 7-imut*

Neqerooruteqartussaatitaanermi naapertuutuliortuunissaq pillugu tunngaviusumik periaaseqarnissaq inatsimmi aalajangersarneqarpoq. Neqeroorutit suulluunniit pisisussap pilersaarusiortussaavai taamaalilluni neqeroorutini piumasaqaatit najoqqutassallu allattorsimasut neqeroorutigisap annertussusianut naapertuutitissallugit.

Tamanna ima paasisariaqarpoq pisiniartup neqeroorummini qinnuteqaateqartunut neqerooruteqartunullu taamaallaat piumasaqaatigissaga pisinermi pineqartumi atugassaritaasut naammaginartuunissaat allamullu ingerlateqqinneqannginnissaat pisisup suliatigut pisariaqartitaasa pineqartut naammassineqarnissaannut suut pisariaqartuuneranninngarnit.

Taamaalilluni siunnersuut paasiuminartuunissaq, assigiimmik isumaginnittarnissaq, aamma atsikkutitaarinninnissaq pillugit tunngaviusunik periaatsinik tunngaveqartinnejqarpoq. Taamaakkaluartoq tunngaviusumik aalajangersakkat tamatumunnga attuumassusillit oqaasertalorsorneranni kalaallit immikkut ittumik tunngavigisaat mianeralugit ilanngunneqarput. Tamanna ilaatigut imatut paasineqassaaq Siunnersuut taanna neqeroortitsisarneq pillugu danskit inatsisaaninggaarnit qeratannginneruneranik, immikkuualuttunillu aqutsiniartuunani aammalu isumaqatigiissut pilersinneqartarneranni periarfissatut immikkut ittutut najukkami atuuttuunissaat pingartinnejqarpoq sullissineq eqqarsaatigalugu imaluunniit ilinniartutut inissat sungiusartutullu inissat pilersinnissaat eqqarsaatigalugit inuiaqatigiinnilu mianerisassat allatut isumaginiarsaralugit.

Pisiniartup assersuutigalugu qulakkiissavaa neqeroorutigineqartumut sumulluunniit tunngatillugu piumasaqaatit najoqqutassallu naleqquttuunissaat aamma piumasaqaatit najoqqutassallu annertussusiat pisiassap annertussusianut imaluunniit pingaruteqassusianut attuumassuteqarnissaat.

Tamanna atuuppoq neqeroorummi pisisussap piumasaqaasiussaanut tamanut, tassunga ilanngullugit neqeroorutip imaluunniit qinnuteqaatip tunniunnissaannut kingusinnerpaamik piffissaliussat, pisinissamut piumasaqaatit peqataasut piukkunnassusissaannut piumasaqaatit, isumaqatigiissutip suliarinissaanut piumasaqaatit il. il. Tassunga atatillugu neqerooruteqartup neqerooruteqarnermini aningaasartuutai pisisussap eqqarsaatigissavai.

Periaaseq taanna atuuppoq neqeroorummi piumasaqaatip nalilerneqarnissaanut tamatumalu unammillersinnaatitaanermut annikillisaataasinnaaneranut.

Akerlianilli naapertuutitsinissamik periaaseq atuutissanngilaq neqeroorummi tunuliaqutaasumi mianerisassat nalilersornissaanni, aningaasartuutissat neqeroorummi piumasaqaatit nassatarisassaat pisiniartumut imminut akilersinnaanerai eqqarsaatigalugit. Taamaakkaluartorli pisiniartup tamatigut isumaliutersuutigisassavaa aningaasartuutit piumasaqaatinut attuumassuteqarnersut, matumani nalilersinnaajumallugu akisunerulersitsineq piumasaqaatit taakkua naammassinissaannut akilerneqartussaq siunertamut naammattumik naapertuunnersoq.

## § 8-mut

Aalajangersakkami pineqarpoq assigiimmik pinninnissaq pillugu neqeroortitsisarnermi inatsisikkut tunngaviusutut, takuuq § 6. Aamma § 6 neqeroortitsinermi kisimi atutissappat, § 8 atuutiinnassaaq neqeroortitsineq naammassereeraluarpuunniit.

Imm. 1-imut

Neqeroortitsinerup aallartereerneratigut neqeroortitsisoq neqeroortitsinermi piumasaqaatini aamma atortussat sinnerini tunngaviusutut ilaasut annertunerusumik allanngortissinnaanngilai.

Neqeroortitsinermi atortussani tunngaviusutut ilaasunik allanngortitsinerit tassaapput allanngortitsinerit neqeroortitsinermik ingerlanneqartumi pineqartumi qinnuteqarsinnaasut imaluunniit neqerooruteqarsinnaasut peqataanerannik sunniuteqartitsisinnaasut, imaluunniit qinnuteqartut imaluunniit neqerooruteqartut akornanni unammillernermik sangutitsisinnaasut, allannguutaasoq neqeroortitsinermut atortussaaqqaartuni takuneqarsinnaasimassappat.

Assersuutigalugu neqeroorummi isumaqatigiissutaasut kingusinnerusukkut annertunerusumik allanngortinnejarsinnaanngillat, neqerooruteqartoq ajugaasoq isumaqatigiissuteqareeraluarpuunniit. Uani siunertarineqarpoq assigiinngisitsinermik pinninnissap pinngitsoortinnissaa, tassunga ilanngullugu pisiffigisat ataasiakkaat sulianut naleqqutinngitsumik pitsaanerusumik inisisimalersinnissaat.

Neqeroortitsinermi allannguutinut tunngatillugu allannguutit annertunngitsut annertuullu, aamma tunngaviusutut ilaasunik allannguutit immikkoortinnejartarpot.

Neqeroorummi allannguutit annertuujunngitsut tassaasarpot annikinnerusumik iluarsiissutit nalimmassaatillu, piffissamut niuernermi peqataasup atugassaanut sunniuteqartussaannngitsut neqeroorutip imaluunniit qinnuteqaatip paasinissaa suliarinissaalu eqqarsaartigalugit. Tamatuma saniatigut allannguutit annertuujunngitsut aammattaaq sunnersinnaanngilai neqeroortitsinermi pineqartumi qinnuteqaateqartut neqerooruteqartulluunniit peqataasinnaanerat sunnersinnaanagu imaluunniit qinnuteqaateqartut neqerooruteqartullu akornanni unammilleqatigiinnerup sangutinnissaannut.

Neqeroorummi allannguutit annertuut tassaapput allannguutit imatut nassataqartut, tassalu niuernermi peqataasut piffissamik saniatigut atuisussaammata neqeroorutit naammaginartumik paasinissaannut akinissaannullu, imaammammi qinnuteqaatip neqeroorutilluunniit tunniunneqarnissaa sivisunerusumik ingerlasinnaasoq. Neqeroortitsinermi atortussani annertuunik allanngortitsisoqassappat piffissalersuut sivitsorneqassaaq, takukkit §§ 25, imm. 2 aamma 26, imm. 2 taakkununngalu ilaasutut oqaaseqaatit.

Taakku saniatigut neqeroortitsinermi atortuni tunngaviusutut ilaasunik allannguuteqartoqarsinnaavoq. Tunngaviusumik ilaasunik allannguutit tassaapput allannguutit neqeroortitsinermik ingerlassami qinnuteqarsinnaasut imaluunniit neqerooruteqarsinnaasut peqataanissaannut sunniuteqarsinnaasut, imaluunniit qinnuteqartut imaluunniit neqerooruteqartut akornanni unammillernermik sangutitsisinnaasut, isumaqatigiissutip atsiorneranut ingerlassaqqaakkami allannguut takuneqarsinnaassasimappat. Tamatumunnga assersuutitut taaneqarsinnaavoq tunniussinissamut najoqquassat ilanngunneri, peerneqarneri imaluunniit allatut iliortluni sunut atuuffiinik allanngortinneqarneri.

Aammattaaq assersuutigalugit uani pineqarsinnaapput tunngaviusumik ilaasuni allannguutit, aningaasaqarnikkut aningaasaliisarnikkullu pisinnaasat periaatsillu aammalu suliatigut pisinnaasat pillugit piukkunnassusermut minnerpaaffissatut piumasaqaatit ilassuserneqarsinnaammata, peerneqarsinnaammata taakkuluunniit atuuffiisa allatut iliortluni allanngortinneqarsinnaammata.

Neqeroortitsinermi minnerpaaffissatut piumasaqaatit tassaapput pisinnaasassanik piumasaqaatit neqeroorutigisanit pisinermi imaluunniit isumaqatigiissutip suliarineqarnerani, taakku immikkoorutaat immikkut illuinnartut isumaqatigiissumi aalajangersorneqartarmata (pingartumik tigussaasuni atuuffissaani inatsisinilu), neqeroorutit suulluunniit naammassisassaat imaluunniit pigisassaat. Tamatuma kingunerisaanik minnerpaaffissatut piumasaqaatit allannguutaat tassaasinnaavoq tunngaviusumik ilaasut allannguutaat, nutaamik neqerooruteqartitsinnginnikkut pisinnaanngitsut.

Naggataatigut isumaqatigiissummi pineqartup allannguutai aamma isumaqatigiissutip ingerlannissaannut piumasaqaatit tassaasinnaapput tunngaviusumik ilaasut allannguutaat. Tassani assersuutigalugit tassaasinnaapput piumasaqaatit pilersinneqarpata toqqakkaaqqanngarnit qinnuteqaateqartut allanut periarfissiisinjaasut imaluunniit neqerooruteqartitsinermi saniatigut peqataasussanut soqtignalersinjaasut. Aamma ima pisoqarsinnaavoq isumaqatigiissutissatut neqeroorutigineqartup imaluunniit sinaakkutit isumaqatigiissutip aningaasaqarnikkut oqimaaqatigiinnerat qinnuteqaateqartunut neqerooruteqartunulluunniit pitsaaqutinngortillugit allanngortinneqassappata imaalillugit, neqerooruteqaatit periarfissiissutiginngisaat. Aamma naggaterpiaatigut imaassinjaavoq neqeroortitsinermi allannguutip nassatarisinnaagaa isumaqatigiissutip imaluunniit sinaakkutissatut isumaqatigiissutip atuuffissaata annertungaatsiartumik annertusineqarnissaa.

Imm. 2-mut

Neqeroortitsisoq neqeroortitsinermi atortussani tunngaviusutut ilaasunik allannguiniarpat atugassaritaasut allanngortut ilaatillugit neqeroortitsisoq nutaamik neqerooruteqartitsisissaaq. Tassunga ilanngullugit neqeroorutit massakkut atuuttut taamaattunik peqarpata pisiniartup atorunnaarsissinjaavai, takuuk § 29.

## § 9-mut

Pisiniartup taamatullu qinnuteqaateqartup neqerooruteqartullu pisariaqartitaasa  
isertuussaanissaasa akuersaarneqarsinnaanerat aalajangersakkami naqissuserneqarpoq.

### Imm. 1-imut

Aalajangersakkap nassatarissavaa neqerooruteqartitsinermi peqataasut paasissutissanik  
ingerlatitseqqinqinnissaat pisiniartup piumasarisinnaammagu tamannalu  
neqerooruteqartitsinerup ilaatut pisiniartup nalunaarutigissavaa. Isertuussinissaq taamaallaat  
inummut isumaqatigiissummi peqataatinneqanngitsumut tunngassuteqarpoq, § 6-imi  
assigiimmik pinninnissamut periaatsip nassatarisussaammagu neqerooruteqartitsinermi  
peqataasut tamarmik paasissutissanut taakkunanorpiaq isersinnaanissaat. Aalajangersagaq  
suliassat suliarineqartarnerat pillugu inatsimmi § 27-mut naapertuitissaq.

### Imm. 2-mut

Aalajangersakkami tessani isumaginiarneqarpoq qinnuteqaateqartut neqerooruteqartullu  
paasissutissanik unammillernermermi imminermennut ajoqsiisinnasunik unammillerfigineqartut  
paasisimasaqalernissaat pinaveersaartinniarlugu.

Paasissutissat isertuussaagajuttartut assersuutigalugit tassaasinnaapput: Akit pillugit  
paasissutissat immikkoortortalersoqqissaakkat kiisalu periutsit suleriaatsillu  
immikkoortortalersorluakkat.

Paasissutissiissut sunaluunniit isertugaasutut isigineqartussaanersoq aalajangersimasumik  
naliliinikkut paasineqartarpoq. Taanna namminermi imaanngikkaluarpoq neqerooruteqartup  
paasissutissaq "isertuussaq"-tut allassimassagaa. Paasissutissat pissutsimikkut  
imarismikkullu pisiniartumit suliamik paasisimasaqassuseq tunngavigalugu  
nalilerneqassapput. Tassa paasissutissaq siusinnerusukkut tamanut ammasumik  
nalunaarutigineqarsimasoq isertuussatut naatsorsuutigineqarsinnaanngilaq.

Paasissutissat isertuussatut suliarineqarsinnaatitaanerannut tunngatillugu siunnersummi  
aammalumi inatsiseqartitsinermi aalajangersakkanit allanit annikillisinnejarsinnaavoq.  
Assersuutigalugit tunniussinissami aalajangiinerit itigartitsinerillu §§ 27-29 naapertorlugit  
tunngavilersuutitaasa imarisinnaavaat paasissutissat isertuussat tamakkiisuunissaat  
eqqarsaatigalugu. Aammattaaq paasissutissanik tunniussisarneq allagaatinik  
paasinnissinnaatitaanermut malittarisassanut nalinginnaasunut ilaatinneqarsinnaapput.

## § 10-mut

Imm. 1-imut

Aalajangersakkami niuerneq pillugu pisiniartup siumoortumik oqaloqateqarsinnaanera naqissuserneqarpoq.

Pisiniartup neqeroorummik pissusissamisoortumik ilusilersuinissaanut niuernermik paasisimasaqarnissaq tunngavissaavoq pingaarutilik, neqeroorutigineqartorlu pillugu pitsaanerpaamik unammillernissamik pilersitsisuussalluni.

Neqeroorutissap suliarinissa siunertaralugu niuernermik paasisimasaqarnissaq anguneqassappat pisiniartup neqeroorutip atuutsilersinnginnerani niuernissaq pillugu aallarnersaataasumik oqaloqateqarnissa aalajangersakkami periafissiissutigineqarpoq taamatullu pisisussap neqeroorutissatut pilersaarutaa pillugu niuernermi peqataasut aamma neqeroorummumt atatillugu piumasaqaatinik paasissutissinneqassallutik.

Taamaalluni pisiniartoq immikkut paasisimasalinnik oqartussaasunilluunniit sumulluunniit attuumassuteqanngitsut oqaloqatigilersinnaavai, tassani ilanngullugu niuernermi peqataasunit siunnersorneqarnissaq, assersuutigalugu qinnuteqaateqarsinnaasut neqerooruteqarsinnaasullu kikkuusinnaanerisa paasinissaannut.

Niuerneq pillugu oqaloqatigiinnissaq pisinnaavoq assersuutigalugu neqerooruteqartarneq pillugu nalunaarutip ilusilersornissaannut, immikkoortortalernissaannut, kingusinnerpaamik piffissaliussassat il. il. pilligit paasissutissanik immersorneqarnissaq siunertaralugu.

Pisiariniakkamut piumasaqaatit pilligit oqaloqatiginninnissat assersuutigalugit pisariaqarsinnaapput soorlu suliassap neqeroorutigineqartup naammaginartumik nassuaasersornissaannut pisiniartoq suliatigut paasisimasassanik pisariaqartinneqartunik nammineq soqarsimanngippat. Taamannak pisoqartillugu niuerneq pillugu oqaloqatigiinnissaq qulakteeqataasinjaavoq neqeroorutip imatut iluseqartinnissaanut, neqeroorutip niuernerpalaartuunissa pitsasumillu unammillernissaq tunngavissequllugu. Aamma niuernermi aaqqiissutissat suunerinik, niuernerup qanoq ingerlanneqartarneranik il. il. misissuinissamut periafissaqalissaq.

Aalajangersakkamut atatillugu piumasaqaatinik pisortatigoortunik soqanngilaq. Pisiniartup nammineq toqqarsinnaavaa attaveqaqatigiinnissaq allakkatigut oqalunnikkulluunniit pissanersoq aamma oqaloqatigiinnissaq qanoq annertussuseqassanersoq sunalu sammineqassanersoq. Suliffeqarfik ataasiinnaq, suliffeqarfiiit arlallit imaluunniit niuernissami pineqartumi suliffeqarfiiit tamaasa tassunga attuumassuteqartut pisisussap ilanngutitissinnaavai. Uani apeqqutaanngilaq neqeroorut pillugu oqaloqatigiinnissaq sioqqullugu piffissaq qanoq annertutigisoq atorneqassanersoq.

## Imm. 2-mut

Pisiniartoq niuerneq pillugu siumoortumik oqaloqateqassappat aalajangersagaq malillugu oqaloqatigiinnissap imassaa pisiniartup uppernarsaasersinnaasariaqarpaa.

Uppernarsaanissamik piumasaqaammi tassani siunertarineqarpoq oqaloqatigiinnissap imaata paasiuminartuunissa, tassanga ilanngullugu naammagittaalliuutinik suliaqalersinnaaneq eqqarsaatigalugu. Oqaloqatiginnineq atorneqassappat tamanna imaalillugu uppernarsarneqarsinnaavoq assersuutigalugu oqarasuaatikkut oqaloqatigiissutigineqartut allatornerisigut aamma ataatsimiinnernit imaqarniliat akuerisaasut saqqummiunnerisigut.

## § 11-mut

### Imm. 1-imut

Aalajangersakkami naqissuserneqarpoq unammillernissamut ajunngequtissaq pilersinnaasoq pisisussap nalimmassartassaga pisisussap neqeroorummik piareersaanerata nalaani § 10 naapertorlugu niuerfimmik siumoortumik oqaloqateqarnermi suliffeqarfimmit siunnersuisartumit pisisussaq siunnersorneqarsimappat allatulluunniit iliuuseqarnikkut siunnersorneqarsimappat.

Neqeroorummi immikkuualuttortassat aalajangersornissaat imaluunniit neqeroorutip ilusilersornissa siunertaralugu pisisussaq suliffeqarfimmit siunnersorneqarsimappat, imaratarsinnaavoq piumasaqaatinik suliffeqarfimmut pineqartumut naleqquttunik pisisussaq ilusilersuisinnaasoq. Taamaalilluni suliffeqarfik siunnersuisusimasoq unammillernissatigut iluaquserneqaratarsinnaavoq niuernermi unammillernermik sanguallatsitsinermik nassataqartumik.

Aalajangersagaq taanna aamma malinneqassaaq suliffeqarfik siunnersuisusimasoq neqeroorummi peqataasunut allanut attuumassuteqarsimappat, assersuutigalugu ingerlatseqatigiiffik pingarneq ingerlatseqatigiiffimmut peqataasumut atilequtaasumut piginnittuusimappat.

Suliffeqarfimmit siunnersorteqarsimanerup kingunerisaanik niuerfimmi unammilleqatigiilfersinnaaneq pinngitsoortinniarlugu iliuusissanik naleqquttunik pisisussaq aalajangigaqarsinnaavoq.

### Imm. 2-mut

Nr. 1-imi oqaatigineqarpoq suliffeqarfip siumoortumik siunnersuisimaneranut atatillugu paasissutissat tassunga attuumassutilit paarlaatseqatigiissimanissaat pisisussap sapinngisamik qulakkeerinnissutigissagai neqeroorummut ilaasussat eqqarsaatigalugit. Iliusissami tassani qulakkeerniarneqarpoq qinnuteqaateqartut neqerooruteqartulluunniit tamarmik paasissutissanik assigiissunik pissarsisinneqarnissaat qinnuteqaatissap neqeroorutissalluunniit

suliarinissaannut atorneqartussanik. Aatsaat paasissutissat neqeroorut pillugu unammillernermi tunngassutillit tunngassuteqarpata taakku pisisussap ilanngutitissavai.

Nr. 2-mi aalajangersarneqarpoq neqerooruteqartitsinermi kingusinnerpaamik piffissaliussassat pisisussap aammattaaq aalajangersussagai suliffeqarfip siunnersuisuusimasup piffissaliussaq eqqarsaatigalugu ajunngitsussarsiarisimasai naleqqussarneqarsinnaaqqullugit. Taamaalilluni neqeroorutissap piareersarneqarnerani suliffeqarfik akuutinneqartoq taamaaliornikkut piffissamik killiliussamik ajunngequtissarsisimanersoq pisisussap nalilersussavaa. Taamatut pisoqarsimappat neqeroorummi kingusinnerpaamik piffissaliussaasimasut pisup sivisoqataanik sivitsornissaanut pisisussap pisussaatitaanera atuutsilissaaq. Taamaalilluni kingusinnerpaamik piffissaliussat aalajangersornissaanni piffissami pineqartumi suliffeqarfip siunnersuisuusimasup piffissami tassani paasisimasai taakkorpiaat qinnuteqaateqartunut neqerooruteqartunullu allanut atorneqartussatut missingersorneqartut pisisussap ilanngullugit naatsorsuutigissavai.

Nr. 1 aamma 2 tassaapput annikinnerpaaffissatut iliuusissat. Nr. 1 aamma 2 malillugit iliuusissat naleqquttut pisisussamit aalajangerneqarsimasut malillugit pisisussap nalilissavaa unammilleqatigiinnikkut ajunngitsorsiat nalimmassarneqarsimanersut. Allanik iliuuseqarnissaq pisariaqalersinnaavoq.

Imm. 3-mut

Ilungersunartumik pisoqartillugu neqeroortitsinermi suliffeqarfik siunnersuisuusimasoq peqataajunnaarsissallugu pisariaqalersinnaavoq.

Taamaattorli suliffeqarfip siunnersuisuusimasup peqataajunnaarsinneqarnera naapertuutumik iliuuseqarniarnermik kisimi tunngaveqarsinnaavoq taamaalillunilu periarfissaq taanna kisiartaasimappat tamanna inatsisinik unioqqutitsisimanaviangilaq, unammilleqatigiinnerup annertuumik sanguallatsinnissaa pisisussap pinngitsoortissinnaasimappagu.

Imm. 4-mut

Peqataajunnaarsinneqarneq pitinnagu suliffeqarfik siunnersuisuusimasoq imatut iluarsiinissamut periarfissineqassaaq neqeroorutissap piareersarneqarnerani suliffeqarfip peqataasimanera unammilleqatigiinnermut sangutitsisuusimassanngitsoq.

Peqataajunnaarsitsinissamik aalajangiinnginnermi suliffeqarfip siunnersuisuusimasup tusarniaaffigineqarnissaa pisuni tamani pisisussap pisussaaffiginngilaa, assersuutigalugu unammilleqatigiinnermik sangutitsineq malunnarsimaqippat erseqqissimappallu.

## *§ 12-imut*

Imm. 1-imut

Neqeroorutinik ilusilersueriaatsit assigiinngitsut 4 inatsisinik unioqqutitsinani atorneqarsinnaasut pisinernut siunnersummi pineqartumut tunngasut aalajangersakkami allattorneqarsimapput. Pineqartut tamarmik allattugaatigineqarput.

Neqeroortitseriaatsit 4 siunnersummi aalajangersakkani allani erseqqinnerusumik naleqqussarneqarsimapput.

Imm. 2-mut

Aalajangersakkami naqissuserneqarpoq neqeroorutit tamanut ammatinneqartut aamma neqeroorutit killilikkat tamatigut atorneqarsinnaasut.

Akerlianilli aalajangersakkami naqissuserneqarpoq isumaqatiginninniarnikkut neqeroortitsisarneq taamaallaat atorneqarsinnaasoq tamatumunnga piumasaqaatit naammassineqarsimappata. Siunnersummi § 15, imm. 4-mi pineqarput nalunaarut pioereersoq malillugu isumaqatiginninniareernikkut neqerooruteqarnissamut piumasaqaatit aamma § 16, imm. 2-mi pineqarpoq nalunaarut tunngaviginagu isumaqatiginninniarnikkut neqerooruteqarsinnaanermut piumasaqaatit.

## *§ 13-imut*

Aalajangersakkami pineqarput tamanut ammasumik tunngaviusumik neqeroortitsisarneq aamma neqeroorutit imarisassaannut malittarisassat.

Imm. 1-imut

Aalajangersakkami naqissuserneqarpoq tamanut ammasumi neqeroortitsisarnermi tunngaviit: Kikkulluunniit neqerooruteqarnissamut periarfissaqartut. Periaatsip taassuma atorneqarneratigut tamanut ammasumik neqeroortitsisarneq neqeroortitseriaatsit pingasut allat siunnersummit immikkoortillugit inissinneqarput.

Taamaalluni tamanut ammasumik neqeroortitsisarneq tassaavoq atorneqarnerpaaq unammilleqatigiinnissamullu ammaasuunerpaaq taamaattumillu tassaalerluni pisissusanit tunngaviatigut toqqarneqartariaqartoq.

Kikkulluunniit neqerooruteqarsinnaatitaammata neqerooruteqartup aammattaaq neqeroorutit tamanut ammasut atornissaannut mianersortariaqarpoq neqeroorutiginakkami pineqartumi niuernermi peqataasut amerlasimappata. Neqerooruterpassuit pissarsiarineqaraangata tamanna pisiniartumut suliassatigut annertuumik nammatassiisarpoq pissutigalugu pisiniartoq pisussaatitaammat neqeroorutit tiguneqartut tamaasa misissoqqissaarnissaannut

nalilersoqqissaarnissaannullu neqeroorummut najoqqutassarititaasoq toqgarneqartoq naapertorlugu. Aamma unammillertit amerlasoorujussuugaangata neqeroorut peqataasunut soqutiginannginnerulerlertarpoq taamaattumillu neqerooruteqartitsinissamut nukiit ikinnerusut atorneqarnissaat imaluunniit neqerooruteqannngilluinnarnissaq toqgarneqarsinnaalluni.

Neqeroorutit tallimat sinnerlugit tiguneqarnissaat ilimanarpas pisisussaq nukissat unammillernissarlu eqqarsaatigalugit neqerooruteqartitseriaatsip allap atornissaa pisisussap isumaliutigisariaqarpaa.

Imm. 2-mut

Aalajangersakkami naqissuserneqarpoq tamanut ammasumik neqeroortitsinermi neqeroortitsisarneq pillugu nalunaarutip imassaanut malittarisassat. Tassani piumasaqaatit minnerpaaffissaat pineqarput.

Neqerooruteqartitsinermut nalunaarut neqeroorutaasumi tunngaviusutut ilaasunut aalajangersimasunut naatsumik ataatsimut isiginniffissatut iluseqarpoq. Siunertaq tassaavoq niuffaffimmi suliaqartut suliassaq neqeroorutaasooq pillugu itissusiliisunik paasissutissarsiornissamut soqutiginninnerlutik ataatsimut isiginniffimmi piaartumik nalilersuisinnaanissaat. Naak kikkulluunniit neqerooruteqarsinnaatitaagaluartut tamanut ammasumik neqeroorutit tamarmiusut niuernermi peqataasunut naleqquttuunaviangillat. Assersuutigalugu tessani pissutaasinnaapput immikkut sammillugu nioqquteqalerneq imaluunniit niuernermi peqataasup nukiisa sumiiffimmi allani atorneqalernerisa kingunerisaanik.

Inuaqatigiit aaqqissusaaneranni mianerisassat tunuatungaanniittut tassaapput niuernermi peqataasut sapinngisamik pinngitsoortinniassammassuk neqeroorutiginiagaq naggaterpiaatigut imminerminnut naleqqutinngitsoq pillugu paasissutissarpassuit atuarnissaannut nukiit maangaannartinneqannginnissaat.

Neqeroortitsinermut atortussami, aamma neqeroortitsinermut atortussat sinnerini paasissutissat akornanni annertuunik akerleriittunik peqartoqaqquaanngilaq, takuuk § 6 malillugu assigiimmik pinninnissamik tunngavigisaq. Taamaattumik neqeroortitsinermut atortussat sinnerisa imarisaat aalajangersimallualereeraangata pisisussap neqerooruteqartitsinermut atortussiaatimik aatsaat suliaqartarnera nalinginnarmik tulluartuunerpaasarpoq.

Nr. 1-imut

Taamaattumik pingaaruteqarpoq neqeroorutigineqartup naatsumik nassuaatertaqartut, takuuk aalajangersakkami nr. 1, eqqoqqissaartuunissaa aamma neqeroorutigineqartumik naleqquttumik tamakkiisumillu paasitsisuunissaa. Nassuaat naatsuuusussaammat ilequugajuppoq neqerooruteqartitsisarneq pillugu nalunaarut malillugu tamakkiisumik

nassuaateqarnissaq ajornakusoortarpoq, kisiannili neqeroorutigineqartup pingaarutai allanneqarsimassapput taamaalilluni niuernermut peqataasut neqeroorutigineqartoq soqutigineritsik nalilissallugu pitsaasumik periarfissaqarteqqullugit. Tamanik takunnissinnaanermut tunngavigisaq najoqqtaralugu, takuuk § 6, neqeroortitsisup pisiassatut kissaatigisaq naammaginartumik eqqortumik nassuiassavai, taamaalillutik paassisutissanik taakkuninnga tunngaveqarlutik aningaasat tungaasigut suliaqartuusut pisiarisassap suussusia annertussusialu suussusersisinnassammassuk, taamaalillutillu ingerlassami peqataanissaq pillugu qinnuteqassanertik aalajangiutissallugu.

Aamma tassani pingaaruteqarpoq neqeroorummi allassimasunut ilaassasut piffissap isumaqatigiissuteqarfingineqartoq pillugu paassisutissat aamma isumaqatigiissutip immikkoortuini immikkoortortalersuutaasinnaasut. Piffissami sivitsuinissamut pissutaasut pissutaasullu allat aamma allassimassapput.

#### Nr. 2-mut

Neqerooruteqartup neqeroortitsinermut iluserisap atorneqartup sorliup ilanngussarinissaanut aalajangersagaq pisussaaffiliivoq, takuuk § 12, imm. 1.

#### Nr. 3-mut

Neqerooruteqartitsinermut nalunaarummi neqerooruteqartumut attaveqarfissatut paassisutissat ilaatinneqassapput. Tassani ilaasinnaapput neqerooruteqartitsinermut akisussaasutut pisortaqarfik, najugaq, inuk attaveqarfissaq, oqarasuaatip normua aamma emaili.

#### Nr. 4-mut

Aamma tunniussinissamut najoqqtassaq toqqagaq neqerooruteqartitsinermut nalunaarummi ilaatinneqassaaq, takukkit § 17, imm. 1, tassungalu oqaaseqaataasut.

#### Nr. 5-imut

Ikorsiissummut neqeroorutigineqartumut naleqqiullugu tulluartuussasoq neqerooruteqarnissamut killiliussaq neqerooruteqartitsinermut nalunaarummi ilaatinneqassaaq, tamanna pillugu § 26 tassunga oqaaseqaataasut takukkit.

#### Nr. 6-imut

Neqerooruteqarnermut piumasaqaatit aamma neqerooruteqartitsinermut atortussat sinnerinut qanoq ililluni attaveqarsinnaaneq pillugu paassisutissat neqerooruteqartitsinermut nalunaarummi ilaassapput. Assersuitgalugu tassaasinnaavoq neqerooruteqartumut saaffiginninneq, imaluunniit nittartakkamut innersuussut.

Imm. 3-mut

Aalajangersakkami naqissuserneqarput tamanut ammasumik neqerooruteqarnermi piumasaqaasiussat imassaat pillugit malittarisassat. Tassani piumasaqaatit minnerpaaffissaat pineqarput.

Nr. 1-imut

Neqerooruteqartitsinermut piumasaqaatiniiissapput tunniussinermut najoqqtassiamut ilaatitatut najoqqtassiaasinnaasut, taakkulu akornanni oqimaaqatigiissitsinerit, taakku pillugit § 17, imm. 4-6 taakkununngalu oqaaseqaatit takukkit.

Nr. 2-mut

Ilaatitsinnginnermut tunngaviusut neqerooruteqartitsinermi piumasaqaatini ilaassapput, taakku pillugit §§ 18-19 taakkununngalu oqaaseqaatit takukkit.

Nr. 3-mut

Tulluartuunermut minnerpaamik piumasaqaatit, aammalu neqerooruteqartuuusut piumasaqaatinik taakkuninnga uppermarsaasinnaanerannut piumasaqaatit neqerooruteqartitsinermi piumasaqaatini ilaassapput, tamanna pillugu § 20 tassungalu oqaaseqaatit takukkit.

Nr. 4-mut

Piumasaqaatit pillugi nassuaatit tassaasinnaapput neqeroorutigineqartoq pillugu nassuaat immikkoortortalersoqqissaagaq taannalu neqerooruteqarnermi piumasaqaatini ilaassaaq, takuuk nr. 4. Piumasaqaatinut nassuaat ilaatigut imatut takissuseqarajuttarmat, neqeroorummi piumasaqaatinut ilaliussat ilanngullugit nassiunneqarajuttarput.

Piumasaqaatinut nassuaatit tassaagajupput neqerooruteqarneq pillugu allagaatini qitiusumik inissisimasartut. Pingaaruteqarpoq pisisussap piumasaqaatinik peqqissaarussinissaa tassanimi neqeroorutigisaq nassuaasersorneqartarmat, taannalu neqeroortitsinermi ajugaasup pisisussamut ingerlateqqissallugu pisussaaffigaa.

Piumasaqaatinut nassuaatit neqeroorutip imassaanut pitsaassusissaanullu piumasaqaatit erseqqissumik eqqortumillu pisisussap nassuaassersussavai. Piumasaqaatit erseqqarissuunngippata neqeroorummi suna pineqarnersoq nalornissutaalersinnaavoq tamannalu paasiuminartuunissamik periaaseqarnissami tunngaviusumik malittarisassanut akerliusimassaaq. Ersernerlunnerit pissutigalugit aammattaaq assigiiartumik unammillernermi tunngaveqartitsisoqarnaviangilaq taamaalillunilu neqerooruteqartunik immikkoortitsisumik assigiinngisitsisoqalersinnaanera ammaassiffigineqassaaq. Tamanna assigiisumik pinninnissamik periaaseqarnermi tunngaviusumik malittarisassanut akerliussaaq. Piumasaqaatit pisiniartup eqqortumik naammaginassusilimmik

nassuaasersorsimangippagit aammattaaq imatut pisoqaratarsinnaavoq pisisup pisiariniakkani pisariaqartinneqartunut naammassinnngitsoq tigusinnaagaa.

Nassuaat attuumassuteqassappat teknikip tungaatigut nassuaataasunik imaqassaat, tamanna pillugu § 22 tassungalu oqaaseqaatit takukkit.

#### Nr. 5-imut

Isumaqtigiissummi atugassarititaasuni tamani pingaarutilinni neqerooruteqarnermut piumasaqaatini allassimassapput, takuuk nr. 5 aamma assersuutigalugu isumaqtigiissutissatut missingersuuusiami allassimassallutik taannalu neqerooruteqartitsinermut piumasaqaatinut ilaliussatut nassiunneqassaaq. Uani isumaqtigiissummi atugassarititaasut pingaarutillit pingaaruteqanngitsullu immikkoortinnejartarput. Pingaarutillit nalilersornissaanni pingaaruteqanngitsuni allannguutit pingaarutilinnut sanilliullugit assigiiginnarput, takuuk nassuaatini § 8.

#### Nr. 6-imut

Neqeroortitsinermut piffissaliussaq naatsorsuutigineqarpoq, aamma neqerooruteqartumut pisisussamullu neqeroortitsinerup nalaani minnerpaamik kingusinnerpaaffissatut piffissaliussat tamaasa imarissallugit. Makku piffissaliussami ilanngunneqarnissaat pingaaruteqarpoq:

- Neqeroorutip tamanut saqqummiunnissaanut ulluliussaq.
- Neqeroorut pillugu apeqqutit tigunissaannut kingusinnerpaamik piffissaliussaq.
- Neqeroorut pillugu apeqqutit akissutillu tamanut saqqummiunnissaannut pisisussamut kingusinnerpaamik killiliussat.
- Neqerooruteqarnissamut kingusinnerpaamik killissaliussaq.
- Neqeroorutip ammarnissaanut ulluliussaq.
- Pisisussap neqeroorutimut paasiniaalluni apeqqutissaatut naatsorsuutigisai pillugit piffissaq atugassarititaasoq.
- Tunniussinissaq pillugu ilisimatinneqarnissamut ulluliussassatut naatsorsuutigisaq.
- Isumaqtigiissutip pilersinnissaanut ulluliussassatut naatsorsuutigisaq.
- Pisariiniakkap tunniunnissaanut ulluliussaq imaluunniit piffissaliussaq.

Naatsorsuutigisatut piffissalersuummi sonioqqutitsisoqarsinnaanera neqeroortitsinermut atortussani sianigeqquneqassaaq. Aamma annertunerusumik allannguuteqartoqassappat tamanna neqerooruteqartunut nalunaarutigineqassaaq. Nerooruteqarnermut piffissaliussamik allanngortitsinerit taamaallaat neqeroortitsinermi atortussani annertuunik allannguuteqartoqarsimassappat pisinnaapput, takukkit §§ 25, imm. 2, aamma 26, imm. 2, aamma § 8, imm. 1.

#### Nr. 7-imut

Neqeroorummumut apeqqutissat pillugit malittarisassat, neqerooruteqartitsinermi piumasaqaatinut ilanngunneqartussat, takuuk nr. 7, tassaapput § 24 naapertorlugu paasissutissat, imaappoq apeqquteqarnissamut kingusinnerpaamik piffissaliussat, apeqqutinut pisisussap akissuteqarnissaannut kingusinnerpaamik piffissaliussat kiisalu apeqqutit taakkualu akinissaannut qanoq isikkulernissaat pillugit paasissutissat. Pisisussap qinnuteqaatigissavaa neqeroorummumut apeqqutit tamaasa allaganngorlugit saqqummiunneqassasut, tamanna pillugu § 24, imm. 2, tassungalu oqaaseqaatit takukkit.

#### Nr. 8-mut

Neqeroorutit tunniunnissaat pillugit piumasaqaat neqerooruteqartitsinermi piumasaqaatinut ilanngunneqassapput, takuuk nr. 8 assersuutigalugu tassaasinnaalluni neqeroorutip e-mailikkut nassiunneqarnissaa pillugu piumasaqaat. Nr. 8 naapertorlugu aammattaaq pisisussap neqerooruteqartitsinermut piumasaqaatini tamatigut piumasarisassavaa attassiinnarnissamut sivikinnerpaamik ulluni 30-ni neqerooruteqartut piffissalerneqassasut. Taamaaliortoqassaaq manna qulakkeerniarlugu neqerooruteqartut neqeroorutiminnit kaanngannginniassammata, kisiannili pisisussaq nammineq naliliissuteqassaaq. Neqerooruteqarnissamut kingusinnerpaamik piffissaliussamiit ullut 30-t qaangerlugit naliliinissaq pisiniap naatsorsuutigippagu soorunami attassiinnarnissamut killiliussap sivisoqataanik tamatuma sivisussusilerneqarnissaa pisisussap piumasaqaatigissavaa.

#### Nr. 9-mut

Neqeroorutinik tunniussinissamut ilusissatut piumasaqaatit neqerooruteqartitsinermi piumasaqaatinut ilanngunneqassapput takuuk nr. 9 assersuutigalugu tassaasinnaallutik neqeroorutip sivisussusissaanut, naqinnerit sorliit atorneqarnissaannut il. il. piumasaqaatit.

Paasissutissat neqerooruteqarneq pillugu nalunaarummi taaneqartut neqerooruteqarnermut piumasaqaatini uteqqissallugit pisisussaq pisussaaffeqanngilaq, kisianni aamma tamanna inerteqputaanngilaq. Tamakkiisumik takunnissinnaanissaq eqqarsaatigalugu amerlasoorpassuartigut pissusissamisoorsinnaavoq neqerooruteqarneq pillugu nalunaarummi paasissutissiissutigisat uteqqinneqarnissaat.

### § 14-imut

Aalajangersakkami killilimmik neqerooruteqarnissamut ilusissat pillugit tunngaviusumik periaasissat, kiisalu pitsaassusiliigallarnissamut piumasaqaatit neqeroorutillu pappiliartaasa imassaat pillugit malittarisassat aalajangersarneqarput.

#### Imm. 1-imut

Aalajangersakkami naqissuserneqarput killilimmik neqerooruteqarnissamut tunngaviusumik periaasissat. Killilimmik neqerooruteqarnermi pisiniartoq siullermik

pitsaassusiliigallarnissamut neqerooruteqartitsissaaq, imaappoq neqerooruteqarnissamut suliffeqarfiit pitsaanerpaasorisat inatsisitigut iluarsisat malillugit toqqartussavai.

§ 21-p imarai pitsaassusiliigallarnissap qanoq ingerlannissaannut piumasaqaatit erseqqinnerusut. Pitsaassusiliigallarnissami qulakkeerneqassaaq niuernermi peqataasut akornanni killilersugaanngitsumik erseqqissumillu paasiuminartumillu unammilleqatigiittoqarnissaa, suliffeqarfiit sorliit neqerooruteqarsinnaatitaassanersut toqqarneqarnissaat eqqarsaatigalugu.

Imm. 2-mut

Pitsaassusiliigallarnissamut kikkulluunniit qinnuteqaateqarsinnaapput, taamaallaalli suliffeqarfiit pisisussap pitsaassusiliigallartitai pineqarput, imaappoq tamatuma kingorna tulliullutik neqerooruteqarsinnaasut toqqassallugit.

Pitsaassusiliigallarnissaq pillugu qinnuteqaateqarnissamut kikkulluunniit periarfissinneqarmata, killilimmik neqeroortitsisarneq unammillertitsinerusinnaavoq tamanut ammasumik neqerooruteqartitsisarneq eqqaassanngikkaanni.

Suliffeqarfiit sallerpaajutinneqanngitsut neqerooruteqartitsinermi killilimmik peqataatinneqartarneranni siunertarineqarpoq neqeroorutit amerlassuserisartagaasa annikillisinneqarnissaat, taamaalilluni suliffeqarfinit qinnuteqaatigineqartut akornanni niuernermi pitsaanerpaatut pisisussamit siusinnerusukkut nalinerneqarsimasunit neqeroorutit kisiisa tiguneqartartussanngorlugit.

Tamanna pitsaaqqutaassaaq neqeroorummut pineqartumut niuernermi peqataasut amerlappata. Neqerooruterpassuit tiguneranni pisisussamut tamanna suliassatigut annertuumik nammakiisarpoq, pissutigalugu tunniussinissamut najoqqutassatut toqqarneqartunut tunngatillugu neqeroorutit tamaasa peqqissaartumik misissornissaannut nalilernissaannullu pisisussaq pisussaatitaammat. Killilimmik neqerooruteqartitsinikkut neqeroorutit ikinnerulersarput taamaalillutillu suliassatigut pisisussamut nammakiinnginnerusarlutik. Aammattaaq unammillertussat ikilisinnerisigut suliffeqarfiit suli peqataarusunnerulissapput.

Aammattaaq killilimmik neqerooruteqartarneq pissusissamisoorsinnaavoq, neqerooruteqarnermi neqerooruteqartut nukiit annertuut atortariaqartarmatigik. Pisisussaq pitsaassusiliigallartitsigaangat suliffeqarfiit qinnuteqaateqartut nukissanik atuinissaagaluarerat pinngitsoortinneqartarpoq, tassanimi piukkunnanginnerit pisisussap siumoortumik nalilertarmagit.

#### Imm. 3-mut

Pisisussap taamaallaat pisussaaffigaa neqerooruteqarnermi pappiaqqat tamakkiisut suliffeqarfinnut salliutinneqanngitsunut tunniutissallugit. Aammattaaq pisisussap toqqarsinnaavaa neqeroorummi pappiaqqat tamaasa ilaannaalluunniit tamanut ammasumik saqqummiutereqassasut neqerooruteqartarneq pillugu nalunaarummut peqatigitillugu. Tamanna annertoorujussuarmik iluaqsiisinnaavoq, pissutigalugu niuernermi peqataasut taamaalillutik neqerooruteqarnerup aallartinneraniit neqeroorut pillugu paasissutissat naammattut tigusussaammatigik. Tamatuma pinngitsoortittarpaa suliffeqarfiiit salliutinneqanngitsut pisariaqanngitsumik peqataatinneqarnissaat, soorlu kingorna paasinarsisartoq taakku neqeroorut piumaneq ajoraat.

Neqeroortitsinermut nalunaarutip isumaqatigiissutip neqeroorutigisap nassuaataa imaraa. Tamanik takunnissinnaanermut tunngaavigisaq najoqqutaralugu, takuuk § 6, neqeroortitsisup pisiarisassatut kissaatigisat naammaginartumik erseqqissumik nassuiassavaa, taamaalillutik paasissutissat taakku tunngavigalugit aningaasanut tunngasutut suliaqartuusut pisiarisassat suussusaat annertussusaannillu suussusersisinjaassammata, taamaalillutillu ingerlassami peqataanissaq pillugu qinnuteqarusussanertik aalajangiussinnaallugu.

Killilimmik neqeroorutit tamanik ammasumik neqeroorutinit sivikinnerusumik piffissaqartitaasarpot, neqeroortitsinissaq sioqquillugu pitsaassusiliigallartarnermi pisiniartoq peqataatitaqartitsisarmat.

#### Imm. 4-mut

Aalajangersakkami naqissuserneqarpoq killilimmik neqerooruteqartitsineq pillugu nalunaarutip imassaanut malittarisassat. Uani pineqarput minnerpaaffissatut piumasaqaatissat.

§ 13, imm. 2, nr. 1-4-mut nassuaatit assigisaannik uani atorneqassapput.

#### Nr. 5-imut

Neqerooruteqartitsinermut nalunaarummi neqerooruteqartup suliffeqarfiiit qanoq amerlatigisut piukkunnartorsiugarinissaanik isumaliutigineraq ilaassaaq. Unammillertoqarnermut sianiginninneq pissutigalugu amerlassutsit minnerpaamik 3-ussapput, akunnequititullu ilusilerlugu nalunaarutigineqarsinnaavoq, tamanna pillugu § 21, tassungalu oqaaseqaatit takukkit.

#### Nr. 6-imut

Piukkunnartorsiuinermut piumasaqaatit qanoq ililluni pissarsiarinissaat pillugu paasissutissanik neqerooruteqartitsinermut nalunaarummi ilaassaaq. Assersuutigalugu tassaasinnaavoq neqerooruteqartumut saaffiginninnissaq, imaluunniit nittartakkamut innersuussissut.

#### Nr. 7-imut

Neqerooruteqartitsinermik ingerlassami pisisussap piukkunnartorsiuineq pillugu qinnuiginninnissamut atugassaanut piffissaliussaq sorlq aalajangersakkap aalajangersaavigaa, takuu § 25, tassungalu oqaaseqaatit.

#### Imm. 5-imut

Aalajangersakkami naqissuserneqarpoq killilimmik neqerooruteqartitsineq pillugu nalunaarutip imassaanut malittarisassat. Tassani piumasaqaatit minnerpaaffissaat pineqarput.

Paasissutissat neqerooruteqarneq pillugu nalunaarummi taaneqartut neqerooruteqarnermut piumasaqaatini uteqqissallugit pisisussaq pisussaaffeqanngilaq, kisianni aamma tamanna inerteqquaanngilaq. Tamakkiisumik takunnissinnaanissaq eqqarsaatigalugu amerlasoorpassuartigut pissusissamisoorsinnaavoq neqerooruteqarneq pillugu nalunaarummi paasissutissiissutigisat uteqqinneqarnissaat.

#### Imm. 6-imut

Aalajangersakkami naqissuserneqarpoq suliffeqarfiiit salliutinneqanngitsut tamarmik neqeroortitsisarnermi piumasaqaatinut aamma neqeroortitsisarnermi pappiaqqanut allanut peqatigiissillugit periarfissinneqarnissaat. Uani assigiimmik pinninnissamik periaaseqarneq eqqarsaatigineqarpoq.

#### Imm. 7-imut

Aalajangersakkami naqissuserneqarpoq killilimmik neqerooruteqartitsinermi neqerooruteqartarneq pillugu piumasaqaatit imassaat pillugit malittarisassat. Tassani piumasaqaatit minnerpaaffissaat pineqarput.

#### Nr. 1-imut

Neqerooruteqartitsinermut piumasaqaatiniissapput tunniussinermut najoqqtassiamut ilaatinatut najoqqtassiaasinnaasut, taakkulu akornanni oqimaaqatigiissitsinerit, taakku pillugit § 17, imm. 4-6 taakkununngalu oqaaseqaatit takukkit.

#### Nr. 2-mut

Ikorsiissummut neqeroorutigineqartumut naleqqiullugu tulluartuussasoq neqerooruteqarnissamut killiliussaq neqerooruteqartitsinermut nalunaarummi ilaatinneqassaaq, tamanna pillugu § 26 tassunga oqaaseqaataasut takukkit.

#### Nr. 3-mut

Ikorsiissutip neqeroorutaasup annikitsortalersukkatut nassuiarneratut ilisarnaaserneqarsinnaasoq piumasaqaatinik nassuaassut neqerooruteqarnermut piumasaqaatini nassaarineqarsinnaassaaq, tamanna pillugu § 13, imm. 3, nr. 4-mut oqaaseqaatit takukkit.

Nassuiaammiissapput attuumassuteqassappata teknikip tungaatigut nassuiaatit, tamakku pillugit § 22 tassungalu oqaaseqaatit takukkit.

Nr. 4-mut

Isumaqtigiiissummi atugassarisat pingaarutilit tamarmik neqerooruteqarnermut nalunaarummiissapput, tamakku pillugit § 13, imm. 3, nr. 5-imut oqaaseqaatit takukkit.

Nr. 5-imut

Neqerooruteqarnermik ingerlassamut piffissalersuut neqerooruteqarnermut nalunaarummiissaaq, tamanna pillugu § 13, imm. 3, nr. 6-imut oqaaseqaatit takukkit.

Nr. 6-imut

Apeqquteqarnissamut najoqqutassat neqerooruteqarnermut nalunaarummiissapput, tamanna pillugu § 13, imm. 3, nr. 7-imut oqaaseqaatit takukkit.

Nr. 7-imut

Neqeroorutip tunniunneranut tunngatillugu piumasaqaatit, ilanngullugu minnerpaamik ulluni 30-ni nassueruteqarnissamut piffissaliussaq neqerooruteqarnermut nalunaarummiissapput, tamanna pillugu § 13, imm. 3, nr. 8-mut oqaaseqaatit takukkit.

Nr. 8-mut

Neqeroorutip tunniunneranut tunngatillugu iluserisamut piumasaqaataasinjaasut neqerooruteqarnermut nalunaarummiissapput, tamanna pillugu § 13, imm. 3, nr. 9-mut oqaaseqaatit takukkit.

### *§ 15-imut*

Aalajangersakkap imarai nalunaarut pioreersoq malillugu isumaqtiginninniarnertalimmik neeqerooruteqartarnermi ilusiliinissamut tunngaviatigut periaasissat kiisalu pitsaassusiliigallartarnermi piumasaqaatit taamatullu aamma neqerooruteqarnermi pappiaqqat imassaannut malittarisassat.

Imm. 1-imut

Aalajangersakkami inatsisitigut naqissuserneqarpoq nalunaarut pioreersoq tunngavigalugu isumaqtiginninniarnertalimmik neqeroorutinut tunngaviatigut periaasissat.

Neqeroortitseriaatsip taassuma atorneratigut pitsaassusiliigallartitsinermik pisisussaq siullermeertumik neqeroortitseqqaassaaq, imaappoq inatsisitigut iluarsisamik suliassamut tunngatillugu suliffeqarfiiq pitsaanerpaat pisisussamit toqqartuissaq.

Pitsaassusiliigallarnissamut kinaluunniit qinnuteqaateqarsinnaavoq, kisiannili suliffeqarfiiq pisisussap pitsaassusiliigallartissimasai ilagalugit pisisussaq aallarnersaataasumik taamaallaat isumaqtiginniniarsinnaavoq.

§ 21-p imarai pitsaassusiliigallarnissap qanoq ilillugu ingerlanneqartarnissaa pillugu malittarisassat erseqqinnerusut. Suliffeqarfiiit sorliit neqerooruteqarsinnaatitaasut toqqarneqarnissaat eqqarsaatigalugu niuernermi peqataasut akornanni killeqanngitsumik paasiuminartumillu unammillertoqarnissaat pitsaassusiliigallartitsinikkut qulakkeerneqassaaq.

#### Imm. 2-mut

Suliffeqarfinnut salliutitanut neqeroortitsinermi pappiaqqat tamakkiisut tunniunnissaannut pisisussaq taamaallaat pisussaaffeqarpoq. Pisisussap aammattaaq toqqarsinnaavaa neqeroortitsisarneq pillugu nalunaarut malillugu neqeroortitsinermi pappiaqqat tamakkiisut ilaannaalluunni ataatsikkoortillugit tamanut ammasumik saqqummiutissallugit. Tamanna iluaqtissartaqarsinnaavoq pissutigalugu niuernermi peqataasut taamaalillutik neqerooruteqartitsinerup aallartinnerani neqerooruteqartitsineq pineqartoq pillugu paasissutissat naammaginartut pissarsiarisussaagamikkit. Taamaalilluni suliffeqarfiiit neqeroorummik kissaateqartussaanngitsutut kingusinnerusukkut ertussat pisariaqanngitsumik salliutitaajunnaarnissaat pinngitsoortinnejqarsinnaavoq.

#### Imm. 3-mut

Tamatuma kingorna isumaqatigiinniarfiusumik neqeroorutip imarissavaa isumaqatigiinniarnerup ingerlanera. Isumaqatiginninniarnertaa imatut paasineqassaaq neqeroortitsineq paasiuminaannerulissalluni piukkunnanginnerulissallunilu tamanut ammasumik neqeroortitsinermiit aamma killilimmik neqeroortitsinermiit assigiimmik pinninnissap qulakkeerneqarnissaat. Taamaattumik pisiniap neqeroortitseriaatsit taakku marluk arlaat ataaseq tamatigut toqqassavaa nalunaarut pioreersoq tunngavigalugu isumaqatigiinniarfiusumik neqeroortitsinermiit, tassani pissutsit immikkut ittut atuutissanngippata, takuuk § 15, imm. 4.

Tassunga pissutaavoq isumaqatiginninniarnerup ingerlarngata pissusia pissutaalluni tamakkiisumik takunnissinnaaneq ajornakusuulersinnaammat, tassani ilanngullugit pisiniamut namminermut, suliffeqarfiiit salliutitat naligiissumik pineqarnissaat pisisussap isumagisinnaaneraa. Tamanna pissuteqarpoq isumaqatiginninniarnermi tunngavik ataatsimut isigalugu neqeroorummiit neqeroorummut tamatigut assigiinngittartussaammat taamaalillunilu pisisussap isumaqatiginninniarneri neqerooruteqartullu akissutai taamaalilluni taamaanneratut pisarneq malillugu apeqquutanerpaalissammata imaluunniit neqerooruteqartumiit neqerooruteqartumut assigiittariaqalissammata. Aamma isumaqatiginninniarnerit imaat tunngavimmikkut isertuussaassarput. Pissutsit taaneqartut pissutigalugit neqeroortitsineq oqaatigineqartutut paasiuminaannerulissaaq piukkunnanginnerulissallunilu naligiissumik pinninnissap qulakkeerneqarnissaanut tamanut ammasumik neqeroortitsininingarnit aamma killilimmik neqeroortitsininingarnit.

Nalunaarut pioreersoq tunngavigalugu isumaqatigiinniarfiusumik neqeroorut tamanut ammasumik neqeroortitsinermiit aamma killilimmik neqeroortitsinermiit sivisunerusumik

ingerlanneqassaaq, pissutigalugu pisiniartup isumagisariaqassammagu pitsaassusiliigallartitsinermik neqeroortitsineq kingornalu ataatsimik arlalinnilluunniit isumaqatiginninniarnissat inaarutaasumik neqeroorutit tunniunneqartinnagit.

#### Imm. 4-mut

Aalajangersakkami naqissusilerneqarpoq nalunaarut pioreersoq tunngavigalugu isumaqatiginninniarfioresumik neqeroortitsinissaq pisisussap qaqugu toqqarsinnaassaneraa. Allattukkat tamakkiisuupput.

Nr. 1 malillugu nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atortariaqassavaa, aaqqiissutissat tigussaareersut pisisussap pisariaqartitaanut naleqqussaqaarnagitt akuerineqarsinnaassappata. Assersuutigalugu tassaasinnaavoq it-kkut aaqqiissutissat pioreersut pisisussap periaatsitigut atugassai, paasissutissat allangngortinngikkaluarlugit periaatsimut allamut nuunneqarnissaat, it-kkut periaatsit allat akuutilersinnissaat naleqqussarneqassammata.

Nr. 2 malillugu neqeroorummi ilusilersuutit imaluunniit nutaaliatut aaqqiissutissat neqeroorummi ilanngunneqassappata nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atorsinnaavaa. Tamanna naammappoq neqeroorummi pingaarutilittut ilusilersuutit imaluunniit nutaaliornikkut aaqqiissutissat pineqarpata. Taamaalilluni neqeroorut tamarmiusoq atussallugu pisariaqarnavianngilaq.

Nutaaliornikkut aaqqiissutissat assersuutigalugit tassaasinnaapput aaqqiissutissat nioqqtissap, sullissinerup ingerlatsinerulluunniit annertuumik nutaaliornikkut pitsangorsarneqarsimanerat. Ilusilersuutitigut aaqqiissutissat assersuutigalugit tassaasinnaapput kusanartuliat teknikkulluunniit ilusiliussat. Taamaalilluni nioqqtissiap kusanassusia atorluarsinnaassusialu, tassunga ilanngullugit atuisussanut atoruminassusiat, pisiassap atortortaasa toqqagaanerat, atasinnaassusia il. il. ilanngunneqarsinnaapput.

Nr. 3 malillugu nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atorsinnaavaa neqeroortitsinermi teknikkut nassuaatit imaluunniit piumasaqaatit aammattaarlu taakkua tunniunnissaannut atugassarititaasut neqeroorummi naammaginartumik eqqortuitinnissaat aalajangerneqarsinnaanngippata. Assersuutigalugu tamanna pisinnaavoq assigiiarinissat il.il. innersuussutigalugit piumasaqaatit atugassarititlluunniit naammaginartumik eqqortitassat aalajangerneqarsinnaanngippata.

Nr. 1-3-mut ataatsimoorussaq unaavoq uani pingaaruteqarmat aaqqiissutissat siunnersummik neqerooruteqartoq saqqummiussisussaammat. Neqeroorummi piumasaqaatit

tamaasa pisisussap siumoortumik paasiuminartumillu aalajangersoreersimappagit isumaqatigiinniarfiusumik neqerooruteqarnissaq tunngavissaarutissaq.

Nr. 4 nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atortariaqassavaa, tamanut ammasumik killilimmilluunniit neqerooruteqarnermut atatillugu neqeroorutit naammaginanngitsut imaluunniit pitsaassusiliigallarnissamik qinnuteqaatit akuerineqarsinnaanngitsut taamaallaat tunniunneqarsimappata. Taakkununnga nassuaatit naleqquttut § 4, imm. 6-7-im i atuarneqarsinnaapput.

Pisumi tessani nalunaarut pioreersoq tunngavigalugu isumaqatigiinniarfiusumik neqerooruteqarneq taamaalilluni allatut ajornartumik aaqqiinertut isigineqassaaq neqeroorummi peqataanissaq pillugu killeqanngitsumik unammilleqatigiinnissap pilersinnissaanut aallaqqaammut misiliisimaneq pisisussap atorsinnaasimappagu.

Nr. 5 malillugu nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atorsinnaavaa, pisariiniagaq 1 million kronit inorlugit naleqarpat. Nakorsaqarfimmi atortunik taakkununngalu atasutut atortunik pisiortornerit tassaapput immikkut ittutut inuiaqatigiinnut tunngasutut iluseqartoq, § 2, imm. 2-mullu oqaaseqaatit innersuussutigineqarput.

Pisinermi najoqquassap taassuma nr. 1, 2, 3 imaluunniit 4-mi pineqartut kisiisa naammassisimappagit nalunaarut pioreersoq tunngavigalugu isumaqatigiinniarfiusumik neqerooruteqarnissaq taamaallaat piumaneqarnerusinnaavoq, isumaqatigiinniarsinnaatitaaneq iluanaarnarnerussappat isumaqatiginnniarnissamut pisariusumut sanilliullugu. Pisisussap tamatigut isumaliutigisassavaa tamanut ammasumik neqeroorut imaluunniit killilimmik neqeroorut pissusissamisoornerunersoq.

#### Imm. 5-imut

Nalunaarut pioreersoq tunngavigalugu isumaqatigiinniarfiusumik neqerooruteqarnissaq pisisussap atussappagu, neqerooruteqarnissaq pillugu nalunaarutip tamanut ammasumik saqqummiunneqarnissaa aalajangersagaq malillugu pisisussaq imm. 2-mi piumasaqaatitigut taaneqartut ataaseq arlallilluunniit naammassineqarsimanerannut uppernarsaatitut tunngavilersukkamik pisisussaq nassuaasiussaaq.

Uani siunertarineqarpoq neqeroorutip inatsisit malillugit pisimanerata uppernarsaaserneqarnissaa.

Pisinermi imm. 4, nr. 5-im taamaallaat ilanngunneqarsimappata pisisup nassuiartariaqassavaa soq tamanut ammasumik neqeroorut imaluunniit killilimmik neqeroorut toqqarneqarsimanersoq imaluunniit toqqarneqarsimannginnersoq.

Imm. 6-imut

Aalajangersakkami naqissuserneqarput nalunaarut pioreersoq tunngavigalugu isumaqatigiinniarfiusumik neqerooruteqarnermi neqeroortitsineq pillugu nalunaarutip imassaanut malittarisassat. Uani piumasaqaatit minnerpaaffissaat pineqarput.

§ 13, imm. 2-mut nassuaatit taamaaqataanik malinnejassapput.

Imm. 7-imut

Aalajangersakkami naqissuserneqarput nalunaarut pioreersoq tunngavigalugu isumaqatigiinniarfiusumik neqerooruteqarnermi pitsaassusiliigallarnissamut piumasaqaatit imassaannut malittarisassat. Uani pineqarput piumasaqaatit minnerpaaffissaat.

Paasissutissat neqeroortitsineq pillugu nalunaarummi taaneqartut pisisussap pisussaaffigingilai pitsaassusiliigallarnermi piumasaqaatinu uteqqinnissaannut, tamannali aamma inerteqqutaangkikaluarpoq. Tamakkiinerusumik takunnissinnaanissaq eqqarsaatigalugu arlalippassuartigut pissusissamisoorsinnaavoq neqerooruteqartitsisarneq pillugu nalunaarummi paasissutissat uteqqinnejarnissaat.

Imm. 8-mut

Aalajangersakkami naqissuserneqarpoq suliffeqarfiiit sallititaasut tamarmik neqeroortitsinermi piumasaqaatinut isersinnaanissaat aamma neqeroortitsinermi pappiaqqanut allanut peqatigitillugu isersinnaanissaat. Tassani assigimmik pinninnissamik periaaseqarnissaq eqqarsaatigineqarpoq.

Imm. 9-mut

Aalajangersakkami naqissuserneqarput nalunaarut pioreersoq tunngavigalugu isumaqatigiinniarfiusumik neqerooruteqarnermi pitsaassusiliigallarnissamut piumasaqaatit imassaannut malittarisassat. Uani pineqarput piumasaqaatit minnerpaaffissaat.

§ 13, imm. 3-mut nassuaatit taamaaqataanik malinnejassapput.

*§ 16-imut*

Aalajangersakkami pineqarput nalunaarut pioreersoq tunngavigalugu isumaqatigiinniarfiusumik neqerooruteqarnissamut tunngaviusumik periaasissat kiisalu neqerooruteqarnermi pappiaqqat imassaannut malittarisassat.

Imm. 1-imut

Aalajangersakkami inatsisitigut naqissuserneqarpoq nalunaarut pioreersoq tunngaviginagu isumaqatigiinniarfiusumik neqerooruteqarnissamut tunngaviusumik periaasissat. Neqerooruteqartitseriaatsimi tessani pisisussaq pisussaatneqanngilaq neqerooruteqartarneq

pillugu nalunaarut aqqutigalugu neqeroorutiginiaakkap tamanut ammasumik saqqummiunnissaanut. Tamatumunnga taarsiullugu suliffeqarfimmut ataatsimut arlalinnilluunniit pisisussaq taamaallaat toqqaannartumik saaffiginnissaaq pisiariniakkap tunniunneqarnissaa pillugu aallarnerersaataasumik isumaqatiginninniarnissaq siunertaralugu.

Pitsaassusiliigallartoqassangilaq pisisussap suliffeqarfifiit isumaqatigiinniarfigerusutai imaaliallaannaq toqqarsinnaagamigit.

Tamassuma isumaqatigiinniarfiginissaa pisisussallu suliffeqarfinnik imaaliallaannarluni toqqartuisinnaanera imatut paasineqassaaq, neqerooruteqariaatsini allaniit assigiimmik pinninnissap qulakteernissaanut paasiuminaannginnerulaalissammata piukkunnannginnerulaalerlutilu. Taamaattumik nalunaarummik tunngaveqareernani isumaqatigiinniarfiusumik neqerooruteqartitseriaatsit allat ilaat ataaseq pisisussap tamatigut toqqartassavaa, pissutsit immikkut ittut atuutissanngippata, takuuk § 16, imm. 2.

Paasiuminartuunissap assigiimmillu pinninnissap qulakteernissaanut isumaqatiginninniarnerup ingerlanneqarnerani pissutsit pissutaasartut pillugit takukkit § 17, imm. 1-imut nassuaatit.

Imm. 2-mut

Nalunaarut siumoortumik tunngaviginagu isumaqatigiinniarfioereersumik neqeroortitsinermi ilusissaq pisisussap toqqaasariaqarnissaanut pissutsit immikkut ittut aalajangersakkami tulleriaarlugit allattorneqarput. Allattugaq tamakkiisuuvoq, aalajangersakkallu atorneqarsinnaaffianut pisut immikkoortitertut tallimat tassani pineqarput. Pisut nr. 1-5-imut tulleriaarneqarput, tunngavigisanilu ataatsimik naapertuutsitsineq neqeroortitseriaatsip atornissaanut naammappoq.

Nr.1 malillugu nalunaarummik tunngaveqarnani isumaqatigiinniarfiusumik neqeroortitsarneq pisisussap atortariaqassavaa tamanut ammasumik imaluunniit killilimmik neqeroortitsinermi neqeroorutit akuerineqarsinnaanngitsut imaluunniit pitsaassusiliigallarnissaq pillugu qinnuteqaatit akuerineqarsinnaanngitsut kisimik tunniunneqarsimappata. Nassuaatit taakkununnga tungasut § 4, imm. 6-7-imi atuarneqarsinnaapput.

Aalajangersakkap malinnissaani piumasaqaataavoq suliffeqarfifiit tamarmik pitsaassusiliigallarnissaq pillugu qinnuteqaateqarsimasut imaluunniit neqeroorummk tunniussisimasut aamma § 18, imm. 1-imi ilaatisinnginnissamik tunngavissat taaneqareersut pineqartillugit, taaku isumaqatiginninniarnerni peqataaqquullugit aggersarneqassapput. Aammattaaq tassani piumasaqaataavoq neqeroortitsinermi atortussani tunngaviusumik pineqartut allannguuteqartinnginnissaat. Tunngaviusumik pineqartut pillugit oqariaaseq pillugu § 8-mut nassuaatini takuuk.

Nr. 1 naapertorlugu pisoqartillugu nalunaarummik tunngaveqarani isumaqatigiinniarfiusumik neqerooruteqartitsineq taamaalilluni tassaalerpoq ajornartorsiornermi aaqqiissutitut isigineqarsinnaasoq neqerooruteqartitsinermermi peqataasut pillugit killeqanngitsumik unammillersinnaanissap pilersinnissaanut siullermeersumik misiliinerup kingorna pisisussap atorsinnaasaa.

Nr. 2 nalunaarummik tunngaveqarani isumaqatigiinniarfiusumik neqeroortitsisarneq pisisussap atortariaqassavaa, pisiffigisartakkamit siusinnerusukkut atortarsimasamit tapertaasumik pisiassat uani pineqassappata aamma pisifarlik allamik taarserneqartillugu tamatuma kingunerissavaa naleqqutinngitsumik annertuunik aningaasartuuteqarnerulerneq, periaatsitigut ataatsimoortitsisinnaajunnaarneq imaluunniit ingerlatsinermeri aserfallatsaaliinermilu teknikkut naleqqutinngitsumik annertussusilinnik ajornakusuulerneq.

Aningaasartuuteqarnerulererit imaluunniit periaatsitigut ajornartorsiortitsinerit naleqqutinngitsumik annertussuseqartutut isigineqartariaqarnerat nalinerneqassaaq niuernermi peqataasut akornanni killeqanngitsumik unammillersinnaatitaanermut naleqqiullugu. Uani pineqarpoq oqimaalutaanissaq pisisussap ingerlattariaqagaa.

Neqeroortitsinermut atatillugu aningaasartuutit aalajangersakkami pineqanngillat.

Nr. 3 malillugu nalunaarut tunngaviginagu isumaqatigiinniarfiusumik neqerooruteqartitsinissaq pisisussap atortariaqarpaa pisiariniakkami pilersuisuusoq ataasiinnaasimappat. Uanili pingaaruteqarpoq niuernermi allanik pilersuisoqarnersoq. Uani una pineqarpoq niuerneq tamaat ataatsimut isigalugu taamaalillunilu suliffeqarfiiit nunaqvassisunit ingerlanneqartut kisimik pineqannginnissaat. Nioqqutissap pilersuutiginissaanut pilersuisoq aalajangersimasoq ataaseq piukkunnarnerpaatut kisimi pisussamit isigineqarnissaa naammanngilaq.

Nr. 4 malillugu nalunaarut tunngaviginagu isumaqatigiinniarfiusumik neqerooruteqartitsinissaq pisisussap atortariaqarpaa, pisut pisisussap siumut isigisinnaanngisaasa kingunerisaanik allatut ajornartumik pissutissaqartumik kingusinnerpaamik ulluliussat maleqqissaarnissaat pisinnaanngippat uani eqqarsaatigalugit tamanut ammasumik neqeroortitsisarneq, killilimmik neqeroortitsisarneq imaluunniit nalunaarut tunngaviginagu isumaqatigiinniarfiooreersumik neqeroortitsineq. Assersuutigalugu inuit inuunerat peqqissusaallu mianerinissaat eqqarsaatigalugu pinngortitap piliaanik ajunaarnersuaqartillugu massakkorluinnaq iliuuseqarnissaq pisariaqalersimappat.

Malittarisassaaq naapertorlugu isumaqatigiissut pilersinneqarpat piumasaqaataavoq pisarialiinnaat killigtilissallugit. Isumaqatigiissut agguataarneqarsinnaassappat taakku ilaat allatut ajornartumik pissutissaqartitsisut taakku kisimik aalajangersakkami pineqassapput tamatumalu ilai allat neqerooruteqartitseraatsit sinneri malillugit neqeroorutigineqassallutik.

Allatut ajornartumik patsisisssat pineqartariaqarnersut nalilersorneranni ajoqusiinerup pilersinnaasup suussusia annertussusialu nalilersorneqassapput, aamma neqeroortitseriaatsip atorneqannginneratigut ajutoorsinnaaneq ilumut pisimappat. Allatut ajornartumik patsisaasut pisisussamit siumut oqaatigisinnaanngisai pillugit piumasaqaateqarneq imaalillugu paasineqassaaq pisoq taanna pisisussap siumut naatsorsuutigisariaqanngikkaa. Pissutsit allatut ajornartumik patsisaasariaqarnerat ilungersunartumik oqaatigineqarpata tamanna sutigulluunniit pisisussamut akisussaaffigitinnejassanngilaq.

Nr. 5 malillugu nalunaarummik tunngaveqarani isumaqatigiinniarfioreersumik neqeroortitsinissaq pisisussap atortariaqassavaa pisiariniagaq 1 million kronit inorlugit naleqarpat. Nakorsaqarfimmi atortunik taakkununngalu atasutut atortunik pisiortornerit tassaapput immikkut ittutut inuiaqatigiinnut tunngasutut iluseqartoq, § 2, imm. 2-mullu oqaaseqaatit innersuussutigineqarput.

Nr. 1, 2, 3 imaluunniit 4-mi najoqqutassaq taanna pineqanngikkaluartoq pisinermi kisimiitillugu naammassineqarpat nalunaarummik tunngaveqarnani isumaqatigiinniarfioreersumik neqerooruteqartitsineq aammattaaq qaqtigoortumik saliutinneqartariaqarpoq killeqanngitsumik unammillersinnaatitaanermit peqataasinnaannginnej pissutigalugu. Taama pisoqartillugu pisiniap tamatigut isumaliutigisariaqarpaa neqerooruteqartitseriaatsit allat ilaat ataaseq piissusissamisornerunersoq isumaliutigissallugu niuermermi peqataasut naligiissumik pineqarnissaat, paasiuminartuliornissaq kiisalu neqerooruteqartitsinermi unammillersinnaanerup annerpaatinissaa eqqarsaatigalugu, takukkit §§ 1 aamm 6.

#### Imm. 3-mut

Nalunaarut tunngaviginagu isumaqatigiinniarfiusumik pisisussaq neqerooruteqartitsissappat, aalajangersagaq malillugu suliffeqarfiit pisisussap toqqarsimasaanut saaffiginnissuteqannginnermi imm. 2-mi piumasaqaatit taaneqartut ataaseq arlallilluunniit naammassineqarsimanerannut upternarsaammik tunngavilersukkamillu nalunaarusiussaaq.

Uani neqeroorutip inatsisinik unioqqutitsisuunnginnerata upternarsarneqarnissaa siunertarineqarpoq.

Imm. 2, nr. 5-impi pineqartut kisiisa pisiarineqartussaattilugit neqeroortitseriaatsit allat sooq toqqarneqarsimannginnerat pillugu pisiniartoq nassuiaasiortariaqarpoq.

#### Imm. 4-mut

Aalajangersakkami naqissuserneqarpoq neqeroorut immikkoortoq 2, nr. 4 imaluunniit nr. 5-impi inatsisitigut tunngavissallit kisiisa neqeroorutigineqassappata suliffeqarfiit ikinnerpaamik 2-t isumaqatiginninniarerni peqataanissaannut pisisussap aggersassavai. Tassani

unammillernissap ilaatigut annikitsuutinnissaa siunertarineqarpoq, neqeroortitseriaatsip taassuma atorneqarneratigut tamanna ajornassanngippat.

Tamatumunnga peqatigitillugu imm. 2, nr. 1, 2 imaluunniit 3-mi inatsisinik neqeroorut tunngaveqartinneqassappat aalajangersagaq malinnejassanngilaq, taama pisoqartillugu pissutsit allat atuuttarmata.

#### Imm. 5-imut

Aalajangersakkami naqissuserneqarpoq suliffeqarfiiit taakku isumaqatiginninniarnissanut pisissup aggersarsimasai tamarmik ataatsikkut neqeroortitsinermi piumasaqaatinut aamma neqeroortitsinermi pappiaraatinut allanut isersinnaassasut. Tassani assigiimmik pinninnissamik periaaseqarnissaq eqqarsaatigineqarpoq.

#### Imm. 6-imut

Aalajangersakkami naqissuserneqarput nalunaarummik tunngaveqarani isumaqatigiinniarfioereersumik neqeroortitsinermi piumasaqaatit imassaanut malittarisassat. Uani piumasaqaatit minnerpaaffissaat pineqarpoq.

§ 13, imm. 3-mut nassuaatit taamaaqataanik malinnejassapput.

#### Imm. 7-imut

Aalajangersakkami naqissuserneqarput neqeroortitsinermut piumasaqaatit imassaannut malittarisassat, takuuk imm. 6, malinnejassanngilaq neqeroorut imm. 2, nr. 2 imaluunniit nr. 3-mi inatsisitigut tunngavissat malillugit ingerlanneqassappat. Taamatuummi pisoqartillugu suliffeqarfik ataasiinnaq isumaqatiginninniarnissamut aggersarneqarpat taava unammillertoqarsimanaviangilaq, taamaalluni neqeroorummi piumasaqaatit najoqqutassallu pillugit paassisutissanut tunngatillugit suliffeqarfiiit arlariit assigiimmik pineqarnissaat pisariaqarnavianngimmat.

### § 17-imut

Aalajangersakkami naqissuserneqarput agguassinermi najoqqutassat aamma najoqqutassat pingaannginnerit sorliit pisissup neqerooruteqartitsinermi atorsinnaasanerai, siunnersuut naapertorlugu ingerlanneqartussat eqqarsaatigalugit. Aammattaaq aalajangersakkami naqissuserneqarpoq najoqqutassat pingaannginnerit qanoq iliorluni neqeroorummk naliliinissamut ilanngunneqassanersut.

#### Imm. 1-imut

Aalajangersagaq naapertorlugu neqerooruteqartitsinerni tamani siunnersuut naapertorlugu ingerlanneqartussani neqeroortitsinermi aningaasatigut iluaqutaanerpaasussamik tunniussaqartumut isumaqatigiissuteqarnissaq tunniunneqassaaq. Aningaasaqarnikkut

neqeroorut iluaqutaanerpaasussaq nassaariniarlugu pisisussap tunniussinissamut najoqqutassami "aki appasinnerpaaq", "aninggaasartutissat appasinnerpaat" imaluunniit "akip pitsaassusissallu akornanni pissutsit pitsaanerpaat" atussavai.

Taamaalilluni tunniussinissamut najoqqutassat taakku pingasut tunngavigalugit neqeroorummik naliliinissami neqerooruteqartuni ajugaasussap nassaarinissaanut inatsisitigut tunngavissaq inatsisinik unioqqutitsinerunngitsoq kisiartaassaaq. Tunniussinissamut najoqqutassat aammattaaq imm. 2-4-mi nassuiarneqarput.

Imm. 2-mut

Tunniussinermi najoqqutassaq "aki appasinnerpaaq"-p atorneqarnerani pisiassap pissarsiariniarnerani aki tamarmiusoq taamaallaat pisisussap pingaartissavaa. Pisisussap taamaalilluni aninggaasartuutit allat pingaartissanngilai, assersuutigalugu aninggaasartuutit toqqaannartut toqqaannartuuunngitsullu imaluunniit pisiassap pitsaassusia.

Taamaattumik najoqqutassaq "aki appasinnerpaaq"-mi pisiassat pisariunngitsut pisiarinissaanni atussallugu pissusissamisornerusarpooq, neqeroorummi atortussani pisiassap pitsaassusissaa tamakkiisumik aalajangerneqarsimappat.

Imm. 3-mut

Tunniussinissamut najoqqutassap "aninggaasartuutit appasinnerpaat"-tip atorneqarnerani pisiarinerani akigititap saniatigut aninggaasartuuteqariaatsit tamaasa pisisussap ilannguttariaqarpai.

Assersuutigalugu ilanngunneqarsinnaapput aninggaasartuutit tamarmiusut, tassani ilanngullugit pisineremi aki, ingerlatsineremi aninggaasartuutit aamma igitsinissami nalinga. Pisisussap aammattaaq toqqaannartumik toqqaannanngitsumilluunniit aninggaasartuutit, aninggaasartuutit tamarmiusut saniatigut aninggaasartuutigisassaa piffissap atuiffiusussap avataani inissisimasut ilanngussinnaavai kiisalu aninggaasartuutit toqqaannartuuunngitsut assersuutigalugu silap pissusianit sunnerneqarsimasut, avatangiisitigut artukkerneqarsimasut.

Neqeroorutit atortussaani pisisussap nassuaatigissavai neqeroorutip nalilerneqarnissaani aninggaasartuutit sorliit ilanngunneqassanersut.

Pisiassap pitsaassusissaa pisisussap pingarnerutissanngilaa. Taamaattumik najoqqutassaq "aninggaasartuutit annikinnerpaat" taamaallaat naleqquttuusinnaapput pigiligassat neqeroorummi atortussani pitsaassusii tamakkiisumik aalajangerneqarsimasut atussappagit.

Imm. 4-mut

Tunniussinissami najoqqutassap "akip pitsaassutsillu akornanni pissutsit pitsaanerpaat" atorneqassatillugit aninggaasartutissat saniatigut najoqqutassani pingaannginnerusuni

pitsaassusissap pisisussap pingaartittariaqarpai. Aalajangersakkami nr. 1-4-mi assersuutissat ilaat tamakkiisuunngitsut allattorneqarsimapput. Aningaasartuutit pillugit takukkit imm. 3-mi nassuaatit.

Najoqqutassaq ”akip pitsaassutsillu akornanni pissutsit pitsaanerpaat” pisisussap tamatigut akinit aningaasartuutinillu uuttortaatissat allat neqerooruteqartunut pisisussap unammillissutigitinniarpagit, assersuutigalugu pisiassap pitsaassusissaa.

Akit/ningaasartuutit aalajangersimasumik tunngaviginissaat pisisussap toqqarsinnaavaa, taamaalilluni pitsaassusissatigut najoqqutassat pingaannginnerit kisiisa unammissutaaqquullugit.

#### Imm. 5-imut

Aalajangersakkami naqissuserneqarput najoqqutassat pingaannginnerit imm. 4 naapertorlugu pisisussap aalajangiussimasai tassaassammata pisiassaq kiisalu imarisat oqimaalutaanissallu naapertuunnissaat, paasiuminartuunissaat aammalu neqeroorutip ajugaasup suussusersinissaannut piukkunnartuunissaat.

Najoqqutassat pingaannginnerusut tamarmik oqimaalutarneqassapput.

Tassani siunertarineqarpoq paasiuminartuunissaq aamma naliliinissami tunngavissat suliamik paasisimasaqarnissamut naleqquttuunissaat.

Najoqqutassat pingaannginnerit suulluunniit pisiassamut tunngatinneqassapput. Taamaalilluni najoqqutassat pingaannginnerit suliffeqarfimmi neqerooruteqartumi pissutsinut allanut piumasaqaatitaqarsinnaangillat, pisiassamut toqqaannartumik tunngassuteqartunut.

Assersuutigalugu suliffeqarfimmi neqerooruteqartumi sulisut amerlassusaat imaluunniit kaaviiartitat pisisussap pingarnerutissanngilai, taakkumi pissutsit pisiassamut namminermut attuumassuteqanngimmata. Akerlianilli najoqqutassaq pingaannginnerusoq sulisunut pisiassamut atatillugu pisumi tessani suliap ingerlannissaanut qassiussusiinut, pitsaassusiinut aamma misilittagaanut tunngasut pisisussap najoqqutarisinnaavai.

#### Imm. 6-imut

Najoqqutassat pingaannginnerit atornissaannut atatillugu najoqqutassat ilaat immikkoortut atussallugit pisisussaq periarfissaqanngilaq. Najoqqutassat immikkoortuisa ilaat tassaapput najoqqutassat immikkuualuttortalersukkat najoqqutassat pingaannginnerit ataasiakkaat qanoq ilillugit neqeroorumi nalilersuutiginissaannut tunngaviliisuuusut. Assersuutigalugu najoqqutassaq pingaannginnerusoq ataaseq najoqqutassaasup ilaanut arlalinnut attuumassuteqarsinnaavoq, taakkulu tamarmik ataatsimoorlutik tunngaviusinnaapput susassaqarfimmi tessani neqeroorutigineqartut qanoq ilillugit nalilersornissaannut.

Najoqqutassami pingaannginnerusumi tassanerpiaq najoqqutassat immikkoortuinut allanut

sanilliullugit najoqqutassap immikkoortua immikkut ittumik annertuumik imaluunniit immikkut ittumik annikitsumik pingaaruteqarpat tamanna neqeroorutit atortussaanni allanneqassaaq.

#### Imm. 7-imut

Aalajangersakkami naqissuserneqarpoq pisisussaq neqeroorummik naliliinissamini pisussaatitaammat najoqqutassat pingaannginnerit tamaasa ilanggutitinnissaannut, imm. 4 naapertorlugu pisisussap aalajangiussimasaanut. Tamanna aammattaaq pissaaq najoqqutassat pingaannginnerit akunnerminni oqimalutarneqarnerannut tamakkiisumik naapertuuttuunissaat, imm. 5 naapertorlugu pisisussap aalajangiussimasaanut.

Neqeroortitsisarnermut nalunaarummi imaluunniit neqeroortitsisarnermut piumasaqaatini pisisussap aalajangersorsimasaanit najoqqutassat pingaannginnerit allat pisisussap pingarnerutissanngilai. Aamma nalunaarneqarsimasumiit oqimalutaanissaq alla pisisussap atorsinnaanngilaa.

Tassani siunertarineqarpoq neqeroortitsinerup nalilerneqarnerani aamma neqerooruteqartut assigiimmik pineqarnissaanni paasuminartuliornissaq.

#### *§ 18-imut*

Aalajangersakkami naqissuserneqarput pinngitsalisamik peqataatitsinnginnissamut patsisissat. Peqataatitsinnginnissamut patsisissat taakku peqataaffiginnginnissaannut pisiniartoq toqqaasinnaanngilaq. Taakku neqeroortitsinerni siunnersuut naapertorlugu ingerlanneqartuni tamani malinneqassapput.

Qinnuteqaateqartutut neqerooruteqartutulluunniit pinngitsaalisaasumik peqataatitsinnginnissamut patsisit ilaannit ataatsimut akuutitaagaanni, neqeroorummi peqataanissaq anguneqarsinnaanngilaq.

Assersuutigalugu neriorsuisitsinermi qinnuteqaateqartoq neqerooruteqartorluunniit pinngitsaalisaasumik peqataatinneqarnissamut patsisinit ilaatinneqannginneq uppernarsarlugu saqqummiussimappagu, tamanna saniatigut misissussallugu pisiniartoq tunngaviatigut pisussaaffeqanngilaq. Kisianni pinngitsalisamik peqataatinneqannginnissamut patsit atuutsinneqarnersoq pisiniap nalornissuteqarfifilissappagu, atortinneqarpat atortinneqanngikkaluarlpalluuniit, tamatuma kingunissalimmik ingerlannissaanut pisiniaq pisussaaffeqarpoq, assersuutigalugu qinnuteqaateqartup neqerooruteqartulluunniit tamatuminnga saniatigut uppernarsaasiinissa piumasaqaatigineqarpat.

Kalaallit Nunaanni eqqartuussivinni aalajangiinerit kisimik aalajangersakkami pineqanngillat. Nunami allami eqqartuussivimmi aalajangiineq qinnuteqaateqartup neqerooruteqartulluunniit peqataatinnginnissaanut aamma pisussaaffiliisuuvvoq.

## § 19-imut

Aalajangersakkami naqissuserneqarpoq peqataatinneqannginnissamut patsisissat nammineq piuressutsimik aalajangerneqarsinnaasut. Pisiniartup neqeroorutinut ataasiakkaanut tamanut tunngatillugu aalajangiisinnaavoq, peqataatinneqannginnissamik patsisissat taakku malinneqassanngitsut.

Assersuutigalugu neriorsuinermik uppermarsaat qinnuteqaateqartup neqerooruteqartulluunniit nassuerutigisimappagit nammineq peqataatinneqannginnissamut patsisinut ilaatinneqannginnini, tamatuma saniatigut misissornissaanut pisissusaq tunngaviatigut pisussaaffeqanngilaq. Pinngitsaalismik peqataannginnissamut patsisit atuutsissanersut pisiniartup aammattaaq nalornissutigippagu, tamatuma kingunissalimmik ingerlannissaanut pisiniartoq pisussaaffeqarpoq, assersuutigalugu qinnuteqaateqartup neqerooruteqartulluunniit tamatuminnga saniatigut uppermarsaasiinissa piumasaqaatigineqarpat.

Neqeroortitsinissamut kingusinnerpaamik killiliussap naareernerani tamatumaluunniit kingornatigut patsisissat taakku atuuppata aamma qinnuteqaateqarnissamut kingusinnerpaamik killiliussap naareerneratigut tamatumaluunniit kingorna pitsaassusiliigallarnertalimmik neqeroortitsinermi taakku atuuppata pissutsit peqataatitsinnginnissamut patsisaasuni ilaatinneqarsimasut malissallugit naleqquttuussapput.

Imm. 1-imut

Nr. 1 malillugu neqeroortitsinerup ingerlanneqarneranit suliffeqarfik pisiniartup peqataatinngitsoortissinnaavaa, suliffeqarfik akiliisinnaajunnaarpat, akiliisinnaajunnaartutut imaluunniit atorunnaartussatut suliarineqarpat taamaaqataanulluunniit killissimappat. Nunami suliffeqarfiup angerlarsimaffigisaani inatsisit naapertorlugit taamaaqataanik ingerlatanut neqerooruteqartoq ilaatinneqarsimappat aamma siuliani pineqartutut pineqassaaq.

Aalajangersakkami tunuliaqutaasoq unaavoq, suliffeqarfik akiliisinnaajunnaartutut nalunaarutigineqarpat imaluunniit akiliisinnaajunnaartutut atorunnaarsinneqartussatulluunniit suliarineqarpat, neqeroorutigineqartup piviusunngortinnissaanut suliffeqarfiup eqortitsisinnaannginnissaa qanittuararsuusimassaaq.

Nr. 2 malillugu neqeroortitsinermi suliffeqarfik pisiniartup ilaatinngitsoortissinnaavaa, ukiut kingullerpaat pingasut qaangiutinnginneranni inuussutissarsiu tip ingerlatami nalaani annertuunik suliffeqarfik sumiginnaasimappat, tassunga ilanngullugu pisiniartumiit imaluunniit pisortat oqartussaaffiannit isumaqatigiisummik equutitsisimanngipat, pisiniartup akuuffigisaanik imaluunniit ima annertussusilimmik peqataaffigisaani, isumaqatigiisutip pineqartup atorunnaarsinnaanik kinguneqarsimasumik.

Suliffeqarfik peqataatinneqannginnissamik patsisaasunut suliffeqarfiup patsisaasunut ilaatinneqarsimanera pillugu pisiniartoq uppernarsaanissamik nammataqartussaatitaavoq. Pisut malillugit uppernarsaanissamik nammataqartussaaneq erseqqinnerulerneqarsinnaavoq eqqartuussinertaqanngitsumik isumaqatigiissitsiniarsimaneq, misissuiffigineqarsimaneq missingersorneqarsimanerlu, uppernarsaasiineq, oqaaseqaateqarsimanerit imaluunniit sumiginnaasimanerit suliatigut qanoq issusii suliffeqarfiup kattuffigisaanit taamaaqataanik allatulluunniit uppernarsaasiinikkut tamanna ersarisisinnejarsinnaappat, tassani ilanngullugu nammineq allalluunniit misilittagaqarfigisimasaat uppernarsarneqarpata.

Suliffeqarfiutip inuussutissarsiummut ingerlatsinera sumiginnaanermik sumilluunniit tunngatinneqarnera imatut paasineqassaaq, suliffeqarfiup ingerlanneqarneranut atatillugu tamanna pisimassasoq. Tassunga tunngatillugu sumiginnaanerit annertuut assersuutigalugit tassaasinnaapput avatangiisitigut inuuniarnikkulluunniit pisussaaffiit malinneqanngitsoorsimanerat. Assersuutit allat tassaasinnaapput akileraartarnermut malittarisassanik, unammilleqatigiinnermi malittarisassanik imaluunniit piginnittussaatitaanermut malittarisassanik unioqqutitsinerit. Aammattaq tamanna tassaasinnaavoq peqataatinneqannginnissamut patsisaasinnaasumik annertuumik sumiginnaasimaneq, pisiniartup takutissinnaappagu pinngitsaaliisummik peqataatinneqannginnissamut patsisaasut § 18, imm. 1-imi pineqartut ilaannit ataatsimit suliffeqarfik pineqartunik iliuuseqarsimappat, sulili eqqartuussinikkut aalajangiiffigineqarsimanngitsunik.

Aalajangersakkamut tunuliaqut unaavoq, suliffeqarfimmit ungasippallaanngitsukkut pisisumut suliffeqarfulluunniit kattuffigisaanut isumaqatigiissummik eququutitsisimanngitsumit imaluunniit suliffeqarfiup inuussutissarsiummik ingerlatamini sumiginnaanernik annertuunik allanik iliuuseqarsimasumit neqeroorutaasut akuerinissaanut pisissusaq pinngitsaalisaanngimmat.

Nr. 3 malillugu neqeroortitsinerup ingerlanneqarneranit suliffeqarfik pisiniartup peqataatinngitsoortissinnaavaa, pisiniartup pisortalluunniit oqartussaaffiata neqeroorutaanut tunngatillugu paasissutissanik eqqunngitsunik ukiuni kingullerpaani pingasuni suliffeqarfik ilisimannikkaluarluni tunniussaqarsimappat, pisissup imaluunniit tamatumunnga ilaasup akisussaaffigisaanik. Assersuutigalugu tamanna pisissup imaalillugu takutissinnaavaa neqeroorut suliffeqarfiup paasissutissanik eqqunngitsunik tunniussaqarfigisaanit uppernarsaatnik saqqummiinikkut.

Aalajangersakkami tunuliaqutaasoq unaavoq suliffeqarfik nammineq taassumaluunniit kattuffigisaa sinnerlugu ungasinngitsukkut peqquserluttuliortutut pissusilersorsimasumit neqeroorutip akuerinissaanut pisissusaq pinngitsaalineqarsinnaanngilaq.

Nr. 4 malillugu neqeroortitsinermit suliffeqarfik pisisussap peqataatinngitsoorsinnaavaa, suliffeqarfik pisortanut 100.000 kr. sinnerlugit suli akilerneqannngitsunik akiligassaareeraluartunik akiitsoparpat. Aalajangersakkami siunertarineqarpoq pisortat oqartussaasuunut akiitsup appartinneqarnissaa akiligassallu akilerneqannngitsuukkat nutaat pinaveersaartinnissaat.

Akiitsut akilereersimasussaagaluit 100.000 kr. sinnerlugit nalillit suli akilerneqannngitsut eqartuussinikkut annertussusilernissaat imaluunniit inaarutaasumik akisussaaffiusumillu sunniutilimmik allaffissornikkut aalajangiiffiqeqarnissaat piumasaqaataanngilaq.

Aalajangersakkami aammattaaq pineqarput akiitsut akilereersimasussaagaluit suli akilerneqannngitsut kingunerisaanik erniaalersinnaasut imaluunniit akileeqqusissutaasinnaasut.

Akiitsoq taamaallaat atuussinnaavoq qinnuteqarfissatut kingusinnerpaamik killiliussap naareernerani tamatumaluunniit kingorna pitsaassusiliigallarnertalimmik neqerooruteqartitsinermi aamma neqerooruteqartitsinermut kingusinnerpaamik killiliussap naareernerani tamatumaluunniit kingorna suli akiligassaappat.

Imm. 2-mut

Imm. 2 naapertorlugu suliffeqarfik pisortanut akiitsullip peqataatinneqannginnissaa pisisussap aalajangersimappagu, takuuk imm. 1, nr. 4, pisisussap nassuerutigisinnaavaa suliffeqarfik taama ittup peqataatinneqannginnissaa pissanngitsoq, tassani pissutsit immikkut ittut atuuppata.

Nr. 1 malillugu pissutsit immikkut ittut taamaattut assersuutigalugit tassaasinnaapput neqeroortitsinermi peqataasut tamarmik imm. 1, nr. 4-mi nassuaatigineqartutut akiitsullit. Tamanna assersuutigalugu tassaalersinnaapput pisuni atuutilersinnaasut, aningaasaqarnikkut pisup kingunerisaanik suliaqarfimmi tassanerpiaq peqataasut amerlasuut pisortanut akiligassanik akileriigassaagluuanik suli akiitsoqartut.

Nr. 2 malillugu pisisussap nassuerutigisinnaavaa suliffeqarfiup imm. 1, nr. 4-mi ilanngunneqartup peqataatinneqannginnissaa pinngitsoortinniarlugu, akiitsut 100.000 kr. sinneqartut ilaat suliffeqarfiup qularnaveeqquissimappagit.

Nr. 3 malillugu pisisussap nassuerutigisinnaavaa suliffeqarfiup imm. 1, nr. 4-mi pineqartup peqataatinneqannginnissaa pinngitsoortikkusullugu, suliffeqarfik akiitsup akilersorneqarnissaa pillugu isumaqatigiissuteqarsimappat isumaqatigiissummillu malinnissimappat.

Nr. 2 naapertorlugu qularnaveeqquissineq imaluunniit nr. 3 naapertorlugu pituttorneqaataasumik aaqqissuussineq pillugu isumaqatigiissuteqarneq nr 3 pereersimassaaq

neqerooruteqarnissamik kingusinnerpaamik killiliussap naannginnerani aamma qinnuteqarnissamut kingusinnerpaamik killiliussap naannginnerani pitsaassusiliigallarnertalimmik neqerooruteqartitsinerup naannginnerani.

#### § 20-mut

Aalajangersakkami naqissuserneqarpoq piukkunnassusissamut qinnuteqaateqartut neqerooruteqartullu naammassisassaannut piumasaqaatit minnerpaaffissaat pisisussamit aalajangerneqarsinnaasoq. Minnerpaaffissamik piumasaqaatit taamaattut pisisussap aalajangersimappagit, qinnuteqaateqartut neqerooruteqartullu piumasaqaatit tamaasa naammassissavaat, taakkua neqeroorutaat ilangunneqarsinnaassappata.

Piukkunnassusissamut minnerpaaffissatut piumasaqaatit taamaattut aalajangernissaanni siunertarineqarpoq neqeroorutit pisisussap nalilersugaasa neqeroorutillu naammassinissaannut piukkunnarnerannik ajunngitsumik uuttortarnissaannut najoqqutarineqartut naapertorlugit suliffeqarfinit tunniunneqarsimasut ilaatigut pisiniamut qularnaarneqareersimanissaat.

Neqeroortitsinermi piumasaqaatini pisisussap toqqarsinnaavaa allat pisinnaasaatigut piukkunnassusissamut piumasaqaatit minnerpaaffissaannik qinnuteqaateqartut neqerooruteqartullu naammassinninnissamut tunngavigissagaat. Taama pisoqartillugu pisisussap matumunnga upternarsaanissaq piumasarisinnaavaa, tassalu taanna naammassinninnissamut tunngaveqartuusoq, qinnuteqaateqartumut neqerooruteqartumulluunniit pineqartumut taamaanneratut pisussaaffeqassasoq.

#### Imm. 1-imut

Piukkunnassutsimut piumasaqaatit minnerpaaffissaat immikkoortitikkanut pingasunut taakkununnga atuussinnaasut aalajangersakkami tulleriinnilorsorneqarput, tassalu 1) inuussutissarsiutip pineqartup ingerlatarinissaanut piukkunnassuseq, 2) aningaasaqarnikkut pisinnaassuseqarneq kiisalu 3) teknikkut suliatigullu paasisimasaqassusermik pisinnaasaqarneq.

Pisisussap piumasarisinnaanngilaa piukkunnassutsimut minnerpaaffissatut piumasaqaatinit taakkuninngarnit suussutsit allat qinnuteqaateqartunit neqerooruteqartunilluunniit naammassineqassasut.

#### Imm. 2-mut

Piukkunnassusissamut piumasaqaatit minnerpaaffissaasa taanissaanut atatillugu pisisussap aalajangersassavaa minnerpaaffissatut piumasaqaatit naammassineqarsimancerat suliffeqarfiiit qanoq iliorlutik upternarsassaneraat.

#### Imm. 3-mut

Piukkunnassutsimut minnerpaaffissatut piumasaqaatit § 7 naapertorlugu aalajangersarneqassapput. Taamaalilluni minnerpaaffissatut piumasaqaatit isumaqatigiisummi pineqartumut attuumassuteqassapput tassungalu sanilliullugu naapertuutissallutik. Tamanna aamma atuuppoq uppernarsaanissamut piumasaqarnermi.

#### Imm. 4-mut

Aalajangersakkami tulleriinnilorsorlugit assersuusiorneqarput inuussutissarsiuutip neqeroorutigineqartup ingerlannissaanut piukkunnassuseqarneq pillugu sunik minnerpaaffissatut piumasaqaateqartoqarsinnaanersoq. Aalajangersagaq tamakkerneqanngilaq.

#### Imm. 5-imut

Aalajangersakkami tulleriinnilorsorlugit assersuusiorneqarput aningaasaqarnikkut pisinnaasassat pillugit sunik minnerpaaffissatut piumasaqaateqartoqarsinnaanersoq. Aalajangersagaq tamakkerneqanngilaq.

Uppernarsaatissatut piumasaqaatigineqartup saqqummiunnissaanut suliami peqataasoq atuuttumik pissuteqarluni pisinnaanngippat, uppernarsaasiussami allani sumiluunniit aningaasaqarnikkut pisinnaassuseqarnini pineqartumi pisiniap piukkunnartutut isigisaanut uppernarsarsinnaavaa. Tamanna assersuutigalugu piukkunnarsinnaavoq suliffeqarfik aallarterlaajuppat, taamaannermigullu ukiumut qaangiuttumut naatsorsuutinik kisitsisit ilaalu ilanggullugit saqqummiussinnaanngippagit.

#### Imm. 6-imut

Aalajangersakkami assersuutit makku tulleriinnilorsorneqarput, teknikimut suliatigullu paasisimasaqassutsimut pisinnaasaqarneq pillugu minnerpaaffissatut piumasaqaatit sumut tunngatinneqassanersut. Aalajangersagaq tamakkerneqanngilaq.

#### Nr. 1-imut

Najoqutarisat amerlassusaannik annertussusaannillu pisisussaq taamaallaat pingaaartuutitsissaaq. Taamaalilluni suliassap najoqutarisap qanoq ililluni aamma iluarsiivigineqarsimanera pisisussap pingaaartuutissangilaa.

### *§ 21-mut*

Aalajangersakkami pitsaassusiliigallarnissamut piumasaqaatit aalajangersarneqarput. Aalajangersagaq taamaallaat atorsinnaavoq killilimmik neqerooruteqarnermi aamma nalunaarummik tunngaveqareernani isumaqatigiinniareernikkut neqeroorutinut, neqerooruteqartitseriaatsit allat pitsaassusiliigallarnissamik nassataqartussaanngimmata.

### Imm. 1-imut

Aalajangersakkami naqissuserneqarpoq neqerooruteqartitsinermut nalunaarummi suliffeqarfuit pitsaassusilerneqarallartussatut pisisussap naatsorsuutigisai qassiussanersut pisisussap aalajangersassavai. Taakku amerlassusissaat unammillernissaq eqqarsaatigalugu ikinnerpaamik 3-ussapput. Taakku amerlassusissaat akunnequtilersorlugit taaneqarsinnaapput.

### Imm. 2-mut

Aalajangersagaq naapertorlugu amerlassusiliussanit suliffeqarfinnik amerlanerusunik pisisussaq pitsaassusiliigallartitsisinnaanngilaq. Siullermik suliffeqarfuit peqataatitsinnginnissamik patsisiliussanit ilaatinneqartut, takuuk §§ 18-19, pisiniartup peqataatinngitsoorsinnaavai. Tulliullugu takuuk § 20, suliffeqarfuit piukkunnassusissamut minnerpaaffissatut piumasaqaatnik naammassinnngitsut pisiniartup itigartitsissutigisinnaavai. Suliffeqarfuit sinneruttut akornanni aalajangersorneqareersunit qinnuteqaateqartut amerlanerutillugit suliffeqarfuit toqqarneqarnissaminut najoqqtassanik pitsaanerpaamik naammassinnittut pisisussap toqqartorsinnaavai.

Aalajangersimasunit qinnuteqaateqartut ikinnerusut pisisussap pitsaassusiliigallartissinnaavai, ima pisoqartillugu:

- a) qinnuteqaateqartut ikinneruppata, imaluunniit
- b) §§ 18-20 naapertorlugit qinnuteqaateqartut naammassinnissimasut ikinneruppata.

Tassa pisut taakku 2-innaapput, qinnuteqaateqartut aalajangersarneqarsimasuinnarnit ikinnerusut pitsaassusiliigallarnissamut piukkunnaateqarpata.

### Imm. 3-mut

Aalajangersakkami naqissuserneqarpoq qinnuteqaateqartut pitsaanerpaat (pitsaassusiliigallarnermi) toqqartornissaat siunertaralugu pitsaassusiliigallarnissamut piumasaqaatini toqqartuinissamut najoqqtassat pisisussap aalajangersassagai. Taakku tassaapput najoqqtassat suliffeqarfuit sorliit toqqartorneqareerpaat, suliffeqarfuit §§ 18-20 naapertorlugit piumasaqaatini naammassinnissimasut amerlanerussappata pitsaassusiliigallarnissami pisisussap naatsorsuutigisaaninngarnit.

Toqqartuinissamut najoqqtassat piukkunnassutsimut minnerpaaffissatut piumasaqaatini pissutsinut taakkununngarpiaq tunngasuusinnaapput, takuuk § 20, assersuutigalugu:

- 1) Patajaatsuussuseq annertunerpaaq.
- 2) Innersuussuteqarfigisassat naleqqunnerpaat.
- 3) Sulisut pisinnaasaqarnerpaat.
- 4) Pitsaassusissamik aqutsinermi immikkuualuttortalersorneqarnerpaat aamma uppernarsaasigaalluarnerpaat.

Imm. 4-mut

Neqerooruteqartitsinermi pitsaassusiliigallarnissamut qinnuteqaateqartup itigartinneqareersimasup peqataalerseqqinnissaanut pisisussaq aalajangersakkami periarfissinneqarpoq, suliffeqarfik pitsaassusiliigallarnermut peqataatinneqarsimasoq neqeroortitsinermiit anisutut nalunaaruteqarpat.

Taamaattorli iliuutsimi tessani piumasarineqarpoq qinnuteqaateqartoq itigartitaasimasup peqataatinneqaqqilernissaanut maanna isumaliutigineqartup §§ 18-20 naapertorlugit piumasaqaatnik tamanik naammassinnissimassasoq. Aammattaaq assigiimmik pinninnissamik paasuminartuunissamillu tunngaviusumik periaaserineqartut ajornartinngilaat, qinnuteqaateqartut itigartinneqarsimasut pisisussap ilanggutiteqqissappagit, imm. 2 naapertorlugu toqqartuinissamut najoqquassatut aalajangersakkanik pitsaanerpaamik naammassinnissimasut.

#### *§ 22-mut*

Aalajangersakkami naqissuserneqarpoq periaaseq piumasaqaatit immikkuualuttortalersorneranni teknikikkut immikkuualuttortalersuutit pisisussap aalajangersaanissaani.

Teknikip tungaatigut suussutsinut nassuaatit neqeroortitsisup pisiariniakkatut eqqarsaatigisaani piginnaasassatut piumassaqaataatut paasineqassapput.

Pappiaqqatut uppermarsaammi piumasaqaatit immikkoortortalersornerusut pisisussap taasimasaaniit allami teknikikkut immikkoortortalersuutit taanerisigut aalajangersagaq avaqqunneqarsinnaanngilaq. Akiliummut namminermut piumasaqaataasinnaasut tamarmik, neqerooruteqartoqarnissaanut atortussani nalunaarutigineqartut, allagaatit qulequtaat apeqqutaatinnagut piumasaqaatitut isigineqassapput.

Imm. 1-imut

Neqeroorummut namminermut neqerooruteqarnermi atortussani taaneqartunut piumasaqaatit suulluunniit, uppermarsaasiussami qulequtsigaq apeqqutaatinnagu piumasaqaatit immikkoortortalersuutaattut isigineqassapput.

Taamaalluni neqeroorummi suliassatut kissaatigisaq imaluunniit piumasaqaatini assigiaarinissat naammassineqarnissaattut kissaatigisat pisisussap nassuaasiussavai pisiffigisat aalajangersimasut imaluunniit taamaaqataannik piumasaqarfiginninnissaminngarnit, unammilleqatigiinnermik annikillisitsisuusumik.

Teknikip tungaatigut suussutsinut nassuaatit tunisassiami imaluunniit kiffartuussissummi pisariaqartutut piginnaasat aalajangersarpaat, taamaalillutik neqeroorummi piumasaqaatinik naapertuutsitsisunik neqerooruteqartut neqeroorutinik tunniussaqarsinnaassallutik.

Neqeroortitsisoq teknikip tungaatigut suussutsinik nassuaasiorsinnaavoq, neqerooruteqarnissamut periarfissiisunik, niuffaffimmi teknikip tungaatigut iluarsiinissamut periarfissanik, najoqqutaasunik aamma teknikip tungaatigut suussutsinik nassuaatinik assigiinngitsorpassuarnik takussutissiisunik.

Neqerooruteqartitsup teknikip tungaatigut suussutsinik nassuaatit imatut iluseqartissavai unammillernermik pissusissarinngisatut nerukillisaaneq pinaveersissallugu. Atuuffissatut piumasaqaatitut ilusilinnik teknikip tungaatigut suussutsinik nassuaasiorn erit qaqtiguunngitsukkut sapinngisamik pitsaanerpaamik iluseqartumik angusassamik tamatuminnga angusaqarnissaq periarfississinnaavaa. Atuuffissatut piumassaqaatit aamma qaqtiguunngitsukkut pisortat neqeroortitsinerannut atatillugu pilersitsiniarnermik siuarsaasinnaapput.

Nioqqutinut kiffartuussissutinullu tunngatillugu neqeroortitsisoq assersuutigalugu pitsaassutsip inissimaffianut, avatangiisini aamma silap pissusaani ingerlataqarsinnaanermut, atuuffigisakkut piginnaasaqassutsimut, tunisassiap atorneranut, isumannaallisaanermut, najoqqutassianut tunisassiaasumut niuernermi taaguutaasumut aamma oqaatsinut atortakkanut tungnasunut, misileraanernut aamma misileraariaatsinut, poortuinermut atornissaanullu ilitsersuiner mut tunngasunik piginnaasassanik aalajangersaasinnaavoq.

Teknikip tungaatigut suussutsinik nassuaanerit suliainerannut atatillugu naleqqersuiner mut tunngavigisaq neqeroortitsup immikkut sianigisariaqarpaa, isumaqatigiissutip nalinganut anguniagaanullu piumasaqaatinik naleqqersuunneqarsinnaasunik neqeroortitsisoq naleqqersuiner mut tunngavigisaq najoqqutaralugu taamaallaat aalajangersaasinnaammat. Tamatuma nassatarisaatigut taamaallaat suliassap naammassineqarnissaanut piumasaqaatit pisariaqartut naleqqullugu aalajangersarneqarsinnaapput.

## Imm. 2-mut

Aalajangersagaq naapertorlugu aalajangersimasumik pilersinneqaqqaarfimmiit imaluunniit nioqqutissat ilisarnaataannik immikkut ittumik imaluunniit fabrikkimi sorlermi suliarineqarsimaneq pillugu pisisussaq piumasaqaateqarsinnaanngilaq. Tassani pissutigineqarpoq innersuussutit taamaattut unammillersinnaaneq taamaanneratut killilersinnaammassuk sanguallatsissinnaalluguluunniit kiisalu tamanna paasiuminaallisneqarsinnaammat, pisinermi pisisussap sunik piumasaqaateqarneratigut. Tamatumunnga taarsiullugu assersuutigalugu atorsinnaanissamut piumasaqaatit spinngisamik annertunerpaamik pisisussap malissavai, takuuk imm. 1.

### Imm. 3-mut

Imm. 2-mi pineqartut immikkoortortalersuutit innersuussutiginissaannut allat periarfissarinngisaannik pisisussaq aalajangersakkamit pisisussamut aalajangersagaq periarfissiivoq. Tassani siullermik piumasaqaataavoq taamatut innersuussutissat suulluunniit oqaasertamik ”taamaaqataannilluunniit” malitseqartinneqassasut.

Aammattaaq aalajangersagaq taamaallaat atorneqarsinnaavoq imm. 1 naapertorlugu atorsinnaassusissamut piumasaqaatit aamma assigiaarinissamut innersuussutit aqqutigalugit neqeroorutitut kissaatigineqartup nassuaasersornissaanut periarfissaqartoqartinnagu.

Tamatuma nassatarisaanik taamaallaat neqeroortitsisoq suliamut tunngasunik tunngavigisassanik nalunaarsuisinnaassappat unammillermik killilersuisumik sunniuteqartunik immikkut ittunut nioqquqtiit suussusaannut imaluunniit sananeqaatinut piumasaqaatinik aalajangersagaqarnissamut periarfissaqarpoq.

### Imm. 4-mut

Aalajangersakkami naqissuserneqarpoq imm. 1-3-mi pineqartut apeqqutaatinnagit neqeroorutip tunisassianut aaqqiissutissanulluunniit pioreersunut ataqtigiissinnisaannik piumasaqarnissamut pisisussaq killeqanngitsumik periarfissinneqarpoq, tessani ilanngullugit hardwarenik imaluunniit softwarenik IT-mit pisinermi.

Naapertuuttuunissamik § 7 naapertorlugu piumasaqaatit tamatigut aalajangersorneqartassapput, taamaattumillu ataqtigiissinneqarnissamik piumasaqaatit ilaatigut ingerlateqqinnejqanngisaannassapput, uani pisumi suliatigut pisisussap paasisimasassatut pisariaqartitaasa naammassinissaannut pisariaqartinneqartuningarnit.

### § 23-mut

Aalajangersakkami naqissuserneqarpoq neqeroorutit tamanut ammasumik saqqummiunneqartussat pisisussap qanoq iliorluni saqqummiutissanerai. Tamanut ammasuunissamik pisussaatitaanermi isiginiagassat tassaapput niuernermi peqataasut paasiuminartuliornissaat naligiissumillu pineqarnissaat.

### Imm. 1-imut

Aalajangersagaq naapertorlugu neqeroorummik nalunaarutip tamanut ammasumik saqqummiunissaani tamatigut aqqutigineqartassaaq Namminersorlutik Oqartussat Nittartagaani. Tamanna aamma atuuppoq pisortat oqartussaaffiinut suliffeqarfiiinullu Namminersorlutik Oqartussat ilaattut atasuunngitsumik. Tessani siunertarineqarpoq Kalaallit Nunaanni neqeroorutit tamaasa niuernermi peqataasut tamarmik tamakkiisumik takusinnaasaannik nittartakkat ataasiakkaat attatiinnarnerisigut paasiuminassuseq assigiimmillu pinninnissaq pilersissallugu.

Neqeroortitsinermik nalunaarut kalaallisut qallunaatullu ataatsikkut tamanut ammasumik saqqummiunneqassapput.

Pisisussap tamanut ammasumik saqqummiunnerannut peqatigitillugu kingornaluunniit neqeroorut ussassaarutigisinnavaa Kalaallit Nunaanni nunaniluunniit allani tusagassiorfiit allat aqqutigalugit. Assigiissumik pinninnissaq mianeralugu neqeroorummut nittartakkami nittartakkap tamanut ammasumik saqqummiutinnginnerani pisinnaanngilaq.

Nalunaarut tunngavigereerlugu isumaqatigiinniareernikkut neqerooruteqartarnerup neqeroorut pillugu nalunaarummik ilaqtussaanngimmat, neqerooruteqariaaseq taanna aalajangersakkami ilanngunneqanngilaq.

Imm. 2-mut

Aalajangersagaq malillugu pisisussap siunertani nassuerutigissavaa tamanut ammasumik neqeroorut, killilimmik neqeroorut imaluunniit siumoortumik nalunaaruteqarnermi siumoortumik nalunaarut tunngavigalugu isumaqatigiinniareernikkut neqerooruteqarnissaq ingerlatissanerlugu. Neqeroorummi nalunaarut Namminersorlutik Oqartussat Neqeroorutinut Nittartagaani pisisussap tamanut ammasumik nalunaarutigissavaa neqeroortitsinermi nalunaarutip tamanut ammasumik saqqummiutinnginnerani sivikinnerpaamik sapaatit akunneri 4-t ingerlaneranni.

Nalunaarut pisariaqassappat nalunaarutigineqassaaq, tassa imaappoq pisisussap neqerooruteqartoqarnissaq ilisimassavaa ilisimasariaqarluguluunniit.

Tassani siunertarineqarpoq paasiuminartuliornissaq assigiissumillu pinninnissaq nittartakkap ataatsip atuinnarneratigut taamaaliornikkut Kalaallit Nunaanni massakkut siunissamilu neqeroorutissat niuerneremi peqataasut tamarmik tamakkiisumik takunnissinnaaqquillugit.

#### § 24-mut

Aalajangersakkami naqissuserneqarpoq neqeroortitsinerup nalaani neqeroortitsinermi atortussat pillugit apeqqutit qanoq ilillugit suliarineqassanersut. Neqerooruteqarsinnaasuni allani mianerisassat tunuliaqtaasut tassaapput paasiuminartuunissaq assigiissumillu pinninnissaq.

Apeqqutit neqeroortitsinermi atortussat erseqqissaaviginissaannut pissutissaqartitsinngitsut aamma neqeroortitsinermi atortussat ilaasa erseqqissut taamaallaat innersuussutiginissaanni, oqaatigiinnarlugit apeqqutigineqarsinnaapput akineqarsinnaallutillu taakkulu nalunaarummik ilanngunneqanngillat.

Assersuutigalugu neqeroorut tunniunneqassatillugu apeqqutigineqartoq pisiniartup nammineq isummani malillugu akisinnaavaa. Tassani piumasarineqarpoq neqeroortitsinermi atortussat erseqqissumik naleqquttumillu paasissutigineqassasut aamma neqeroortitsinermi atortussani oqaasertat erseqqissaaviginissaat pisariaqassanngitsoq.

#### Imm. 1-imut

Aalajangersagaq naapertorlugu apeqqutit pisisussamut saqqummiunneqassapput neqeroortitsinermi piffissaliussaq kingusinnerpaamik ullunik qulinik sioqqullugu. Taamaalilluni neqerooruteqarsinnaasut tamarmik apeqquteqarnissamut assigiimmik killissaqartinneqarput.

#### Imm. 2-mut

Aalajangersagaq malillugu neqeroortitsinermi piumasaqaatini pisisussap qinnuteqaatigissavaa, neqerooruteqarnermi atortussanut apeqqutit tamarmik allaganngorlugit saqqummiunneqarnissaat. Tassani siunertarineqarpoq pineqartut upernarsaaserneqarsinnaassuseqarnissaat.

#### Imm. 3-mut

Aalajangersakkami naqissuserneqarpoq apeqqutit tiguneqartut piffissaq eqqorlugu pisisussap tunngaviusumik akissuteqarfigissagai, takuuk imm. 1, neqerooruteqarnissamut naleqquttumik killiliussap iluani neqerooruteqarnissamut killiliussaq aalajangersimasoq sioqqullugu.

Apeqqutit piffissaq eqqorlugu tiguneqarsimannngitsut tunngaviatigut itigartinneqassapput. Taamaattorli neqeroortitsinissamut killiliussap naanissaata tungaanut apeqqutit pisisussap piffissaatillugu apeqqutigineqarsimasut akineqarnissaat toqqarsinnaavaat, apeqqutigineqartoq pingaaruteqarpat.

Apeqqutit piffissaatillugu saqqummiunneqarsimannngitsut akinissaanni oqaatigineqareersutut piumasarineqarpoq, apeqqutip ilutsimigut siullerpaamik saqqummiunneqarsimanissaa. Tassani una pineqarpoq, tassalu neqerooruteqarsinnaasut tamaasa eqqarsaatigalugit ataatsimut isiginnilluni apeqqutigineqartoq neqeroorummi atortussat paasinissaanut annertuumik pingaaruteqassasoq.

#### Imm. 4-mut

Aalajangersakkami naqissuserneqarpoq, takuuk imm. 3, apeqqutinik pisisussap akissuteqarnissaa pissammat apeqqutip akissutillu allaganngorlugu pigalugu Namminersorlutik Oqartussat neqeroortitsinermut nittartagaani aaneqarsinnaanngorlugit imaluunniit e-mail apeqqutinik akissutaat ilangullugit suliffeqarfinnut tamanut neqeroortitsinermi peqataasunut e-mailimik ataatsikkut nassiussinikkut. Periaatsit taakku marluk pisisussap toqqarsinnaavai tamanna neqeroortitsinermi piumasaqaatini paasissutigineqareersimappat.

Apeqqutit akissutillu tamarmik kimit pisuunerat paasiuminaallisagaassapput tamanna toqqaannartumik imaluunniit toqqaannartumiunngitsoq neqerooruteqarsinnaasunut tamanut kina apeqquteqarsimanoq ersersinneqassangilaq.

Kingusinnerusukkut innersuussinissaq eqqarsaatigalugu iluaqutaassaaq apeqqutit saqqummiunneqartut normulersugaappata.

#### *§ 25-mut*

##### Imm. 1-imut

Aalajangersakkami naqissuserneqarpoq neqeroortitsinermi pitsaassusiliigallarnissaq pillugu qinnuteqaateqarnissamut kingusinnerpaamik piffissaliussaq sorleq pisisussap malissagaa. Aalajangersagaq taamaallaat atorsinnaavoq killilimmik neqerooruteqarnermi aamma nalunaarummik tunngaveqareernani isumaqatigiinniareernikkut neqeroorutinut, neqerooruteqartitseriaatsit allat pitsaassusiliigallarnissamik nassataqartussaanngimmata.

Pitsaassusiliigallarnissamut qinnuteqarnissamut piffissaliussaq upternarsaanissamik piumasaqaatinut aalajangeriikanut naammaginartumik naapertuutissaaq neqeroortitsinermillu nalunaarutip tamanut ammasumik nalunaarutigineqarneraniit minnerpaamik ullaunik 14-inik sioqqutsisumik pisassalluni. Mianerisassatut tunuliaqutaasoq tassaavoq naapertuuttuunissaq.

Killiliussap naammaginartuunissaq piffissaq atorneqartussaq kisiat tunngavigalugu nalilerneqassangilaq, tamannami upternarsaanissamik piumasaqaatiq suulluunniit naammassinissaanut aaqqissuussineq eqqarsaatigalugu pisariaqarmat. Pisisussap aammattaaq manna eqqarsaatigissavaa, suleriaatsitut ileqqorisamik nalinginnaasut qaavatigut suliffeqarfiiit naammassinninnissaannut sapernassanngimmata.

##### Imm. 2-mut

Neqeroortitsinermut atortussani annertuunik allannguiteqartoqarpal neqeroortitsinerup nalaani piffissaliussap sivitsornissaanut neqeroortitsisoq pisussaaffeqarpoq. Qinnuteqaatiq imaluunniit neqeroorutip ilusilersornissaanut pisariaqartunik paasissutissanut taakkununnga suliffeqarfiiit ilisimasaqarsinnaanissaat tamatuma qularnaassavaa. Annertuunik allannguiteqartoqarnersoq pillugu nalilersuineq § 8, imm. 1-imi tunngavigisat sianigalugit pissaaq.

Piffissaliussamik sivitsuineq naleqqersuussinermut tunngavigisamik najoqqutaqarluni aalajangerneqassaaq. Tamatuma nassatarisaanik sivitsuineq paasissutissat, allagaatit, imaluunniit allannguutit pingaaruteqassusaannut naleqqiullugit naammaginartumik inissisimassaaq, aammalu suliffeqarfinnut qinnuteqaatit imaluunniit neqeroorutit tunniunnissaannut naammaginarmik piffissamik tunissallugit.

Piffissaliussanik sivitsuinissamut neqeroortitsisoq pisussaaffeqassappat neqeroortitsinermut nalunaarummi piffissaliussaq nalunaarsimaneqassappat sivitsuineq neqeroortitsinermut nalunaarummi naqqiissutitut tamanut saqqummiunneqassaaq. Neqeroortitsinermut atortuni immikkoortuni allani piffissaliussat nalunaarsimaneqassappata piffissaliussat sivitsorneri neqeroortitsinermut atortussanut naqqiissutitut tamanut saqqummiunneqassapput.

Neqeroortitsinermut atortussat kikkunnit tamanit pissarsiarineqarsinnaaffiani internettimi nittartakkap assingani naqqiissutaasoq tamanut saqqummuinneqassaaq.

#### *§ 26-mut*

Imm. 1-imut

Aalajangersakkami naqissuserneqarpoq neqeroortitsinissamut piffissaliussat sorlit neqeroortitsinermi pisisussap malissagai. Aalajangersagaq taamaallaat malinnejassaaq tamanut ammasumik neqeroortitsinermi aamma killilimmik neqeroortitsinermi. Taamaalilluni isumaqtigiainniareernikkut pisisussaq tamakkiisumik kiffaanngissuseqartitaavoq neqeroortitsinermi piffissaliussaq pissusissamisoortoq sorleq nammineq nalilissallugu, tassani pilersaarutaasumik isumaqtigiainniarnissaq apeqqutaassammat.

Ikorsiissummut neqeroorutigineqartumut naleqqiullugu piffissaliussaq naammaginartuuussaaq neqeroortitsinermillu nalunaarutip tamanut ammasumik nalunaarutigineranit tamatigut minnerpaamik ullut 14-it sioqqullugit pisariaqassalluni aamma killilimmik neqeroortitsinermi atortussat attavigisinnaanissaanut minnerpaamik ullut 14-it piffissaliunneqassallutik. Mianerisassamut tunuliaqutaasoq tassaavoq naapertuuttuunissaq.

Piffissaliussamut naammaginartuunissaq nalilernejassaaq neqeroorutigineqartup annertussusia tunngavigalugu. Neqeroorut annertuneruppat, neqeroorutip tamakkiisumik suliarinissaanut piffissarititaasoq sivisunerussaaq aamma taamaalilluni neqerooruteqarnissamut piffissaliussaq suli sivisunerussalluni.

Imm. 2-mut

§ 25, imm. 2-mut oqaaseqaatit innersuussutigineqarput.

#### *§ 27-mut*

Imm. 1-imut

Aalajangersakkami naqissuserneqarpoq qinnuteqaateqartut pitsaassusiliigallarnermi peqataatinneqarsimanaerat pillugu pisisussaq qanoq ililluni nalunaaruteqassanersoq. Aalajangersagaq taamaallaat atorsinnaavoq killilimmik neqerooruteqarnermi aamma nalunaarummik tunngaveqareernani isumaqtigiainniareernikkut neqeroorutinut, neqerooruteqartitseriaatsit allat pitsaassusiliigallarnissamik nassataqartussaanngimmata.

Pitsaassusiliigallartitsinerup inernera qinnuteqaateqartunut tamanut allaganngorlugu pisisussap ataatsikkut nalunaarutigissavaa.

Imm. 2-mut

Qinnuteqaateqartut itigartitaasut eqqarsaatigalugit itigartitsinermut pissutaasoq nalunaarummi ilanngunneqassaaq. Qinnuteqaateqartut ataasiakkaat mianerinissaat pillugit patsisaasoq qinnuteqaateqartunut ataasiakkaanut tamanut immikkut ilusilerneqassaaq. Mianerisassat tunuliaqutaasut tassaapput qinnuteqaateqartut assigiimmik pineqarnissaat aamma paasiuminartuunissaat.

*§ 28-mut*

Aalajangersakkami naqissuserneqarpoq neqerooruteqarnerup nalilerneqarnerata inernera pisisussap qanoq ililluni neqerooruteqartunut nalunaarutigissaneraa. Siunnersuut naapertorlugu neqerooruteqartitseriaatsinut tamanut aalajangersagaq atuuppoq.

Imm. 1-imut

Aalajangersagaq malillugu neqeroorutinut tamanut manna atuuppoq tassalu tunniussinermik aalajangiineq pillugu nalunaarut allaganngorlugu neqerooruteqartunut ataatsikkut pisisussamit nalunaarutigineqassammat.

Imm. 2-mut

Qinnuteqaateqartut itigartitaasut eqqarsaatigalugit itigartitsinermut pissutaasoq nalunaarummi ilanngunneqassaaq.

Qinnuteqaateqartut ataasiakkaat mianerinissaat pillugu patsisaasoq qinnuteqaateqartunut ataasiakkaanut tamanut immikkut ilusilerneqassaaq. Mianerisassat tunuliaqutaasut tassaapput neqerooruteqartut assigiimmik pineqarnissaat aamma paasiuminartuunissaat.

Imm. 3-mut

Aalajangersagaq naapertorlugu §§ 18-20 naapertorlugit piumasaqaatit naamassisimanissaannut uppernarsaasiisimannginnerup kingunerisaanik neqerooruteqartut pisisussap itigartissimasai imaluunniit peqataatissimanngisai neqerooruteqartussanit allaniit siusinaarnerusumik peqataatinneqannginnissaq nalunaarutigissavaa.

Aalajangersagaq taamaallaat malinneqarsinnaavoq tamanut ammasumik neqeroortitsinermi, neqeroortitseriaatsini allani §§ 18-20 naammassineqarsimanaerat aalajangiiffigineqassammat pitsaassusiliigallartitsinermi allatulluunniit toqqaanermi.

Siusinnerusukkut nalunaaruteqarnissami siunertarineqarpoq neqerooruteqartussat piareersaataasa maangaannartinnginnissaat pinaveersaartinneqassammat, imaappoq

isumaqatigiissut neqerooruteqartup ajugaaffigisinnaanngisaata naammassinissaanut piareersaanissaq pinngitsoortikkumallugu.

§§ 18-20 naapertorlugit peqataatinneqannginnissaq piukkunnassuserlu neqeroortitsinissap nalilerneqarnissaata pinnginnerani naliliiffigissallugu iluaqutaassaaq, itigartitsineq aamma peqataatinneqannginnissaq pillugu siusinnerusukkut nalunaaruteqarnissaq ajornannginnerusassammat. Tamatumunngali pisisussaq pisussaaffeqanngilaq.

Imm. 4-mut

Neqerooruteqartunut tunniussinissamik aalajangiussineq pillugu nalunaaruteqarnerup kingornatigut, takuuk imm. 1, neqeroortitsisup tunniussinermik aalajangiussineq pisortat neqeroortitsinermik nittartagaanni tamanut saqqummiutissagaa aalajangersakkap aalajangersarpaa. Tunuliaqutitut sianigisaq tassaavoq tamanik takunnissinnaatitaaneq.

#### *§ 29-mut*

Aalajangersakkami naqissuserneqarpoq pisut ilaat patsisaatillugit neqeroorummik pisisussap atuuttussajunnaarsitsinissamut piginnaatitaanera.

Imm. 1-imut

Aalajangersagaq naapertorlugu neqeroorutigineqartoq pisisussap atorunnaarsissinnaavaa, tamatumunga suliatigut paasisimasaqassuseq tunngavissaqarpat. Suliamik paasisimannittutut tunngavissaqarneq pillugu piumasaqaammi tunngaviusoq unaavoq, tassalu iliuutsit unammillernermut sangutitsisinnaasut pinaveersaartinnissaat.

Sulianik paasisimasaqassusermut atorunnaarsitsisarnernut tunngaviusut pillugit assersuutit 4-t aalajangersakkami tulleriinnilersoneqarput. Allattukkat tamakkiisuunngillat.

Nr. 1-mut neqeroortitsinermut atortussani imaluunniit neqeroortitsinermi periaatsini kukkunerit annertuut paasineqarsimappata. Takuuk § 8-mut nassuiaatini pingaartitassat nalilersoneqarnerat.

Nr. 2-mi pineqarput aningaasaliisarnermut pissutsit tunngavigalugit isumaqatigiissummi pisisussaq ilanngunneqarsinnaanngippat. Neqeroorutip akilernissaanut pisisussaq aningaasaliissutinik pisarialinnik naammaginartunillu tigusaqarsimannngippat, pisisussap neqeroorut atorunnaarsissinnaavaa.

Nr. 3-mi pineqarpoq pisisussap maluginiassagaa aaqqiissutissatut neqeroorutigineqartoq pissusissamisuunngitsoq. Uani pineqarpoq nr. 1-imu taaneqartumut assingungajattoq, taama pisoqartillugu neqeroortitsinermi atortussat annertuumik allannguuteqartinnissaat pisariaqalertarmat.

Nr. 4-mi pineqarpoq pitsaassusiliigallarneq pillugu qinnuteqaatit akuerineqarsinnaanngitsut imaluunniit neqeroorutit akuerineqarsinnaanngitsut kisiisa pisisussap tigusimappagit. Tassani patsisaasut § 4, imm. 6-7 -imi nassuiardeqarput.

Neqeroorutip atorunnaarsinnissaanut piviusorsiortumik tunngavissaqanngilaq tamanna ima pissappat neqeroorummik ajugaasinnaasoq pinnagu neqerooruteqartorli alla isumaqatigiisummik allamik atsioqatigigaanni.

Taamaalilluni neqeroorummik atorunnaarsitsinissaq piviusorsiortumik tunngavissaqanngilaq neqeroortitsinermik ajugaasussaagluartoq pinnagu allali isumaqatigiissteqarfingiaraanni.

Taamatut atorunnaarsitsineq unammilleqatigiinnermik sanguallatsitsisinnaavoq taamaalillunilu assigiimmik pinninnissamik periaaseqarnermut akerliusussaalluni.

#### Imm. 2-mut

Aalajangersagaq malillugu neqeroorutip atorunnaarsinneqarnerani pisisussaq piaernerpaamik aamma aalajangiinermiit kingusinnerpaamik ullaat nalinginnaasut pingasut qaangiunneranni pitsaassusiliigallartitsinissamut qinnuteqaateqarsimasut imaluunniit neqerooruteqarsimasunut tamanut atorunnaarsitsineq pillugu tamatumunngalu tunngavilersuutit pisisussap nalunaarutigissavai. Mianerisassami tunuliaqutaasoq tassaavoq paasiuminartuunissaq.

#### Imm. 3-mut

Aalajangersakkami naqissuserneqarpoq neqeroorutip atorunnaarsinneqarnera ajoqutaassanngitsoq pisisussap nutaamik neqerooruteqarnissaanut. Nutaamik neqeroortitsinermi siusinnerusukkut neqeroortitsisimanernit piumasaqaatinit allatulluunniit atortussanit pisisussaq pituttorsimasussaanngilaq.

Tassani ilangunneqanngilaq nalunaarummi tunngaveqarani isumaqatigiinniareernikkut neqeroorummi manna tunngavigneqassappat, tamanut ammasumik siumoortumik imaluunniit killilimmik neqeroortitsinermut atatillugu pitsaassusiliigallarneq pillugu neqeroorutit akuerineqarsinnaanngitsut imaluunniit qinnuteqaatit akuerineqarsinnaanngitsut kisiisa tiguneqarsimappata, takuuk § 16, imm. 2, nr. 1. Taama pisoqartillugu neqeroortitsinermi pappiaraqqaatini tunngaviusumik ilaatinneqartut pisisussap allanngortissinnaanngilai, tamanna pillugu takukkit aalajangersakkamut nassuaatit.

#### § 30-mut

Danmarkimi neqerooruteqartitsinermut inatsimmi § 49-mi aalajangersakkamut, EU-mit malitassami artikel 46, imm. 1-3-mik ingerlatsisuusumut aalajangersagaq assigiimmik oqaasertalersugaavoq.

Isumaqtigiisummi ataatsimoortitami 1-im i neqerooruteqartitsineq paarlaallugu isumaqtigiisummik aggulutaqarnissaq tulluartuunersoq pisisussaq nalilersuisinnaavoq. Aggulussineq assersuutigalugu tassaasinnaavoq annertussusilikkatut aggulussineq, taamaalillutik ataasiakkaanut tunngatitatut isumaqtigiissutit suliffeqarfiiit mikisut akunnattumillu angissusillit piginnaasaannut naleqqunnerulerlutik, imaluunniit pitsaassusilitut tunngavigisamik inuutissarsiorfinnut peqataasunut assigiinngitsunut, immikkullu aalajangersimasunik isumaginnittartunut naapertuutsitsilluni, ataasiakkaanut tunngatitatut isumaqtigiissutit imarisaat suliffinnut/immikkoortoqarfinnut mikisunut akunnattumillu angissusilinnut immikkut aalajangersimasunik isumaginnittartunut naleqqussarnerulluarusullugu, imaluunniit malitsigisitatut suliniummi aqquaakkunut assigiinngitsunut naapertuutsillugit.

#### Imm. 1-imut

Isumaqtigiisummi ataatsimoortitami 1-im i neqerooruteqartitsinermut taarsiullugu isumaqtigiisummik aggulutanik pisisussaq neqeroortitsisinnaasoq aalajangersakkami imm. 1-ip aalajangersaavigaa. Isumaqtigiissutip aggulunnissaanik pisisussap nalilersuinermini niuffaffimmut tunngasunik aningaasaqarnermilu sianigisassanik ilangussaqarsinnaavoq.

Isumaqtigiissutip aggulunnera assersuutigalugit annertussusilikkatut aggulunnertut, nunap ilaanut tunngatillugu aggulunnertut, imaluunniit isumaqtigiisummi ilaasuni assigiinngitsunik aggulunnertut pisinnaavoq. Suliassat neqeroorutaasut suliffiit mikisut akunnattumillu angissusillit tunisassiorsinnaerannut naapertuunnerulerlutik angissuseqalissammata suliffeqarfiiit mikisut akunnattumillu angissusillit neqerooruteqarnissap sapersaatigiunnaarnissaannik isumaqtigiissutinik aggulussinerup nassatarissavaa. Tassunga atatillugu unammillertoqarnermik ilorraap tungaanut sunniuteqarsinnaasumik aggulussineq annertunerusumik unammillerfissamik pilersitseqataasinnaanera pisisussap isumaliuteqartariaqarpoq. Tassaasinnaavoq aggulussineq, pisisussaq nioqutinik imaluunniit kiffartuussissutinik assigiinngitsunik ilusilinnik pisariaqartitsiffigisaa. Neqeroorutigisaq assersuutigalugu innuttaasunik angallassinermut tunngasuusinnaavoq, taamaattumik nunap ilaani erseqqinnerusumik killilersugaasuni isumaqtigiissutit ilaannut neqeroorutaasoq aggulunneqassalluni.

Piffissamut qaninnerusumut isumaqtigiissutip aggulunnera akinik appasinnernik pissarsinikkut isumaqtigiissutinut ataasiakkaanut ilorraap tungaanut sunniuteqarsinnaavoq, aammalu piffissamut ungasinnerusukut unammillertoqarfissaq annertunerusoq qularnaarsinnaallugu. Isumaqtigiissut angissutsimut pineqartumullu tunngatillugu qanoq illuni aggulunneqassanera pisisussap nalilersortussaavaa.

#### Imm. 2-mut

Imm. 2-mi aalajangersakkap “aggulussinermut imaluunniit nassuaanermut tunngavissaq” aalajangersaavigaa. Isumaqtigiissutit ilaannik immikkoortunik pisisussaq

neqerooruteqartitsinngippat neqerooruteqartitsinermut atortussani tamatumunnga tunngaviusoq pillugu pisisussaq ilisimatitsissaaq. Tunngavigisaq assersuutigalugu tassaasinnaavoq aningaasaqarnikkut imaluunniit niuffaffimmut tunngasutigut sianigisassanik isumaginninnerit. Niuffaffimmut tunngasutigut sianigisassat assersuutigalugit attuumassuteqartuusinnaapput, isumaqatigiissut aggulunneqassappat isumaqatigiissutit ilaat pillugit unammillertoqassannginneranik niuffaffimmut tunngasutut pissutsit nassatissagaat pisisussap nalilissappagu. Aningaasaqarnermut sianigisassat assersuutigalugit isumaqatigiissutip aggulunnginneratigut aningaasaqarnikkut iluaqtissat, soorlu annertuumik ingerlatsinermi iluaqtissat pissarsiarineqarsinnaasut pisisussap nalilissappagu. Aammattaaq neqerooruteqartitsinermi aningaasartuutinut naleqqiullugu aningaasaqarnermut sianigisassat neqerooruteqartitsinermik ingerlassarpiamut tunngasuusinnaapput, aammali kingornatigut isumaqatigiissummik aqtsinermut atasutut aningaasartuutinut tunngasuusinnaallutik.

Isumaqatigiissummik aggulussinissap imaluunniit aggulussinnginnissap tulluartuunissaanik nalilersuinissamut tunngatillugu pisisussaq annertuumik nalilersuuteqarsinnaavoq. Pisisussap annertuumik nalilersuutigisaa sanioqqunneqarsinnaanngilaq, § 1-im i tunngavigisanik akerliusunik pisisussaq iliuuseqarsimassanngippat.

Imm. 3-mut

Neqerooruteqartitsinermut nalunaarummi nalunaarutigisatut paasissutissanik § 30, imm. 3, nr. 1-3-miittut nalunaarsornissaannut aalajangersakkami imm. 3 najoqqutaralugu pisisussaq pisussaaffeqarpoq.

Isumaqatigiissutip ilaanut 1-imut, amerlanernut imaluunniit tamanut tunngasunik neqerooruteqartoq neqerooruteqarsinnaanersoq imm. 3, nr. 1 malillugu neqerooruteqartitsinermu nalunaarummi nalunaarsorsimassaaq.

Neqerooruteqartoq isumaqatigiissutip ilaank 1-imik, amerlanernik imaluunniit tamanik tunniussiviginissaa pillugu, kiisalu isumaqatigiissutip ilaat, imaluunniit isumaqatigiissutit ilaat eqimattut qanoq ataqatigiississinnaanerat pillugit neqerooruteqartitsinermut nalunaarummi imm. 3, nr. 2 malillugu nalunaarsorsimassaaq.

Aammattaaq neqerooruteqartitsinermut nalunaarummi imm. 3, nr. 3 malillugu pisisussap najoqqutassiat imaluunniit malittarisassat kinaassusersiunngitsut aamma assigiinngisitsisuunngitsut isumaqatigiissutit ilaannik tunniussinermut aalajangiisuunersut nalunaarsorsinnaavai, neqerooruteqartup amerlanerpaatut pissarsiarisinnaasaanut naleqqiullugit najoqqutassiat imaluunniit malittarisassiat neqerooruteqartup isumaqatigiissutit ilaannik amerlanernik pissarsinissaanik kinguneqassagaluarpata isumaqatigiissutit ilaat qanoq tuniunneqartarnerat ilanngullugu.

Pisisussaq malittarisassianik imaluunniit agguaassinissamut najoqqtassamik aalajangersaassappat, tamatumalu kingornatigut neqerooruteqartoq isumaqatigiissutit ilaannik tamanik tunineqarsinnaanani, isumaqatigiissutillilaannut tamanut neqerooruteqarnissamut periarfissaqarluni, pisisussaq neqerooruteqartitsinermut atortussiani malittarisassiat imaluunniit agguaassinissamut najoqqtassap nalunaarsugarinissaanut pisussaaffeqarpoq. Neqerooruteqartup ataatsip tunniussivigisassatut annertunerpaanut amerlassusilinnut naleqqiullugu tunniussinissamut najoqqtassanut naleqqiulluni neqerooruteqartoq isumaqatigiissutit ilaannik amerlanernik pissarsiaqartussangortillugu isumaqatigiissutit ilaasa qanoq tunniunneqartarnissaannik malittarisassiat imaluunniit agguaassinissamut najoqqtassiat aalajangersaassapput.

Aammattaaq pisisussamut isumaqatigiissutit ilaannik arlalinnik imaluunniit tamanik ataqtigiissitaqarnissaq periarfissaavoq, taamaalluni isumaqatigiissutit ilaasa aalajangersimasut imaluunniit tamarmiusut akornanni ataqtigiissoqalissalluni. Isumaqatigiissutip ilanik aalajangersimasumik neqerooruteqartoq pissarsissappat taanna isumaqatigiissutip ilanik aalajangersimasumik allamik pissarsisinneqassanera piumasaqaataasinnaavoq. Isumaqatigiissutit ilaasa akornanni attaviliissutaasinnaasut aamma ataqtigiiffiusinnaasut malittarisassiat imaluunniit agguaassinissamut najoqqtassap ilisimatitsissutigissavai. Malittarisassianut imaluunniit agguaassinissamut najoqqtassamut atatillugu pisisussaq neqerooruteqartunut akikilliliisummik tunniussaqarnissamut periarfissiisinnaavoq.

### *§ 31-mut*

Aalajangersakkami pineqarpoq naammagittaalliorsinnaatitaaneq.

Siunnersummi aalajangersakkanik unioqqtitsinerit pillugit naammagittaalliuutit tamarmik Pisortat Pisiortortarneranni Neqerooruteqartitsinermi Naammagittaalliuuteqartarfimmuit suliassanngortinneqartassapput.

Naammagittaalliuuteqarsinnaaneq aamma naammagittaalliuteqarsinnaanermi periasissat pillugit aalajangersakkat erseqqinnerusut Pisortat Pisiortortarneranni Neqerooruteqartitsinermi Naammagittaalliuuteqartarfik pillugu Inatsisartut inatsisaanni alassimapput.

### *§ 32-mut*

Imm. 1-imut

1. januar 2019-imi kingusinnerusukkulluunniit neqerooruteqartitsinerit aallartisarfigisaannut sunniuteqalersillugu siunnersuutip 1. januar 2019-imi atuutsinneqalissasoq siunnersuutigineqarpoq.

Siunnersummut naapertuutinngitsumik pisortat oqartussaaffiini sullissiviinilu iluminni inatsisilersuinerit siunnersuutip ulloq 1. januar 2019-imi atuutilerneratigut atorunnaassapput.

Imm. 2-mut

1. januar 2019-ip kingornatigut neqeroortitsinernut aallartisarneqarsimasunut siunnersuutip atuutsinneranik aalajangersakkatut siunnersuutigisaq aalajangiussivoq.

Neqerooruteqartitsinermik nalunaarummik pisisussap tamanut nalunaaruteqarneranut piffissatut aallartisarnermik oqaaserisaq paasineqassaaq. Tamanut saqqummiussinermik arlaannaannilluunniit pisoqassanngippat piffissaq aalajangiisoq tassaavoq neqerooruteqartitsinermik ingerlassamik imaluunniit pisariiniakkamik pisisussap aallartitaqarnernut piffissaq.

Assersuutigalugu sioqqutsisumik nalunaaruteqaqqaarani, siuliani nalunaarummik tamanut saqqummiussoqarfiusimannngitsumik neqeroortitsineq isumaqatiginninniarfittalik atorneqassappat pisisussap avammut saaffiginnillu attaveqarneranit siullermit, tassalu aningaasaliisutut suliallimmut attaveqarneratigut neqerooruteqartitsineq piffissami tessani aallartisarneqartutut isigineqassaaq.

Siunnersuutip atuutsilernerata siuliani aallartisagaasumik neqerooruteqartitsinermik pisisussaq atorunnaarsitsippat, aamma siunnersuutip atulernerata kingornatigut isumaqatigiisummik neqerooruteqaqqilluni siunnersuut manna neqeroortitseqqinnermut atuutissaaq.